

০ ১ ২ ৩
। সা গা -। গা পা পক্ষা I গা -। -রা । সা -। -।
মি ল ন্ ম ধু রং হা . . সি . .

০ ১ ২ ৩
। গা গা পা । পা পা পা I না ধা না । পা -। গা ।
ও নি ব বি র হ নী র ব ক ন্ ঠে

০ ১ ২ ৩
। রা গা রা । গা পা পক্ষা I গা -। -রা । সা -। -।
মি ল ন মু ধ রং বা . . গী . .

ধূয়া :—

০ ১ ২ ৩
। পা ধা -পা । সা সা সা I পা -ধা -না । ধা -পা -।
আ মা রু কু টা র রা . . গী . .

০ ১ ২ ৩
। সা রা গা । ক্ষা পা -। I ন না না ধা । পক্ষা গা -। III
সে যে গো আ মা রু কু দ য রা . গী .

উপলব্ধ্য।—যে যে জায়গায় 'ধূয়া'—বলে লেখা আছে, সে সে স্থানে উল্লিখিত সুরে ও তালে 'ধূয়া' গেয়। বলা বাহুল্য যে এ গানখানি বহুল প্রচলিত গান; তাই মত বিশেষে গানটি একটু পরিবর্তিত সুরেও গীত হ'য়ে থাকে, এবং পংক্তি বিশেষ বাদে দেওয়া হয়। বাই হ'ক! এখানে কিন্তু অভিনয়কালে যে সুরে ও তালে গাওয়া হয়, অবিকল সেই সুরের ও তালের অনুসরণ করা হ'ল।—লেখিকা।

শোক সংবাদ—চট্টলের প্রিয়কবি বঙ্গকাব্যকুঞ্জের একজন কলকঠপিক কবির শ্রীযুক্ত জীবেন্দ্রকুমার দত্ত মহাশয় আর ইহজগতে নাই। তাঁহার প্রতিভা-রবি মধ্যগগনে উপনীত হইয়াই অন্তাচলে চলিয়া পড়িল, ইহা অল্প আক্ষেপের বিষয় নহে। জীবেন্দ্রকুমার আমাদের নারায়ণের একজন নিয়মিত লেখক ও উৎসাহদাতা ছিলেন, তাঁহারে অভাব নারায়ণের বুক বড়ই বাজিবে। ভগবানের নিকট প্রার্থনা করি তাঁহার স্বর্গগত আত্মা শান্তিলাভ করুক। আমরা তাঁহার শোকসন্তপ্ত পরিবারবর্গের সহিত সহায়ত্ব প্রকাশ করিতেছি।

ভ্রম সংশোধন—গতবারের পঞ্চপ্রদীপে শ্রীযুক্ত মলিনীকান্ত গুপ্তের 'বীরভাবের কথা'র নিয়ে ভ্রমক্রমে প্রবন্ধকের নাম ছাপা হয় নাই বলিয়া আমরা ক্ষমিত।

উপলব্ধ্য—নারায়ণের ষাণ্মাসিক ফলি জ্যৈষ্ঠ মাসে বাহির হইবে

নারায়ণ

৮ম বর্ষ, ৯ম সংখ্যা]

শ্রাবণ, ১৩১৯

দেশের অবস্থা

[শ্রীশরৎ চন্দ্র চট্টোপাধ্যায়]

পাঞ্জাব অধ্যাচার উপলক্ষে বছর দেড়েক পূর্বে একদিন যখন দেশব্যাপী আন্দোলন উত্থান হয়ে উঠেছিল, তখন আমরা আকাশ : জোড়া চীৎকারে চেয়েছিলাম স্বরাজ। মহাআজীর জয় জয়কার গলা ফাটিয়ে দিযিদিগে প্রচার করে বলেছিলাম স্বরাজ চাই চাই। স্বাধীনতা মানুষের জন্মগত অধিকার এবং স্বরাজ ব্যতিরেকে কোন অত্যাচারই কোনদিন প্রতিবিধান করতে পারবে না। কথাটা যে মূলতঃ সত্য, এ বোধ করি কেহই অস্বীকার করতে পারে না। বাস্তবিকই স্বাধীনতা মানবের জন্মগত অধিকার, ভারতবর্ষের শাসনভার ভারতবর্ষীদের হাতেই থাকা চাই এবং এ দায়িত্ব থেকে যে কেউ তাদের বঞ্চিত রাখে, সেই অত্যাচারী। এ সবই সত্য। কিন্তু এমনি আরও ত একটা কথা আছে, যাকে স্বীকার না কোরে পথ নাই,—সে হচ্ছে আমাদের কর্তব্য। Right এবং Duty এই দুটো অল্পপূরক শব্দ ত সমস্ত আইনের গোড়ার কথা। সকল দেশের সকল সামাজিক বিধানে একটা ছাড়া যে আর একটা মুহূর্ত দাঁড়াতে পারে না, এতো অবিসম্বাদী সত্য। কেবল আমাদের দেশেই কি এই বিশ্ব নিয়মের ব্যতিক্রম ঘটবে? স্বরাজ বা স্বাধীনতায় যদি আমাদের জন্ম-স্বত্ব হয়, ঠিক ততখানি কর্তব্যের দায়ী হয়েও ত আমরা মাতৃগর্ভ থেকেই ভূমিষ্ঠ

হয়েছি। একটাকে এড়িয়ে আর একটা পাব :এত বড় অন্যায-অসঙ্গত দাবী, এতবড় পাগলামী আরত কিছু হতেই পারে না। ঘটনাক্রমে কেবলমাত্র ভারতবর্ষীয় হয়ে জন্মেছি বলেই ভারতের স্বাধীনতা আমাদের :চাই, এ কথাও কোনমতেই সত্য হতে পারে না! এবং এ প্রার্থনা ইংরাজ কেন, স্বয়ং বিধাতা পুরুষও বোধ করি মঞ্জুর করতে পারেন না! এই সত্য, এই সনাতন বিধি, এই চির-নিয়ন্ত্রিত ব্যবস্থা আজ সমস্ত হৃদয় দিয়ে হৃদয়ঙ্গম করার দিন আমাদের এসেছে। একে ফাঁকি দিয়ে স্বাধীনতার অধিকার শুধু আমরা কেন, পৃথিবীতে কেউ কখনো পায়নি, পায়না এবং আমার বিশ্বাস কোনদিন কখনো কেউ পেতেও পারে না। কর্তব্যহীন অধিকারও অনধিকারের সমান। অথচ, এই যদি আমাদের ঐঙ্গিত বস্তু হয়, প্রার্থনার এই অদ্ভুত ধারা যদি আমরা সত্যই গ্রহণ করে থাকি, তা'হলে নিশ্চয় বলছি আমি, কেবলমাত্র সমস্তের বন্দেমাতরম্ ও মহাত্মার জয়ধ্বনিতে গলা চিরে আমাদের রক্তই বার হবে, পরাধীনতার জগদল শিলা তাতে হুচ্যাগ্র ভুমিও নড়ে বসবে না। কাজ কোরব না, মূল্য দেব না, অথচ জিনিষ পাওয়া চাই, এ হলে হয়ত সুবিধে হয়, কিন্তু সংসারে তা' হয় না, এবং আমার বিশ্বাস, হলে মানুষের কল্যাণের চেয়ে অকল্যাণই বাড়ে। অথচ মূল্যহীন এ ভিক্ষায় চাওয়াকেই আমরা সার করেছি। বছর দেড়েক যুগে যুগে নিজের চোখেই আমাকে অনেক দেখতে হয়েছে এবং একটুখানি অবিদ্যের অপবাদ নিয়েও বলতে হচ্ছে, বুড়ো হলেও চিরদিনের অভ্যাগে এ চোখের দৃষ্টি আমার আজও একেবারে ঝাপসা হয়ে যায়নি। যা' যা' দেখেছি (অন্ততঃ এই হাবড়া জেলায় যা' দেখেছি) তা' নিছক এই ভিক্ষার চাওয়া, দাম না দিয়ে চাওয়া, ফাঁকি দিয়ে চাওয়া। মানুষের :কাজকর্ম, লোকলৌকিকতা, আহা-বিহার, আমোদ-আহ্লাদ, সর্বপ্রকারের স্মৃতি স্মৃতিধের কোথাও যেন কোন ক্রটি না ঘটে, পান থেকে একবিন্দু চূর্ণ পর্যন্ত যেন না খসতে পায়,—তার পরে স্বরাজ্য বল, স্বাধীনতা বল, চরকা বল, খন্দর বল, মায় ইংরাজকে ভারত সমুদ্র উত্তীর্ণ করে দিয়ে আসা পর্যন্ত বল, যা' হয় তা' হোক, কোন আপত্তি নেই। আপত্তি তাদের না থাকতে পারে, কিন্তু ইংরাজের আছে। শতকরা পঁচানব্বই জন লোকের এই হাস্যাস্পদ চাওয়াটাকে সে যদি হেসে উড়িয়ে দিয়ে বলে ভারতবাসী স্বরাজ্য চায় না,—সে কি এত বড়ই মিথ্যা কথা বলে? যে ইংরাজ পৃথিবীব্যাপী রাজত্ব বিস্তার করেছে, দেশের জন্য প্রাণ দিতে যে এক নিষেধ দিধা করে না, সে স্বাধীনতার স্বরূপ জানে, এবং পরাধীনতার লোহার

শিকল মজবুত করে তৈরী করার কৌশল যার চেয়ে বেশী আর কেউ জানে না,—তাকে কি কেবল ফাঁকি দিয়ে, চোখ রাঙ্গিয়ে, গলায় এবং কলমে গালি-গালাজ করে, তার ক্রটি ও বিচ্যুতির অজস্র প্রমাণ ছাপার অক্ষরে সংগ্রহ করে, তাকে লজ্জা দিয়েই এত বড় বস্তু :পাওয়া যাবে,—এ প্রশ্ন ত সকল দ্বন্দ্বের অতীত করে প্রমাণিত হয়ে গেছে, এই লজ্জাকর বাক্যের সাধনায় কেবল লজ্জাই বেড়ে উঠবে, সিদ্ধিলাভ কদাচ ঘটবে না।

আত্মবঞ্চনা অনেক করা গেছে, আর তাতে উদ্যম নেই। জড়ের মত নিশ্চল হয়ে জন্মগত অধিকারের দাবী জানাতেও আর যেমন আমার স্বর ফোটে না, পরের মুখেও তবু কথা শোনবার ধৈর্য্যও আর আমার নেই। আমি নিশ্চয় জানি, স্বাধীনতার জন্মগত অধিকার যদি কারও থাকে, ত সে মানুষের, মানুষের নয়। অন্ধকারের মাঝে আলোকের জন্মগত অধিকার আছে দীপ-শিখার, দীপের নয়; নিবানো প্রদীপের এই দাবী তুলে হান্ধায়া করতে যাওয়া অনর্থক নয়, অপরাধ,—সকল দাবী দাওয়া উত্থাপনের আগে এ কথা তুলে গেলে কেবল ইংরাজ নয়, পৃথিবী শুদ্ধ লোক আমোদ অল্পভব করবে।

মহাত্মাজী আজ কারাগারে। তাঁর কারাবাসের প্রথম দিনে মারামারি কাটা-কাটি বেধে গেল না, সমস্ত ভারতবর্ষ শুরু হয়ে রইল। দেশের লোকে সগর্বে বললে, এ শুধু মহাত্মাজীর শিক্ষার ফল, Anglo Indian কাগজ ওয়ালারা হেসে জবাব দিলে এ শুধু নিছক indifference! আমার কিন্তু এ বিবাদে কোন পক্ষকেই প্রতিবাদ করতে মন সরে না। মনে হয় যদি হয়ে ও থাকে ত দেশের লোকের এতে গর্বে বস্তু কি আছে? Organised violence করার আমাদের শক্তি নেই, প্রবৃত্তি নেই, স্বযোগ নেই। আর হঠাৎ violence? সে তো কেবল একটা আকস্মিকতার ফল। এই যে আমরা এতগুলি ভদ্রব্যক্তি একত্র হয়েছি, উপদ্রব করা আমাদের কারও ব্যবসা নয়, ইচ্ছা ও নয়, অথচ একথাও ত কেউ জোর করে বলতে পারিনে আমাদের বাড়ী ফেরবার পথটুকুর মাঝেই হঠাৎ কিছু একটা বাধিয়ে দিতে না পারি। সঙ্গে সঙ্গে মস্ত ফ্যাসাদ বেধে যাওয়াও অসম্ভব নয়। বাধেনি সে ভালই এবং আমিও একে তুচ্ছ তাচ্ছিল্য করতে চাইনে, কিন্তু এ নিয়ে দাপাদাপি করে বেড়ানোরও হেতু নাই। একেই মস্ত কৃতিত্ব বলে সাঙ্ঘনা লাভ করতে যাওয়া আত্মবঞ্চনা, আর Indifference? এ কথায় যদি :তারাই ইঙ্গিত করে থাকে যে, দেশের লোকের গভীর ব্যথা বাঞ্ছনিত, তার বড় মিছে কথা আর হতেই পারে না।

ব্যথা আমাদের মর্মান্তিক হয়েই বেজেছে; কিন্তু তাকে নিঃশব্দে সহ্য করাই আমাদের স্বভাব, প্রতিকারের কল্পনা আমাদের মনেই আসে না।

প্রিয়তম পরমাখী কাউকে যমে নিলে শোকাক্ত মন যেমন উপায়হীন বেদনায় কাঁদতে থাকে, অথচ, যা' অবশ্যজ্ঞাবী, তার বিরুদ্ধে হাত নেই, এই বলে মনকে বুঝিয়ে আবার খাওয়া পড়া, আমোদ-আহ্লাদ, হাসি তামাসা, কাজকর্ম যথারীতি পূর্বের মতই চলতে থাকে, মহাআজীর সম্বন্ধেও দেশের লোকের মনোভাব প্রায় তেমনি। তাদের রাগ গিয়ে পড়ল জজ সাহেবের উপর। কেউ বললে তার প্রশংসা বাক্য শুধু ভণ্ডামি, কেউ বললে তার ছ'বছর জেল দেওয়া উচিত ছিল, কেউ বললে বড় জোর তিন বছর, কেউ বললে, না চার বছর; কিন্তু ছ'বছর জেল যখন হল' তখন আর উপায় কি? এখন গবর্নমেন্ট যদি দয়া করে কিছু আগে ছাড়েন তবেই হয়। কিন্তু এই ভেবে তিনি জেলে যাননি। তাঁর একান্ত মনের আশা ছিল হোক না জেল ছ'বছর, হোক না জেল দশ বছর,—তাঁকে মুক্ত করা ত তাঁর দেশের লোকেরই হাতে। যেদিন তারা চাইবে, তার একটা দিন-বেশী কেউ তাঁকে জেলে ধরে রাখতে পারবে না, তা' সে গবর্নমেন্ট যতই কেন না শক্তিশালী হোন। কিন্তু যে আশা তাঁর একার ছিল, সমস্ত দেশের লোকের সে ভরসা করবার সাহস হোলো না। তাদের অর্ধোপার্জন থেকে সুরুর করে আহাির নিদ্রা অব্যাহত চলতে লাগল, তাদের ক্ষুদ্র স্বার্থে কোথাও এতটুকু বিঘ্ন হোলোনা, শুধু তিনি ও তাঁর পঁচিশ হাজার সহকর্মী দেশের কাজে দেশের জেলেই পচতে লাগলেন। প্রতিবিধান করবে কি, এতবড় হীনতায় লজ্জাবোধ করবার শক্তি পর্য্যন্ত যেন এদের চলে গেছে। এরা বুদ্ধিমান, বুদ্ধির বিড়ম্বনায় ছুতো তুলেছে Non-violence কি সম্ভব? Non-co-operation কি চলে? গান্ধীজীর movement কি practical? তাইত আমরা—কিন্তু কে এদের বুঝিয়ে দেবে, কোন movement কিছু নয়, যে move করে সেই মানুষই সব। যে মানুষ, তার কাছে Co-operation, Non-co-operation (violence, non-violence) এর যে কোন একটাই স্বাধীনতা দিতে পারে; শুধু যে ভীক, যে দুর্বল, যে মৃত, তার কাছে ভিক্ষে ছাড়া আর কোন পথই উল্লুকে নেই। সুতরাং এ কথা কিছুতেই সত্য নয়, Non-co-operation পন্থা দেশে অচল,—মুক্তির পথ সে দিকে যায়নি। অন্ততঃ এমনো একদল লোক আছে, তা সংখ্যায় যত অল্পই হোক, যারা সমস্ত অস্তর দিয়ে একে আজও বিশ্বাস করে, এরা কারা।

জানেন? একদিন যারা মহাআজীর ব্যাকুল আহ্বানে স্বদেশব্রতে জীবন উৎসর্গ করেছিল, উকীল তার ওকালতী ছেড়ে, শিক্ষক তার শিক্ষকতা ছেড়ে, বিদ্যার্থী তার বিদ্যালয় ছেড়ে চারিদিকে তাঁকে ঘিরে দাঁড়িয়েছিল, যাদের অধিকাংশই আজ কারাগারে,—এঁরা তাঁদেরই অবশিষ্টাংশ। দেশের কল্যাণে, আমার কল্যাণে, সমস্ত নরনারীর কল্যাণে যারা ব্যক্তিগত স্বার্থ জলাঞ্জলি দিয়ে এসেছিল, সেই দেশের লোক আজ তাঁদের কি দাঁড় করিয়েছে জানেন? আজ তাঁরা সম্মানহীন, প্রতিষ্ঠাহীন, লাঞ্চিত, ভিক্ষকের দল। দেশের চোখে আজ তাঁরা হতভাগ্য, লক্ষ্মীছাড়ার দল। তাদের মলিন বাস, তারা গৃহহীন, তারা মুষ্টিভিক্ষায় জীবনযাপন করে যৎসামান্য তেল-নুনের পয়সার জন্ত ষ্টেশনে দাঁড়িয়ে ভিক্ষে চাইতে বাধ্য হয় অথচ শেফ্ছায় যে সমস্ত ত্যাগ করে এসেছে, কতটুকুতে তার প্রয়োজন, সে প্রয়োজন সমস্ত দেশের কাছে কতই না অকিঞ্চিৎকর। এইটুকু সে সম্মানে সংগ্রহ করতে পারে না, মাত্র এইটুকুর জন্ত তাঁর অমুবিধের অন্ত নাই; অথচ এরাই আজও অন্তরে স্বরাজের আসন এবং দেশের বাহিরে সমস্ত ভারতের শ্রদ্ধা ও সম্মানের পতাকা বহন করে বেড়াচ্ছে। আশার প্রদীপ—তা সে যতই ক্ষীণ হোক, আজও এদেরই হাতে। এদের নির্ঘাতনের কাহিনী সংবাদ পত্রে পাতায় পাতায়, কিন্তু সে কতটুকু—যে অব্যক্ত লাঞ্ছনা এদের দেশের লোকের কাছেই সহ্য করতে হয়? মহাআজীর আন্দোলন থাক বা থাক, এদের অশ্রদ্ধেয় করে আনবার, দীনহীন ব্যর্থ করে তোলাবার, মহাপাপের প্রায়শ্চিত্ত, দেশের লোককে এক দিন করতেই হবে, যদি শায় ও সত্যকার বিধি বিধান কোথাও কোন খানে থাকে।

হাবড়া জেলার পক্ষ থেকে আজ যদি আমি মুক্তকণ্ঠে বলি অন্ততঃ এ জেলার লোকে স্বরাজ চায় না, তার তীব্র প্রতিবাদ হবে। কাগজে কাগজে আমাকে অনেক কটুক্তি, অনেক গালাগালি শুনতে হবে। কিন্তু তবুও একথা সত্য, কেউ কিছু কোরব না, কোন সুরবিধা, কোন সাহায্য কিছুই দেব না—আমার বাঁধাধরা সুনিয়ন্ত্রিত জীবনযাত্রায় একতিল বাহিরে যেতে পারব না,—আমার টাকার উপর টাকা, বাড়ীর উপর বাড়ী, গাড়ীর উপর গাড়ী, আমার দোতালার উপর তেতাল্লা এবং তার উপর চৌতাল্লা অব্যাহত এবং অব্যাহত উঠতে থাক—কেবল এই গোটা কতক বুদ্ধিব্রষ্ট লক্ষ্মীছাড়া লোক না খেয়ে না মেয়ে খালি গায়ে খালি পায়ে ঘুরে ঘুরে যদি স্বরাজ এনে দিতে পারে ত দিক, তখন না হয় তাকে ধীরে সুষ্টে চোখ বুজে পরম আরামে রসগোল্লার মত চিবানো যাবে। কিন্তু

এমন কাণ্ড কোথাও হয় না। আসল কথা এরা বিশ্বাস করতেই পারে না, স্বরাজ না কি আবার কখনও হতে পারে। তার জন্য আবার না কি চেষ্টা করা যেতে পারে। কি হবে তাঁতে, কি হবে চরকায়, কি হবে দেশাত্মবোধের চর্চায়। নিভানো দীপশিখার মত মল্লযন্ত্র ধুয়ে মুছে গেছে, একমাত্র হাত পেতে ভিক্ষের চেষ্টা ছাড়া কি হবে আর কিছুতে! একটা নমুনা দিই—

সেদিন নারীকর্মমন্দির থেকে জন দুই মহিলা ও ত্রীমুখ ডাক্তার প্রফুল্লচন্দ্র রায় মশায়কে নিয়ে দুর্ঘোষের মধ্যেই আমতা অঞ্চলে বেরিয়ে পড়েছিলাম, ভাবলাম ঋষিভুল্য সর্কদেশপূজ্য ব্যক্তিটাকে সঙ্গে নেওয়ায় এ যাত্রা আমার সুযাত্রা হবে। হয়েও ছিল; বন্দেমাতরম্ ও মহাত্মার ও তাঁর নিজের প্রবল জয়ধ্বনির কোন অভাব ঘটেনি এবং ওই রোগী মল্লযন্ত্রটাকে স্থানীয় রায় বাহাদুরের ভাঙ্গা তাজামের মধ্যে সবলে প্রবেশ করানোরও আন্তরিক ও একান্ত উদ্যম হয়েছিল। কিন্তু তার পরের ইতিহাস সংক্ষেপে এইরূপ—আমাদের যাতায়াতের ব্যয় হল টাকা পঞ্চাশ, বাড়ে, জলে আমাদের তত্ত্বাবধান করে বেড়াতে পুলিশেরও খরচা হয়ে গেল বোধ হয় এমনি একটা কিছু। বর্জিষ্ণু স্থান, উকীল মোতার ও বহু ধনশালী ব্যক্তির বাস, অতএব স্থানীয় তাঁত ও চরকার উন্নতির কল্পে চাঁদা প্রতিশ্রুত হল তিন টাকা পাঁচ আনা। আর রায় মহাশয় বহু অনুসন্ধানে আবিষ্কার করলেন জন দুই উকীল বিলিতি কাপড় কেনেন না, এবং একজন তাঁর বক্তৃতায় মুগ্ধ হয়ে তৎক্ষণাৎ প্রতিজ্ঞা করলেন, ভবিষ্যতে তিনি আর কিনবেন না। ফেরবার পথে প্রফুল্লচন্দ্র প্রফুল্ল হয়ে আমার কাণে কাণে বললেন, হাঁ, জিলাটা উন্নতিশীল বটে! আর একটু লেগে থাকুন, Civil disobedience বোধ হয় আপনারাই declare করতে পারবেন!

আর জনসাধারণ? সে তো সর্বথা ভদ্রলোকেরই অনুগমন করে।

এচিত্র হুংখের চিত্র, বেদনার ইতিহাস, অন্ধকারের ছবি! কিন্তু এই কি শেষ কথা? এই অবস্থাই কি এ জেলার লোক নীরবে শিরোধার্য করে নেবে? কারও কোন কথা, কোন প্রতিষ্ঠা, কোন কর্তব্যই কি দেখা দেবে না? যারা দেশের সেবাব্রতে জীবন উৎসর্গ করেছে, যারা কোন প্রতিকূল অবস্থাকেই স্বীকার করতে চায় না, যারা Government-এর কাছেও পরাভব স্বীকার করেনি তারা কি শেষে দেশের লোকের কাছেই হার মেনে ফিরে যাবে? আপনারা কি কোন সংবাদই নেবেন না?

আমার এক আশা, সংসারে সমস্ত শক্তিই তরঙ্গগতিতে অগ্রসর হয়। তাই

তার উত্থান-পতন আছে, চলার বেগে যে আজ নীচে পড়চে, কাল সেই আবার উপরে উঠবে, নইলে চলা তার সম্পূর্ণ হবে না। পাহাড় গতিহীন, নিশ্চল, তাই তার শিখর-দেশ এক স্থানে উচু হইয়েই থাকে, তাকে নামতে হয় না। কিন্তু বায়ুতড়িত সমুদ্রের তরঙ্গের সে বাবস্থা নয়—তার উঠা পড়া আছে; সে তার লক্ষ্যের হেতু নয়, সেই তার গতির চিহ্ন, তার শক্তির ধারা। সে কেবল উচু হয়েই থাকতে চায়। যখন জমে, বরফ হয়ে উঠে। তেমনি আমাদের এও যদি একটা movement হয়, পরাধীন দেশে একটা অভিনব গতিবেগ হয়; তা' হলে উঠানামার আইন একেও মেনে নিতে হবে, নইলে চলতেই পারবেনা।

চির-শিশু

[কাজী নজরুল ইসলাম]

নাম-হারা তুই পথিক-শিশু এলি অচিন দেশ পারায়ে।

কোন নামের আজ পরলি কাকন বাঁধন-হারার কোন কারায়ে ॥

আবার মনের নতন করে'

কোন নামে বল্ ডাক্ব তোরে ?

পথ-ভোলা তুই এই সে ঘরে

ছিল ওরে এলি ওরে বারে বারে নাম হারায়ে ॥

ওরে বাছ, ওরে মাণিক, আঁধার-ঘরের রতন-মণি !

ক্ষুধিত ঘর ভরলি এনে ছোট্ট হাতের একটু ননী।

আজ যে শুধু নিবিড় স্মৃতে

কান্না-সাগর উথলে বৃকে,

নূতন নামে ডাক্তে তোকে

ওরে ওকে কণ্ঠ রুখে, উঠছে কেন মন ভারায়ে ?

অস্ত হ'তে এলে পথিক উদয়-পানে পা বারায়ে ॥

প্রলয়-বিষাণ

[শ্রীসুকুমাররজন দাশ]

কোথায় ওরে প্রলয়-বিষাণ,
পিণাকপাণির হাতে আবার

তোলো ভাঙার গান ;

তোমার ঐ ভীম আরাবে বাজো তুমি বাজো,
কাঁপায়ে এই বিশ্ব-চক্র অসীম ব্যোমে রাজো ;
জমাট—বাঁধা বিপুলছন্দে করে খান খান
আধ-মরা এই ভারতবাসীর মরচে-পড়া প্রাণ ।
সত্যকে যে হেলা করে' মিথ্যা বরে আজো
ঝঙ্কারে তার প্রাণের সেতার হুমড়ে দিয়ে বাজো,
সেই ভাঙা তারে ভীম ঝঙ্কারে

তুলি ধ্বংস-তান

বাজো ওরে প্রলয় বিষাণ !

কোথায় ওরে প্রলয়—বিষাণ,

জাগাও তোমার অট্টহাসে

প্রাণ-কাঁপান তান ;

রণিয়ে উঠুক হ্রেষাধ্বনি দ্বিগুণের কোলে,
বজ্র-নাদে তুফান-তালে উল্লা যেন দোলে,
মরার আগে মরে যারা তাদের মেরে রাখো,
মহাকালের রথে চড়ে বিশ্ব জুড়ে থাকো ;
প্রলয় দিয়ে নূতন সৃষ্টি বরণ করে আনো,
তান্নাগড়ার খেলা এবার নূতন করে জানো ;

ধ্বংসনেমির ভীষণ রবে

কাঁপায়ে দূর বিমান

বাজো ওরে প্রলয়-বিষাণ !

লতা

[শ্রীউর্শ্বলা দেবী]

(পূর্ব প্রকাশিতের পর)

লতাকে যখন আমি প্রথম দেখি, তখন সে স্বামীর সহিত হৃগলীতে আসিয়াছে
পুত্রের অয়ন হইবে বলিয়া জমীদার ও তাঁহার গৃহিণী বধূকে পুত্রের নিকট
পাঠাইয়া দিয়াছিলেন। আমার স্বামী হৃগলীতে ওকালতি করিতেন।
নির্মলকান্ত তাঁহার সহপাঠী ছিলেন। তিনি বি, এ পাশ করিয়া বি, এল
পড়েন ও নির্মলকান্ত এম, এ পাশ করিয়া প্রফেসর হন। ইহাদের এই
বন্ধুত্বের স্বত্রে লতার সহিত আমার পরিচয় হয়। তাহার পূর্ববর্তী জীবনের
আশৈশব সকল কথা আমি কতক লতার নিজমুখে এবং কতক লতার মাতার
মুখে শুনিয়াছিলাম।প্রথম পরিচয়েই আমি লতার প্রতি আকৃষ্ট হইয়াছিলাম। তাহাকে
দেখিলে মনে হইত সে যেন এ পৃথিবীর কেহ নয়,—তাহার সুন্দর মুখখানিতে
এমনই একটি পবিত্র ভাব ছিল। তাহার মধ্যেও এমন একটা অটল গাভীর্ষ্য
ছিল, যে নিতান্ত লঘু প্রকৃতির মানুষও তাহার নিকট নত মস্তক হইত। অল্প
দিকে তাহার প্রকৃতি শিশুর মত সরল ছিল। আমার স্বামী মাঝে মাঝে
বলিতেন,—“নির্মলের জী যেখান দিয়ে হেঁটে যায় সেখানটা যেন পবিত্র হয়ে
যায়।” সত্যই তাহাকে দেখিলে ঐরূপ মনে হইত।শিশুকাল হইতেই আমার দৃষ্টি সকল বিষয়ে অত্যন্ত তীক্ষ্ণ ছিল। আমি
ক্রমে লতার অন্তরের পরিচয় পাইতে লাগিলাম। তাহার সমগ্র সঙ্গুণের মধ্যে
একটা গুণের অভাব দেখিয়া আমি প্রাণে বড় আঘাত পাইতাম। সেটি কি ?
সেটি মানুষের সকল প্রকার সুদৃঢ় বৃহৎ হৃকলতার প্রতি ক্ষমার অভাব। তাহার
কোমল হৃদয় সেখানে পাষণের স্থায় কঠিন হইত। সে সেখানে বিচার যুক্তি
তর্ক কিছুই মানিত না। তাহার সহিত মাঝে মাঝে এই বিষয় লইয়া বাক
বিতণ্ডা হইত। আমি বলিতাম—“লতা! ক্ষমা জিনিষটা বড় সুন্দর, সে জিনিষটা আমাদের প্রাণকে বড়
সুন্দর বড় উচ্চ করে। মানুষের হৃকলতাকে ক্ষমা ক'রতে চেষ্টা করাই উচিত।”

লতা বলিত,—

“কেন দিদি, ভগবান সকলকেই বিবেক বলে একটা জিনিষ দিয়েছেন। তা সত্ত্বেও যে বিপথে যাবে তাকে কেন ক্ষমা করব?”

আমি বলিলাম,—

“লতা, মানুষ কি অবস্থায় কি অভাবে কোন পথে যায় তা আমরা কি করে জানব। মানুষের জীবনে কত প্রতিকূল অবস্থা আসে, কত প্রলোভন আসে, বন্ধুরূপে কত শত্রু আসে। অত্যন্ত সবলচিত্ত মানুষ না হলে সে সকল উপেক্ষা ক’রতে পারে না। ভেবে দেখ সে সময়ে যদি একজন মানুষকে তার আত্মীয় স্বজন বন্ধুবান্ধব সকলেই ত্যাগ করে তবে কি সে ক্রমেই নরকের পথেই অগ্রসর হয় না! আমার মনে হয় সে সময়ে তাকে তার দুর্বলতা থেকে অতি সহজে তুলে নেওয়া যায়।”

লতা বলিত,—

“তুমি যা বলছ তা বুঝতে পারি কিন্তু পাপকে যদি কেবল ক্ষমাই ক’রব তবে পাপের সংহার কোথায়?”

আমি হাসিয়া বলিতাম,—

“লতা! আমি একথা বলছি না যে পাপের সংসর্গ মানুষ ত্যাগ ক’রবে না কিবা পাপকে ঘৃণা করবে না। কিন্তু অগ্রপশ্চাৎ বিবেচনা না করে, ক্ষুদ্র বৃহৎ বিচার না করে মানুষকে বিচার করা উচিত নয়। লতা! আমার বাবা অত্যন্ত নিশ্চল চরিত্রের লোক ছিলেন,—তাহার শিশুর মত সরলতা দেখে লোকে মুগ্ধ হয়ে যেত। কিন্তু মানুষের দুর্বলতা সম্বন্ধে তাঁর যে উদারতা ছিল,—তা আর কারো মধ্যে বড় দেখতে পাই না। তিনি বলতেন,—“মানুষের দুর্বলতাকে ক্ষমা ক’রে তাকে বৃকে তুলে নিতে পারলে তাকে নরক থেকে উদ্ধার করা যায় কিন্তু তাকে ঘৃণা করে দূরে সরে থাকলে সে আরও নীচে নেমে যায়। একথা কখনও ভুলো না রমা!” তাঁর সে সব অমূল্য উপদেশ কতটুকুই বা গ্রহণ করতে পেরেছি। তবু যে ছ একটা কথা বলি সে তাঁরই সেই জ্ঞান সাগরের ছ একটা বুদ্ধি মাত্র।”

লতা আমার কথা বুঝিয়াও বুঝিত না। তার ঐ এক কথা ছিল,—“ওসব মুখের কথা দিদি! কাজে কি কেউ তা পারে? কাল যদি তুমি শোন তোমার স্বামী একটা অত্যন্ত নীচ কার্য করেছেন তুমি কি তাকে এক কথায়ই ক্ষমা ক’রতে পারবে? তাহলে আর আত্ম সম্মান বলে জিনিষ এ সংসারে কোথায় রইল দিদি?”

লতার এইভাবে আমি বড় ব্যথিত হইতাম। এবং এই জঞ্জল সে জীবনে বহুতর অশান্তি ভোগ করিবে এ বিশ্বাস আমার হৃদয়ে বদ্ধমূল হইয়াছিল। হায়! তখন কিন্তু স্বপ্নেও ভাবি নাই আমার এই ভবিষ্যৎসীমাকে কি ভীষণভাবে সফল হইবে।

৫।—

ছই বৎসর পরের কথা। আমার মাতার প্রাণসংশয় পীড়ার কথা শুনিয়া পিত্রালয়ে গিয়াছিলাম। আমার ক্রোড়ে তখন ছয় মাসের একটি ক্ষুদ্র শিশু। মা আমার প্রায় আট মাস রোগ যন্ত্রণা ভোগ করিয়া স্বর্গারোহন করিলেন। ইহার মধ্যে আর মাকে ছাড়িয়া বাইতে পারি নাই। ছগলী হইতে স্বামীর নিয়মিত পত্রে সকলের সংবাদ পাইতাম। লতাও মধ্যে মধ্যে পত্র লিখিত। পত্রগুলির প্রতিপংক্তিতে তাহার পরিপূর্ণ সুখের আভাষ ফুটিয়া উঠিত। আমি পত্রগুলি পড়িয়া বড়ই সুখী হইতাম। সত্য কথা বলিতে কি লতাকে আমি ছোট ভগিনীর মতই ভাল বাসিতাম। আমার ছগলী ত্যাগের ছই মাস পর লতার পত্রে একটি শুভ সংবাদ পাইয়া বড়ই প্রীত হইয়াছিলাম।

মা’র আত্মাদি কার্য শেষ হইয়া গেলে, সুদীর্ঘ নয় মাস পরে গৃহে ফিরিলাম।

শুনিলাম লতাকে লইতে তাহার পিত্রালয় হইতে লোক আসিয়াছে। আগামী পরশ্ব ভাল দিন সে সেই দিনে রওনা হইবে। বৈকালে লতাকে দেখিতে গেলাম। লতার মুখে এবার নূতন সৌন্দর্য দেখিলাম। তাহার অবস্থানুযায়ী স্নান ও পাণ্ডুর মুখে একটি নূতন ভাব ফুটিয়া উঠিয়াছে। ইহাই মাতৃস্নেহের প্রথম নিদর্শন! আমাকে দেখিয়া লতা হাত ধরিয়া শয়ন গৃহে লইয়া গেল। আমার পাশে বসিয়া, আমার গলা ধরিয়া সে কিছুক্ষণ নীরব রহিলে আমি জিজ্ঞাসা করিলাম,—

“বাপের বাড়ী যাচ্ছিস নাকি?”

মুহু হাসিয়া লতা বলিল,—

“হ্যাঁ দিদি, মা নিতে লোক পাঠিয়েছেন। উনি প্রথমে দিতে চাননি,—কিন্তু শিশুর স্বাস্থ্যও যেতে লিখেছেন। ওঁর একা একা বড় কষ্ট হবে। তোমাদের ওপর নির্ভর করেই যাচ্ছি, তোমরা খোঁজ খবর নিও। আমারও যেতে মন সচ্ছ না দিদি”——বলিয়া লতা হাসিয়া ফেলিল।

আমিও হাসিয়া তাহার গলা জড়াইয়া ধরিয়া বলিলাম,—

“তাকি আর জানি না ভাই! তোরা আবার একজন আর একজনকে ছেড়ে থাকবি। তুই গেলে নিশ্চয় বাবুকে কি করে সামলাব জানি না। লোকটা পাগল হয়ে না গেলে বাঁচি।”

সলজ্জ হাসি হাসিয়া লতা বলিল,—

“যাও দিদি, তুমি বড় ছুঁই!”

রাত্রে গৃহে ফিরিলাম। লতা যাওয়ার পূর্বে আর একবার তাহাকে দেখা দিবার জন্ত বার বার অনুরোধ করিল। খোকাকে ক্রোড়ে লইয়া বার বার তাহার মুখ চুম্বন করিল। আমি তাহার পরদিন আবার যাইব বলিয়া স্বীকৃত হইয়া আসিলাম।

পর দিন সন্ধ্যার সময় অগ্ৰান্ত গৃহ কার্য শেষ করিয়া শ্রমমাতার জলযোগের সমস্ত গুছাইলাম। তাহার সন্ধ্যাহিক হইলে তাঁহাকে জলযোগ করাইয়া লতার নিকট যাইব স্থির করিয়াছিলাম। তাহা হইলে একটু বেশীক্ষণ লতার নিকট বসিতে পারিব বলিয়াই ঐ বন্দোবস্ত করিয়াছিলাম। এমন সময়ে লতাদের বেগারা ভজু দৌড়িয়া আসিয়া বলিল,—“আপনি শীগির আসুন মাজী বড় বেমার।” আমি শুনিয়া চমকিয়া উঠিলাম। কি হইয়াছে ভজুকে ভাল করিয়া প্রশ্ন করিবার কথাও মনে হইল না,—শ্রমমাতার অন্তিম লইয়া এখনই লতাদের বাড়ী গেলাম ভজু আমাকে একেবারে লতার শয়ন গৃহে লইয়া গেল। গিয়া দেখি লতার সংজ্ঞাহীন দেহ ধূলায় লুপ্তিত। কিছুই বুঝিতে পারিলাম না,—ঝিকে ডাকিয়া জিজ্ঞাসা করিলাম। তাহার নিকট শুনিলাম প্রভাত হইতে লতা শুইয়া ছিল,—আহারাদি করে নাই। বৈকালেও ঝি আসিয়া তাহাকে তদবস্থায় দেখিল। ঝি গৃহকার্য্য করিতে লাগিল,—কিছুক্ষণ পর নিশ্চল-কুমারকে গৃহ প্রবেশ করিতে দেখিয়া সে গৃহান্তরে প্রস্থান করিল। প্রায় অর্দ্ধ ঘণ্টা পর সে কোন গুরু দ্রব্য পত্তনের শব্দ শুনিয়া দৌড়িয়া আসিল। বারান্দা দিয়া আসিতে আসিতে দেখিল নিশ্চল সম্বর দরজা দিয়া বাহির হইয়া গেলেন। লতার গৃহে আসিয়া দেখিল অজ্ঞানাবস্থায় ভূতলে পতিত। সে অনেক চেষ্টা করিয়াও কিছু করিতে কৃতকার্য্য না হইয়া আমাকে ডাকিতে লোক পাঠাইয়াছিল। ঝির কথায়ও বিশেষ কিছুই বুঝিতে পারিলাম না।

আমার স্বামীকে সংবাদ দিবার জন্ত ভজুকে পাঠাইরা দিয়া, লতার ভুলুপ্তিত মস্তক ক্রোড়ে লইয়া বসিয়া তাহার শুশ্রূষা করিতে লাগিলাম।

দীর্ঘকাল শুশ্রূষার পর লতা চক্ষুফুলন করিল। আমার মুখের দিকে চাহিয়া দেখিল। তারপর ছই বাছ দ্বারা আমার গলদেশ আকর্ষণ করিয়া আমার মুখ নিজের মুখের উপর রাখিয়া,—“দিদি!” বলিয়া সে উচ্ছ্বসিত হইয়া কাঁদিয়া উঠিল।

আমি তাহাকে বুকের ভিতর টানিয়া লইয়া বলিলাম “কি হয়েছে লতা? অমন করছ কেন বোন?”

ফুলিয়া ফুলিয়া কাঁদিতে কাঁদিতে লতা বলিল,—“দিদি! উনি আমায় ত্যাগ করেছেন—না—না দেবতার নামে মিথ্যা বলব না। আমি হতভাগিনী ঋণিক মোহের বশে অন্ধ হয়ে পাগল হয়ে তাঁকে হারিয়েছি।”

একি শুনিলাম! আমার আশঙ্কা কি এত শীঘ্র এই ভাবে সত্যে পরিণত হইল? না—না অসম্ভব! এ যে একেবারেই অসম্ভব! আমি কি শুনিতে কি শুনিয়াছি। অতি কষ্টে নিজেকে স্মরণ করিয়া লইয়া বলিলাম,—

“লতা, সব কথা বুঝিয়ে বল বোন, আমি যে কিছুই বুঝতে পারছি না।”

লতা :উঠিয়া বসিল, ছই হস্তে চক্ষু মার্জনা করিয়া সে আমার মুখের দিকে চাহিল। তাহার সেই কাতর দৃষ্টি দেখিয়া আমি শিহরিয়া উঠিলাম। লতা ধীরে ধীরে আমাকে সকল কথা বলিতে লাগিল। বলিতে বলিতে কখনও শূন্য নয়নে সে আমার প্রতি চাহিল,—কখনও অশ্রুভারে তাহার কণ্ঠরোধ হইয়া যাইতে সে অশ্রু মার্জনা করিয়া পুনরায় বলিয়া যাইতে লাগিল।

পরদিন পিত্রালয়ে চলিয়া যাইবে বলিয়া লতা সমস্ত দ্রব্যাদি যথাস্থানে গুছাইয়া রাখিতেছিল। নিশ্চলকান্তের আলমারী বাড়িয়া মুছিয়া তাহার কাপড় চোপড় গুলিও গুছাইয়া রাখিয়া যাইবে মনস্থ করিয়া আলমারী খুলিল। কাপড়গুলি নাড়িতে চাড়িতে একখানা অর্ধ ছিন্ন পুরাতন পত্র তাহার হস্তগত হইল। পত্রখানি নিশ্চলকুমারের নিকট একটি স্ত্রীলোকের লেখা। পত্রখানা পরে আমি সচক্ষে দেখিয়াছিলাম, তাহার মর্ম্ম এইরূপ,—

“নিশ্চল বাবু!

তুমি আর এস না কেন? কাল সন্ধ্যার সময় আসবে বলে গেলে আর এলে না। আমি তোমার পথ চেয়ে বসে ছিলাম। তুমি আমায় ত্যাগ করলে কেন? তোমার পায়ে পড়ি দেখা দিয়ে যেও। ইতি তোমার হত ভাগিনী

বিনোদ”

পত্রখানির তারিখ লতার বিবাহের ঠিক এক বৎসর পরের। —

পত্রখানি পড়িয়া লতার আপাদ মস্তক কম্পিত হইতে লাগিল। এ কি! সে যে তাহার স্বামীকে দেবতা জ্ঞানে পূজা করে! তবে এ কি? লতা যেন কিছুই বুঝিয়া উঠিতে পারিল না। পত্রখানা হাতে লইয়া সে কাষ্ঠপুতলিকার মত দাঁড়াইয়া রহিল। এই সময়ে হাসিতে হাসিতে নির্মল গৃহ প্রবেশ করিল। লতাকে এই ভাবে দাঁড়াইয়া থাকিতে দেখিয়া সে বলিল,—“একি গো! অমন করে দাঁড়িয়ে রয়েছ কেন? তোমার সব গোছান হোল?”

লতা কোন কথা না বলিয়া, পত্রখানা নির্মলের পায়ের নিকট ফেলিয়া দিয়া, পাশ কাটাঁইয়া, দ্রুত পদে আপনার শয়ন গৃহে চলিয়া গেল। কিছুক্ষণ পর নির্মল গৃহ প্রবেশ করিল,—লতা তখন শয্যা গ্রহণ করিয়াছে। নির্মল শয্যা-পার্শ্বে দাঁড়াইয়া বলিল,—

“লতা আমার একটা কথা শোন, আমার দিকে চাও। সব কথা শুনে তুমি বুঝবে এতে তোমার রাগ ক’রবার কিছু নেই।”

লতা ফিরিল,—কিন্তু স্বামীর বাহু পাশে কিছুতেই নিজেকে ধরা দিল না। বিশাল চক্ষু ছুটি নির্মলের চক্ষুর প্রতি স্থাপিত করিয়া বলিল,—“কি বলবে? বলবার কিছু আছে কি? বলবার কিছু থাকলে অনেক আগে নিজেই বলতে।” নির্মল বলিল,—

“অনেক কথা বলবার আছে। ধীরেন্দ্র নামে আমার সহপাঠী বন্ধুর নাম হয়তো আমার মুখে শুনেছ। ধীরেন্দ্র অত্যন্ত দরিদ্র পরিবারের একমাত্র ভরসা ছিল, লেখা পড়ায়ও সে খুব ভাল ছিল। হঠাৎ সে এই বিনোদিনীর কুহকে পড়ে অধঃপাতের পথ পরিষ্কার ক’রতে আরম্ভ করে। এমন কি তাকে বিয়ে ক’রবে বলেও নাকি স্থির করে। আমি দেখলাম এক ধীরেন্দ্রর সঙ্গে সমস্ত পরিবারটি যায়,—আমি আর স্থির থাকতে পারলাম না। আমি তখন বিনোদিনীর সঙ্গে সাক্ষাৎ করে তাকে বোঝাবার চেষ্টা ক’রতে লাগলাম।”

লতার দিকে চাহিয়া নির্মল দেখিল লতা একটু বিজ্ঞপের হাসি হাসিল। নির্মল বলিতে লাগিল—“প্রথমে সে আমাকে বিজ্ঞপ ক’রে উড়িয়ে দিল। আমি তবুও হাল ছাড়লাম না। ধীরেন্দ্রের অজ্ঞাত-নারে মধ্যে মধ্যে বিনোদিনীর সঙ্গে সাক্ষাৎ ক’রতে যেতাম। কিছু দিন পর দেখলাম বিনোদিনীর মন একটু একটু নরম হ’য়েছে। তারপর সে ধীরেন্দ্রকে ত্যাগ ক’রতে সম্মত হোল; আমি তাকে কিছু অর্থ দিতে গেলে সে তাহা প্রত্যাখ্যান ক’রলে দেখে বড় আশ্চর্য

হ’লাম। আমার মনে একটা সন্দেহ উপস্থিত হোল—আমি সে দিন থেকে আর তার কাছে যাই নি। তারপর সে ঐ চিঠিখানা লিখেছিল বটে কিন্তু লতা তোমায় সত্যি বলছি আমি সে চিঠির কোন উত্তর দিই নি বা তার কাছে যাইনি এখন সব বুঝলে তো?”

শুধুকণ্ঠে লতা বলিল,—“না একটা কথা এখনও বুঝি নি। কি সন্দেহের বশবর্তী হয়ে তুমি আর যাও নি?”

একটু ইতস্ততঃ করিয়া নির্মল বলিল,—

“বিনোদিনী আমাকে একটু একটু ভালবাসতে আরম্ভ করেছে বলে সন্দেহ হয়েছিল।”

শিহরিয়া উঠিয়া দুই হস্তে কর্ণধর আচ্ছাদন করিয়া লতা বলিল,—

“ছিঃ ছিঃ একথা আমার কাছে বলতে তোমার একটু লজ্জা হোলনা, একটা পতিতা স্ত্রীলোক তোমাকে চিঠি লিখতে সাহস পেয়েছে। আর তুমি সেই চিঠি যত্ন করে রেখে দিয়েছ! ষিক তোমাকে।”

বিম্মিত হইয়া নির্মল বলিল,—“পত্র যত্ন করে রেখেছি কে বললে? আমার তো ও পত্রের অস্তিত্বও মনে ছিল না। কি ক’রে কাপড় চোপড়ের সঙ্গে আলমারীতে স্থান পেয়েছিল তাও আমি জানি না।”

লতা আপন কথাই বলিয়া যাইতে লাগিল,—

‘আমি যখন আমার প্রাণের সমস্ত প্রেম সঞ্চিত করে তোমার জন্ত অর্ঘ্য সাজিয়ে তোমার প্রতীক্ষায় বসে ছিলাম, তুমি তখন একটা পতিতা স্ত্রীলোককে নিয়ে প্রেমের খেলা খেলছিলে? ছিঃ ছিঃ কি লজ্জা! কি ঘৃণা! এ আঘাত পাবার আগে আমার মরণ হোল না কেন?’

কাতর কণ্ঠে নির্মল বলিল,—“তুমি এ কি বলছ? লতা—লতা, আমি তো তোমাকে ছাড়া আর কাউকে জানি না। বন্ধুকে বিপদ থেকে উদ্ধার করবার জন্ত তার সঙ্গে আমার সাক্ষাৎ ক’রতে হোত তা নইলে সে আমার কে?”

কঠিন কণ্ঠে পাষানী লতা বলিল,—“কে তা আমি জানি না—তবে এটুকু জানি সে তোমার কেউ না হ’লে এ ঘটনা তুমি আমার কাছে গোপন ক’রতে না। নিজেই বলতে, জিজ্ঞাসা ও ক’রতে হোত না।”

নির্মল বলিল,—“এই সব ঘটনার পর ধীরেন্দ্র আমায় হাতে ধরে অনুরোধ করেছিল একথা যেন প্রকাশ না পায়। বন্ধুর কাছে কি ক’রে বিশ্বাস ঘাতক হ’ব লতা! তাই ইচ্ছা সত্ত্বেও তোমার কাছে বলতে পারি নি। এ যে আমার

নিজের কথা নয়,—পরের কথা বলবার যে আমার কোন অধিকার নেই।
তুমি বুঝতে পারছ না লতা ?”

দূঢ় স্বরে লতা বলিল,—“না—আমি আর কিছু বুঝতে চাইনা,—যা বুঝেছি
তাই আমার পক্ষে যথেষ্ট।”

ব্যথিত স্বরে নির্মল বলিল,—“লতা! তুমি কি সেই লতা! এত কঠিন
তুমি! উঃ ভাবিতেও পারি না। লতা, একটু বুঝতে চেষ্টা কর, না হলে
আমাদের সুখ স্বর্ঘ্য অন্ত যেতে বেশী দেরী হবে না। কি আর বলব?”

লতা বলিলে লাগিল,—

“উনি চলে গেলেন। আমি শুধে শুধে অনেক ভাবতে চেষ্টা ক’রলাম কিন্তু
কিছুতেই মন টাকে যেন স্থির ক’রতে পারলাম না। যতই ভাবি ততই যেন
চিঠিখানা আমার চোখের সামনে আমায় বিজ্ঞপ ক’রে নাচতে লাগল। আর
উঠতে ইচ্ছা হোল না, খেতে ইচ্ছা হোল না। উনি আজকার দিনটা আগেই
ছুটি নিয়েছিলেন, স্নানাহার করে—ভগবান জানেন কি খেলেন—উনি এই পাশের
ঘরে গেলেন। মাঝে মাঝে পায়চারী ক’রে বেড়াতে লাগলেন—শব্দ কাণে
গেল। আমি বিছানায় পড়ে রইলাম। বিকালে উনি আবার এলেন,—বিছা-
নার পাশে এসে ডাকলেন, “লতা!” আমি চুপ ক’রে রইলাম। দিদি? আমি
পাগল হয়েছিলাম না হ’লে কি সেই আদরের ডাক উপেক্ষা ক’রতে পারতাম?
কাতর কণ্ঠে তিনি বললেন,—“এখনও রাগ ক’রে থাকবে? সেই অটল
বিশ্বাস এক মুহূর্তে এই ভীষণ অবিশ্বাসে কি ক’রে পরিণত হোল! এত কঠিন
কি ক’রে হ’লে! লতা! একবার বুকে এস—একবার বল সব ভুলে গেছ।
সব অন্ধকার ঘুচে যাক।” দিদি, পাষাণী আমি, নিষ্ঠুর আমি, নারী নামের
অযোগ্য আমি, তবু চুপ ক’রে রইলাম। তিনি বাহু প্রসারিত ক’রে আমার
বুকে টেনে নিতে এলেন,—আমি স’রে গেলাম। মাহুঘের আর কত সময়?
আর একটা তুচ্ছ নারীর জন্ত কেনই বা সহ্য ক’রবেন, দরিদের কুটীর থেকে তুলে
নিয়ে মাথার মণি ক’রেছিলেন,—আদর দিয়ে মাথায় তুলে ছিলেন। সব কথা
ভুলে গেলাম।

লতা কিছুক্ষণ নীরব থাকিয়া পুনরায় বলিতে লাগিল,—

উত্তেজিত কণ্ঠে তিনি বলিলেন,—“এত ঘৃণা! এত ক’রে বোঝালাম
তবু বিশ্বাস হোল না? এত প্রেম এক মুহূর্তে ঘৃণায় পরিণত হোল একটা

কল্পনা প্রযুক্ত কথা নিয়ে! তবে তাই হোক, আমি চললাম। আর তোমার
সঙ্গে দেখা হ’বে কি না জানি না। যদি ভগবান রক্ষা করেন ও তোমার
ভুল তুমি বুঝতে পার তবেই দেখা হবে, নচেৎ নয়।” এই বলে তিনি টল্‌তে
টল্‌তে দ্বারের দিকে অগ্রসর হ’লেন। তখন আমার জ্ঞান ফিরিয়া আসিল।
একি হইল! একি করিলাম! আমি কি পাগল হইয়াছি? সামান্ত সন্দেহের
বশবর্তী হইয়া দেবতার মত স্বামীকে অপমান করিলাম! এমনটা হইবে তাহা
তো ভাবিতে পারি নাই। আমি শয্যাভ্যাগ করিয়া উঠিলাম, কাতর কণ্ঠে
ডাকিলাম,—“ওগো, ফিরে এস! আমি সব ভুলে গেছি।” কিন্তু হায়,
শুভ্র ঘরে কথাগুলি প্রতিধ্বনিত হইয়া আমারই কানে ফিরিয়া আসিল।
তিনি তৎপূর্বেই গৃহত্যাগ করিয়াছেন। ভাবিলাম তাঁর ঘরে গিয়া পায় ধরিয়া
ফিরাইয়া আনি, কিন্তু পা চলিল কই? অজ্ঞাত অমঙ্গল আশঙ্কায় আপাদ মস্তক
খর খর করিয়া কাঁপিতে লাগিল। সমস্ত পৃথিবী চক্ষের সম্মুখে নৃত্য করিতে
লাগিল,—পরক্ষণেই সংজ্ঞাশূন্য হইয়া পড়িয়া গেলাম। দিদি! দিদি! তিনি
কি আমায় ক্ষমা করিবেন না? একবার তাঁকে ডাক না দিদি, পায় ধরিয়া
ক্ষমা চাই।”

আমি তাহাকে সাধ্যমত আশ্বস্ত করিয়া বলিলাম,—“নির্মলবাবু এখন
একটু বাইরে গেছেন বোন, তিনি এলেই তোমার কাছে আসবেন। তোমায়
ক্ষমা ক’রবেন বৈকি! তোমায় কত ভালবাসেন তাকি জান না?”

“জানি, দিদি, জানি—তাইতো এত সাহস পেয়েছি।” লতার অশ্রু
জলে ধরণী সিক্ত হইতে লাগিল। আমার স্বামী আসিলেন। তাহাকে
নির্মলের সংবাদ লইবার জন্ত পাঠাইয়া লতার নিকট আসিয়া বসিলাম। অনেক
কণ্ঠে তাহাকে একটু হৃৎ পান করাইলাম, সমস্ত দিন অনাহারে সে অত্যন্ত
হ্রস্ব হইয়া পড়িয়াছিল,—হৃৎ পান করিবার অন্ত পরে সে নিদ্রিত হইয়া
পড়িল। আমি তাহার নিকট বসিয়া তাহার অঙ্গে হস্ত সঞ্চালন করিতে
লাগিলাম।

শ্রাবণ মাস,—আকাশ মেঘাচ্ছন্ন। মাঝে মাঝে টিপ্‌ টিপ্‌ করিয়া বৃষ্টি
পড়িতেছিল, মাঝে মাঝে সেই বিরাট অন্ধকার ভেদ করিয়া বিহ্বল হাসিতেছিল।
আমি আমার হৃদয়ে বিরাট অন্ধকার লইয়া চুপ করিয়া বসিয়া রইলাম।
কিছুক্ষণ পর লতা জাগিল, চক্ষুফুলিল করিয়া জিজ্ঞাসা করিল,—“তিনি কি
এসেছেন দিদি?”

আমি মস্তক সঞ্চালন করিয়া বলিলাম,—“না, এখনও আসেন নি, এই এলেন বলে।”

লতা একটি ক্ষুদ্র দীর্ঘ নিশ্বাস ত্যাগ করিল,—তাহার সেই নিশ্বাসে আমার বুক ফাটিয়া যাইতে লাগিল। হায়! সরলা বালিকার অদৃষ্টে কি আছে কে জানে? আমার স্বামী ফিরিয়া আসিলেন,—তিনি প্রথমেই ষ্টেশনে নির্মলের সংবাদ করিবার জন্ত গিয়াছিলেন, সেখানে শুনিলেন নির্মল এলাহাবাদের টিকিট কিনিয়া পাঞ্জাব মেলে চাপিয়া চলিয়া গিয়াছে। আমি মাথায় হাত দিয়া বলিলাম, আমার স্বামী বলিলেন, “কিছু ব্যস্ত হোগো না আমি কাল নিজে এলাহাবাদ গিয়ে তাকে ফিরিয়া নিয়ে আসব।”

লতাকে আর কিছু জানাইলাম না,—বিপদের উত্তর বিপদ লতা তখন অত্যন্ত অসুস্থ হইয়া পড়িয়াছে। কিছু জিজ্ঞাসা করিবার শক্তি আর তাহার নাই। আমি আর গৃহে ফিরিতে পারিলাম না। খোকাকে রাত্রে একটু দেখিবার কথা স্বামীকে বলিয়া দিয়া লতার শুশ্রুষায় নিযুক্ত হইলাম। চিকিৎসক ও ধাত্রীর জন্য লোক পাঠাইলাম।

সমস্ত রাত্রি ক্লেশভোগের পর, উষার তরুণ আলোক যখন সবে মাত্র আকাশ প্রান্তে উকি দিয়াছে, সেই সময়ে লতা, অসময়ে একটি পুত্র সন্তান প্রসব করিল। লতার পুত্র ঠিক সেই মুহূর্তে এই পৃথিবীর সহিত তাহার সম্বন্ধ প্রথম স্থাপন করিল, ঠিক সেই মুহূর্তে একটি মালগাড়ীর সহিত উর্ধ্বগামী পাঞ্জাব মেলের ভীষণ সংঘর্ষণ হইয়া বহু যাত্রী প্রাণ হারাইল। পরদিন সংবাদ পত্রে মৃতের তালিকায় সর্বপ্রথম নির্মলকান্ত রায়ের নাম প্রকাশিত হইল। লতার সব ফুরাইল। দুঃসংবাদ পাইয়া লতার মাতা ছুটিয়া আসিলেন। শোকাক্ত জমীদার দম্পতির স্থানত্যাগের শক্তি লোপ পাইয়াছিল। লোক পাঠাইয়া তাঁহার বধুর তত্ত্বাবধান করিলেন। লতা ছিন্ন লতিকার মতই দিন দিন শুকাইয়া যাইতে লাগিল।

তারপর একদিন একমাসের ক্ষুদ্র শিশুটিকে যার কোলে তুলিয়া দিয়া, উদ্দেশ্যে মৃত ও শত্রুমাতাকে প্রণাম করিয়া, পাপের প্রায়শ্চিত্ত করিবার জন্যই যেন লতা পরলোকগত স্বামীর উদ্দেশ্যে মহাষাত্রী করিল।

বিদায়

[শ্রীশ্রীধর শ্যামল]

ওগো পাহ! রাখ বীণা কণ্ঠ হোক গীত-হীনা
অন্ধ তমসায় ;
এবার বিদায় !

ফেণ-শুভ্র নদীতীরে অন্ধকার নামে ধীরে
যাত্রা হল শেষ,
উদাস-গগনভাগে মদিরার রাগে জাগে
আধ তন্দ্রাবেশ,

পথশ্রান্ত বধু ওকে চলেছে চপল চোখে
শঙ্কিত চরণ ?

মৌনদিন স্নান হেসে কোন্ মন্ত্রময় দেশে
লভিল শরণ ;

দূরে ক্লান্ত তরী খানি ধীরে স্বপ্নাঞ্চল টানি
নিঃশব্দে ঘুমায়,

বল পাহ! বল তবে, বল শ্রান্ত গীতরবে
বলগো বিদায় !

সুরে সুর মিলাইয়া ধনিয়া তুলেছে হিয়া
মোহময় বীণ --

তব সাথে বড় স্মখে কাটায়েছি হাদি মুখে
সারা দীর্ঘদিন ;

গগন পবন মাঝে এবার শোন গো বাজে
শোন ওকি সুর,

শুধু যাওয়া, শুধু আসা— ক্ষণিকের ভালবাসা,
ক্ষণিক মধুর ;

বল বন্ধু—বল তবে, বল শ্রান্ত গীতরবে,
বল তবে হায়।
বিদায়! বিদায়!

বুকে যদি জাগে বাণী— ভাঙ্গি মুক নীরবতা
কয়োনাক ভাই ;
চোখে যদি জাগে বারি— স্মৃতিদ্বার অপসারি
সুখে রেখো তাই ;
এজগতে যত হাসি, যত ভাল বাসা বাসি
যতেক ক্রন্দন
বিদায়ের অর্থাধারে গড়ে হৃদয়ের তারে
মধুর বন্ধন ;
বল পাছ! বল তবে— বল শ্রান্ত গীতরবে
বল তবে হায়!
বলগো বিদায়।
নিশাশেষে স্নান শশী নীলিমায় যাবে মিশি
ছিঁড়ি মায়াজাল ;
নবীন অরুণ ধীরে আসিবে গগন তীরে
তুলি স্বর্ণপাল,
তখন হবে কি দেখা? ওগো পাছ! ওগো সখা!
এই কিনারায়?
এবার বিদায়!

কথাবার্তা

[অধ্যাপক শ্রীমোহিনীমোহন মুখোপাধ্যায়, এম, এ]

(আইভান্ টুর্গেনিভ হইতে)

আল্পের উচ্চতম ছটা চূড়া—ইয়ংফ্রাউ ও ফিন্স্টেরেরয়ার্হর্প * * * * *
এব ডোখেব ডো খাড়া পাহাড়ের যেন লম্বা একটা শৃঙ্খল * * * * * একেবারে
পর্বতের অন্তরতম দেশ।

পর্বতের উপর স্নান সবুজ মুক গগনভল। চারিদিকে হাড়কাপানো নিষ্ঠুর
করকাপাত ; কঠোর উজ্জ্বল বরফের স্তূপ—তারই মাঝ থেকে ধ্যান-
প্রশান্ত তুষারমণ্ডিত পবনপ্রতিহত ছটা চূড়া মাথা উঁচু করে আছে।

ছটা প্রকাণ্ড মূর্তি, দিক্চক্রবালে যেন ছটা রাক্ষস!
ইয়ংফ্রাউ প্রতিবেশীকে বললে, 'নূতন খবর আছে কিছ? তুমিত আমার
চেয়ে দেখতে পাও বেশী। নীচে ওটা কি?'
হাজার বছর কেটে গেল, তাদের সেটা এক মুহূর্ত। ফিন্স্ তখন
বজ্রনির্ধোষে উত্তর দিলে, 'পৃথিবীর উপরে একটা ঘন মেঘের পর্দা হুগছে
একটু র'সো।'

আবার হাজার বছর কেটে গেল, তাদের এক মুহূর্ত।

ইয়ংফ্রাউ স্মধায়, 'এখন কি খবর?'

'ব্যাপার ত দেখছি একই রকম। নীল সলিলের রাশ, কালো জঙ্গল, আর
পাঁশুটে রংএর পাথরের টাই। মাঝে মাঝে ছোট ছোট হুপেয়ে পতঙ্গ
গুলো গোলমাল করে বেড়াচ্ছে;—এপর্যন্ত তারা তোমায় বা আমায় স্পর্শের
দ্বারা কলঙ্কিত করতে পারেনি।'

'মানুষ?'

'হাঁ, মানুষ।'

আবার হাজার বছর যায়, তাদের এক মুহূর্ত।

ইয়ংফ্রাউ স্মধায়, 'এখন কি খবর, বন্ধু?'

ফিন্স্ মেঘমন্ড্রে উত্তর দিলে, 'এখন যেন পোকাগুলো একটু কম;
নীচেটাও একটু বেশী পরিষ্কার দেখাচ্ছে, জল শুকিয়ে এসেছে, জঙ্গল কমে
এসেছে।'

আবার হাজার বছর কেটে গেল, তাদের এক মুহূর্ত।

ইয়ংফ্রাউ স্মধায়, 'এখন কি দেখছ, ভাই?'

ফিন্স্ জবাব দিলে, 'আমাদের কাছটা বেশ পরিষ্কার, কিন্তু ঢালু জমি
কোলে অনেকদূরে বেশ যায়গাগুলি, কি যেন গড়চে সেথায়।'

আবার হাজার বছর যায়—তাদের এক মুহূর্ত।

তখন ইয়ংফ্রাউ স্মধায়, 'এখন কি খবর?'

ফিন্স্ জবাব করলে, 'ভাল খবর—এখন সব পরিষ্কার, যেদিকে
চাই—সব সাদা * * * আমাদের মত চারিদিকেই তুষার—অবিচ্ছিন্ন
তুষারের রাশ। সব জমে গেছে। এখন সব ঠাণ্ডা, সব শান্ত।'

ইয়ংফ্রাউ বললে, 'বেশ, বন্ধু, অনেক গল্প হলো আমাদের, এইবার এসো
আমরা খুঁই।'

‘হাঁ, ভাই, এসো ঘুমোনো যাক্।’

বিরাট পর্ত ঘুমিয়ে পড়ল; পরিক্রম স্বপ্ন গগনতলও সেই অনন্ত
স্বপ্নতার দেশের উপর ঘুমিয়ে পড়লো।

জাতীয় উন্নতির ভিত্তি

(শ্রীরসময় বন্দ্যোপাধ্যায় এম্ এ, কাব্যতীর্থ, কবিরত্ন)

আজ আমাদের চোখের সামনে যাহাই আসিয়া পড়িতেছে, তাহাই
আমরা মাথা পাতিয়া বরণ করিয়া লইতেছি। আমাদের একটি বারও
ভাবিয়া দেখিবার অবসর নাই যে আমরা কি লইতেছি আর কি ফেলিয়া
দিতেছি! কি মহারত্ন আমাদের জননী ভাঙার গূর্ণ করিয়াছিল আর
কি নগণ্য পদার্থ আজ সেই রত্নভাঙারের ভাঙ্গর ক্রী নষ্ট করিতে বসিয়াছে!
আগাছায় ক্ষেত্র পরিপূর্ণ হইয়া ক্রমে ক্রমে হস্তকী হইয়া দাঁড়াইয়াছে।

এইরূপ উক্তির “লক্ষ্য কি বা কে?” এ প্রশ্ন অবশ্যই উঠিতে পারে।
কিন্তু উত্তরেরও অনুসন্ধান বহুদূরে যাইতে হইবে না। উত্তর নিজেই গৃহে
উত্তর নিজেই হৃদয়ে। আমার কি আছে আর কি নাই “তা আমি ভাল
রকমেই জানিতে পারি, যদি জানিবার ইচ্ছা থাকে; “আমার কি ছিল আর
আজ কি হারাইয়াছি” ইহার অনুসন্ধান জন্ম একটা বিরাট আয়োজনের
প্রয়োজন হয় না। প্রয়োজন হয় কেবল একটা প্রবৃত্তির, একটা আকাঙ্ক্ষার।
সেই প্রবৃত্তিকে সেই আকাঙ্ক্ষাকে জাগাইয়া তুলিতে হইবে। কিন্তু সে প্রবৃত্তি
হয় কৈ? আকাঙ্ক্ষা জাগে কৈ? আকাঙ্ক্ষাজাগরণের একটা উত্তেজক
কারণ চাই। সে কারণটা কি? ধর্মিক্রীর কোন্ অংশে আমাদের জন্ম?
কোন্ অংশ ঋগ্বেদাদি মহার্ঘ্য শাস্ত্র নিচয়ের উজ্জ্বল-বিভায় অরুণোদয়সমুদ্ভাসিত
পূর্বাকাশের মত উচ্ছ্বসিত হইয়া উঠিয়াছিল? কোথায় ব্রাহ্মণ, উপনিষদ,
দর্শন বিজ্ঞানের অতুলনীয় ঐশ্বর্য্য সম্ভারে বাণীর চরণকমল অর্চিত হইয়াছিল।

একবার সেই অতীতের গৌরবময়ী স্মৃতিকে মনের মধ্যে জাগাইয়া তুলিয়া
মৈত্রীকরণার পুত্র ধারায় সিন্ধু ওপোবনগুলির দিকে ফিরিয়া তাকাইতে
হইবে। একবার বর্তমান-যুগ-মোহের আবরণ ভেদ করিয়া নির্মল দৃষ্টিতে

নিজের স্বরূপটিকে দেখিতে হইবে। তবেই অবস্থা বুঝিতে পারা যাইবে,
তবেই অতীতের স্মৃতি মাধুরীটি চোখের সামনে ভাসিয়া উঠিবে। তখনই উত্তর
মিলিবে, তখনই এই দারুণ সমস্তার একটা সমীচীন মীমাংসা হইয়া যাইবে।

কিন্তু দুঃখের বিষয়, সে অবসর আমাদের নাই, সে চেষ্টাও আমাদের নাই।
অনুসন্ধিস্যাকে আমরা হারাইয়া ফেলিয়াছি। আমাদের সকল অনুষ্ঠানের
পথে, সকল করণীয়ের মাঝখানে একটা “জিজ্ঞাসাকে” খাড়া করিয়া তুলিতে
হইবে। যাহা লইতেছি, যাহার মোহে ভুলিতেছি সেটা কি? তাহার
উপযোগিতা কি? তাহার ভিত্তি কোথায়?

“পরের মুখে ঝাল খাওয়াটা” বড়ই ঘণিত। ভাল হইলেও বিচার করিয়া
দেখিতে হইবে, মন্দ হইলেও বিচার করিয়া দেখিতে হইবে। “পরপ্রত্যয়নেয়
বুদ্ধি” হইয়া ভালমন্দ কোন মতকেই নিজের করিয়া লওয়া ভুল এবং সেই
মতকে অশ্রান্ত সত্য বলিয়া ঘোষণা করা আরও ভুল, তাহাতে ধ্বংসের পথটাই
বিস্তৃত হয় মাত্র উন্নতির আশা আদৌ থাকে না; একটা জাতির দৌভাগ্যময়
ভবিষ্যৎ গড়িয়া তুলার ঘাট না।

ঐ “পরপ্রত্যয়নেয়বুদ্ধিতা” আমাদের জাতীয় জীবনের উন্নতির একটা-
বিষয় স্বরূপ হইয়া দাঁড়াইয়াছে, একটা রোগের মত জাতির বুকের মধ্যে আসন
পাতিয়া বসিয়াছে।

সেই রোগটির সমূলে বিনাশ করিতে হইবে। যে “জিজ্ঞাসা” প্রাচীন
আর্য্যগণের মজ্জাগত ছিল, তাঁদের জাতীয় জীবনের একটা মুখ্য লক্ষণ ছিল,
সেই জিজ্ঞাসাকে সকল কাজের মধ্যে আনিয়া ফেলিতে হইবে।

আমি কোন মতকেই নিন্দা করিতেছি না, হেয় বা অনুপাদেয় বলিয়া
কোন মতকেই উড়াইয়া দিতেছি না। আমি বলিতেছি বিচার করিয়া
দেখিতে; স্বয়ং তার সত্যতা, তার উপাদেয় নির্ণয় করিতে।

আমাদের যা ছিল বা এখনও যা আছে তা আমরা ত্যাগ করি কেন?
প্রাচীন আর্য্যগণের জাতীয় জীবনের ভিত্তিস্বরূপ যা ছিল তা না দেখিয়া, না
বিচার করিয়া ছুড়িয়া ফেলি কেন? তার হেয়ত্ব বা অনুপাদেয়ত্ব প্রমাণ
করিয়া ত্যাগ করিলে ভাল হয় না কি?

একদিন যাহা স্মৃতির ছিল, একদিন যাহা ভারতবর্ষে স্নেহের, ধর্মের,
ও পবিত্রতার পুণ্য প্রস্রবণ ছুটাইয়া দিয়াছিল; একদিন যাহা মানব-সমাজে
স্বপ্ন, স্বাস্থ্য, সমৃদ্ধি বহন করিয়া আনিয়াছিল; আজ তাহার উপাদেয়ত্ব

গেল কোথায়? আজ তাহা একটা বিকট অনভ্যর্থিতের মূর্তি লইয়া আমাদের ভীতি উৎপাদন করিতেছে কেন? কেনই বা তাহাকে অবজ্ঞা করি? কেনই বা সেই প্রাচীন কথায় একটা তীব্র বিক্রমের হাসি চোখে মুখে ভরিয়া রাখি? একি কম পরিতাপের বিষয়!

বিনা কারণে একটা বস্তুকে দোষাধিত বলিয়া ত্যাগ করা, অথবা পূর্ণ ঔদাসীন্দের ভাব দেখাইয়া তাহার স্পর্শ হইতে আপনাকে সরাইয়া দেওয়া কি যুক্তিসিদ্ধ।

একদিন আর্ষাগণ উন্নতির ছরারোহ শিখরে অধিরোহণ করিয়াছিলেন; সেটা বোধ হয়, আলোচনা করিয়া দেখিবার চেষ্টা করিলে আমাদের ঔদাসীন্দের মর্যাদার উপর হাত পড়িবে না; আমাদের “অবজ্ঞা ব্রত” ভঙ্গ হইবে না।

আজ হয়ত আমরা অবজ্ঞা পূর্বক উড়াইয়া দিব, কিন্তু প্রাচীন আর্ষাগণের জীবনে এমন একদিন গিয়াছে যখন তাঁহারা পঞ্চমবর্ষীয় শিশুর মত যা দেখিয়াছেন তাহাতেই বিস্ময় প্রকাশ করিয়াছেন। তাহারই কারণ অনুসন্ধানের জন্য ব্যস্ত হইয়া পড়িয়াছেন। আমরা দূরে দাঁড়াইয়া দাঁড়াইয়া তাঁহাদের কার্য কলাপ দেখিয়া অতি বিজ্ঞের মত হাসি খামাইয়া রাখিতে পারি না।

কিন্তু একদিন তাঁহারা ~~কখনো~~ গন্ধর বাট হইতে সাদা দুধ ক্ষান্তিত হইতে দেখিয়া বিস্ময় বিহ্বল কণ্ঠে ধেমুর কত স্তুতিই না করিয়া ছিলেন। এবং এই ব্যাপারে একটা তাঁহারা দৈবলীলার অস্তিত্বের অনুমান করিয়াছিলেন।

অনুকদিন অনুক সময়ে (রাত্রি ৯।০ কি ১০ টার সময়) পূর্বাকাশে একটি নক্ষত্রের উদয় হইবে আমরা এইরূপ গণনা করিয়া বলিয়া থাকি। সূর্যের উদয় অস্তের মধ্যে আমরা বিস্ময়ের কোন কারণই দেখিতে পাই না,—“ইহা ত নিত্য নৈমিত্তিক ব্যাপার ইহাতে আর বিস্ময়ের কারণ কি?” কিন্তু সেই দূর অতীত যুগের মানুসগুলি এই সমস্ত ব্যাপারকে একটা দৈনন্দিন সামান্য ঘটনা বলিয়া উড়াইয়া দেন নাই। এই সমস্ত ব্যাপারের মধ্যে তাঁহারা একটা কার্য-কারণ সম্বন্ধ আবিষ্কারের জন্য বদ্ধপরিকর হইয়া উঠিয়াছিলেন। “কি ইহা? কোথা হইতে আসিতেছে কোথায় বা যাইতেছে?” এইরূপ “জিজ্ঞাসার” একটা সঙ্গত উত্তরের জন্য তাঁহাদের চিন্তার শ্রোত ছুটাইয়া দিয়াছিলেন। আজও সেই প্রশ্নের ধ্বনি আমরা যন্ত্রাশির মধ্যে শুনিতে পাই।

শত শত নদীর উচ্ছলিত জলরাশি সমুদ্রে গিয়া পড়িতেছে তবুও সমুদ্র পূর্ণ হইতেছে না! কিন্তু ইহা শিশুর স্বভাব সুলভ বিস্ময় নয়, এই বিস্ময়ের অন্তরালে লুক্কায়িত ছিল একটা অমানুষিক পর্যবেক্ষণ প্রযত্ন। সমীচীন সিদ্ধান্তে উপনীত হইবার একটা অলৌকিক আশ্রয়! প্রতিক্রিয়া বা গতির অন্তরালে লুক্কায়িত একটা অদৃশ্য হস্তসঞ্চালন, একটা চেতন-প্রেরকের ছরনুমেয় অস্তিত্ব তাঁহারা দেখিতে পাইয়াছিলেন। জীবন সজ্জের মধ্যে একটা পরিষ্কৃত গতি বা ক্রিয়ার অস্তিত্ব তাঁহারা দেখিয়াছিলেন, সেই দর্শনই তাঁহাদিগকে কল্পনার রাজ্যে একটা সিদ্ধান্তপ্রাপ্তির পথে পরিচালিত করিয়াছিল এবং সেই পরিচালনা বা প্রেরণার ফলে তাঁহারা প্রতি নৈসর্গিক ঘটনার অন্তরালে তৌ বরণ, সূর্য্য, সবিতা পুষ্প প্রভৃতি দেবতার অদৃশ্য পরিচালনাশক্তি প্রত্যক্ষ করিয়াছিলেন। প্রত্যেক ক্রিয়ার মাঝখানে তাঁরা একটা শক্তিকে খুঁজিয়া বাহির করিয়াছিলেন, এই গবেষণা তাঁহাদিগকে বহুদূরে লইয়া গিয়াছিল, বহু অদ্ভুত সত্যের, বহু অত্যদ্ভুত তত্ত্বের নির্ণয়ে তাঁহারা সমর্থ হইয়াছিলেন।

আমরা বৈজ্ঞানিক যুগের লোক বলিয়া গর্ব করিয়া থাকি। কিন্তু সেই বৈজ্ঞানিক গবেষণা অতীত ও বর্তমান উভয়কে লইয়া হইতে পারে নাকি? সেই বৈজ্ঞানিক তুলনাদণ্ডে অতীতের অভ্যুদয়ের গুরুত্ব নির্ণয় কি পশুশ্রম হইবে? অতীতের প্রতি অন্ধ হইয়া কেবল বর্তমানের প্রতি চক্ষুমান হইলে লাভ কি?

উদ্দেশ্য আমাদের জাতীয় জীবনের উন্নতি বিধান করা; একটা নূতন কিছু করা নয়! ভাল মন্দ বিচার না করিয়া নূতনকে বরণ করিয়া লইয়া পুরাতনকে ত্যাগ করা নয়! বিচারপূর্বক ভালটিকে লওয়াই আমাদের জাতীয় জীবনের পক্ষে মঙ্গলজনক, তাহা “পুরাতন” হইতেই হউক আর “নূতন” হইতেই হউক। নূতনকে ভাল বা মন্দ বলিবার আগে পুরাতনকে চোখের সামনে আনিয়া ধরিতে হইবে, তার প্রত্যেক বিষয়টি নিরপেক্ষ ভাবে ও শ্রদ্ধার সহিত বিচার করিয়া দেখিতে হইবে, নূতনের সহিত তার তুলনা করিতে হইবে; তার পর তাহার হেয়ত্ব দেখিলে তাহাকে ত্যাগ করিতে হইবে, উপাদেয়ত্ব দেখিলে তাহাকে মাথায় তুলিয়া লইতে হইবে। প্রতি পদে, প্রতি চিন্তায় প্রত্যেক বিচারে মনে রাখিতে হইবে সমাজের “উন্নতিই” আমাদের লক্ষ্য। সেই লক্ষ্য হারাইলেই বিচার যুক্তি তর্ক সব নিষ্ফল হইয়া যাইবে।

কিন্তু ছুংখের বিষয় এই যে “উন্নতি কি? যে জাতীর জীবন আদর্শস্থানীয় হইবে তাহার স্বরূপট কেমন হইবে? কেমন রূপ লইয়া তাহা আমাদের চোখের সামনে লক্ষ্যরূপে অবস্থান করিবে?” তাহাও আমরা জানি না। সেই লক্ষ্যটিকে আমরা কোন্ ছাঁচে ঢালিয়া গড়িয়া তুলিতে চাই তাহাও ত একটি প্রধান আলোচ্য বিষয়। আমাদের লক্ষ্যটিকে পুরাতন ছাঁচে ঢালিব না নূতন ছাঁচে ঢালিব?” ইহাই প্রথম সমস্যা, এবং ইহার সমাধানও উভয়ের তুলনার উপর নির্ভর করিতেছে। জাতীয় জীবনের উন্নতির পক্ষে কোনটা ‘হিত’ আর কোনটা ‘অহিত’ ইহা স্থির করা সহজসাধ্য নয়। কারণ একটা জাতির মঙ্গল কিসে বা কোথায় নিহিত রহিয়াছে তাহা খুঁজিয়া বাহির করিতে বহু অভিজ্ঞতা বহু সাধনা ও বহু তুলনার প্রয়োজন হয়। এখনই—এখনই বা করিয়া একটা মন্তব্য প্রকাশ করিলেই হয় না।

আমাদের দেশের রীতি নীতি আচার ব্যবহারের সম্পূর্ণ পরিবর্তন ঘটয়াছে। এখনকার ভাব (idea) ভাষা সভ্যতা সবই অন্যরূপ হইয়াছে। আছে কেবল সেই দেশটি কিন্তু সে মানুষ আর নাই, যেন বৈদেশিকের মত আমরা এই আর্থ্য ক্ষেত্রে আমাদের বসতি স্থাপন করিয়াছি।

শিক্ষা, দীক্ষা সংস্কার, ধর্ম সকলেরই ক্রমবিকাশ হইয়াছে ও হইতেছে। এই যে ক্রমবিকাশ ইহা স্বাভাবিক, ইহার গতিও দৃষ্টিয়ার। বৈদিক যুগের পর হইতে এই ক্রমবিকাশের মুর্ত্তি কত রূপই না ধারণ করিল। পৃথিবীর মধ্যে কোন কিছুই নিশ্চেষ্ট নয়; কোন কিছুই জড়ের ন্যায় মৃতবৎ একই ভাবে যুগ-যুগান্তর পড়িয়া থাকে না। সকলের মধ্যেই একটা গতি, একটা ক্রিয়া সর্বদাই পরিলক্ষিত হয়। তাই এই ভাবান্তর। কিন্তু এই পরিবর্তনের মধ্যে এই ভাবান্তর পরিগ্রহের মধ্যে একটা শৃঙ্খলা রহিয়াছে। ইহা একেবারেই ন্যায়ের মর্ঘ্যাদা অতিক্রম করিয়া হয় না, হইতে পারেও না।

দেশ, কাল, পাত্র ও বৈদেশিক বা বাহ্য প্রভাব বশতঃ এই পরিবর্তনের মধ্যে নূতনত্ব দেখা যায়; এই পরিবর্তন ধারার চিরন্তন গতির বিভিন্নতা পরিলক্ষিত হয়। কিন্তু উন্নতিশীল জাতি এই পরিবর্তনের মধ্যে পড়িয়া আপনাকে হারাইয়া ফেলে না, বিচারপূর্বক আপনার কার্যপ্রণালীকে পরিচালিত করিবার শক্তি হারায় না। সে আপনার আপনত্বটুকু (individuality) বজায় রাখিয়া চলিবার চেষ্টা করে তাই ফলে এই পরিবর্তনের মধ্য দিয়াই নিজস্বটুকু আরও পরিষ্কৃত, সমৃদ্ধ ও শ্রীসম্পন্ন হইতে থাকে। কিন্তু

নিজেকে একবার হারাইয়া ফেলিলে আর তাহা সম্ভবপর হয় না। আমরা সেই ‘নিজস্বটি’ হারাই ফেলিয়াছি; সেই প্রাচীন আদর্শ হইতে নিজেকে অনেক দূরে টানিয়া আনিয়াছি। মূল ভিত্তি বা আশ্রয়টির মধুময় আলিঙ্গন হইতে নিজেকে সবলে বিযুক্ত করিয়া ফেলিয়াছি। সেই মূলটিকে অক্ষত রাখিয়া জাতীয় জীবনের পরিপুষ্টির দিকে স্থির লক্ষ্য সংস্থাপিত করিয়া পুষ্টির পথে অগ্রসর হইলে বোধহয় এমনটা হইত না। বোধ হয় এখন শোচনীয় রূপান্তরে পরিণত হইতাম না।

আমরা গোড়ায় গলদ করিয়া ফেলিয়াছি, নিজেকে বাদ দিয়া নিজের জাতীয় জীবনের পরিপুষ্টির পথে অগ্রসর হইয়াছি; তাই আজ চিনিতে পারিতেছি না “আমরা কে? আমরা কি ছিল আর আজ আমরা কি হারাইয়াছি।” আমরাই আমাদের আদর্শ বা লক্ষ্য হারাইয়া আমাদের উন্নতির পথ চিরকালের মত কণ্টকাকীর্ণ করিয়াছি। আমরা নিজেকেই ভুলি গিয়াছি।

তাই বলিতেছি আমাদের জাতীয় জীবনের উন্নতি করিতে হইলে প্রাচীনের দিকে তাকাইতে হইবে, সেই প্রাচীনকে লইয়া নবীনের সহিত তুলনা করিতে হইবে এবং তাহাকে ত্যাগ না করিয়া, তাহাকে উপেক্ষা না করিয়া যা কিছু ভাল থাকিছে উপাদেয় তাই দিয়া জাতীয় জীবনকে পুণ্যশ্রী মণ্ডিত করিতে হইবে। প্রাচীনের প্রতি এই প্ৰীতিটুকু শ্রদ্ধা ও অল্পরাগ-টুকু আমাদের দেখাইতে হইবে।

যে জাতির জীবনের প্রতিষ্ঠানের মূলে ধর্ম পূর্ণ অবলম্বন রূপে প্রতিষ্ঠিত থাকে সেই জাতিই উন্নত হয়। পরকল্যাণবুদ্ধি যে জাতির জীবিত-স্পন্দন, সমদর্শন যে জাতির মজ্জাগত, পরের জন্ত আর্ন্ত পতিতের জন্ত যে জাতির জীবনের “উৎসর্গ” সেই জাতি উন্নতিশীল, সেই জাতির অন্তর্বাহ্য অক্ষয় কবচে সুরক্ষিত।

পতিতার সিদ্ধি।

[শ্রীক্ষীরোদপ্রসাদ বিদ্যাবিনাদ]

(৪২)

রাখুর প্রতি সমবেদনায় অতি আগ্রহে নির্মলা কতকগুলি ভুল করিয়াছে।
বুদ্ধিমতী হইয়াও বুদ্ধিহীনতার পরিচয় দিয়াছে।

প্রথম ভুল রাখুকে ধরিয়া আনিতে শুভাকে বহির্কাটিতে পাঠানো।
পূর্বেই বলিয়াছি, ব্রজেশ্বরের বাটিতে আব্রুর অভিমানটা বড় বেশি ছিল। সে
সময়ের বিবাহযোগ্য বয়স উত্তীর্ণ হইবার পর হইতেই শুভার বাহিরে আসা
বন্ধ হইয়াছিল যদিও বড়ের জন্ত তখন বাহিরে কোনও লোক ছিল না, তথাপি
শুভার মাকে ভূষ্ট করিতে নির্মলাকে অনেক কৈফিঃ দিতে হইয়াছে। রাখুর
চিত্ত-চাঞ্চল্যের কারণ, যেটা সে কাহারও কাছে বলিবেনা স্থির করিয়াছিল,
আত্মোপান্ত শুভার মাকে শুনাইতে হইয়াছে।

সে শুনানোটা হইল তার দ্বিতীয় ভুল। শুভার মা সে কথা গোপন
রাখিতে পারে নাই। আপাততঃ সে কথা সরি শুনিয়াছে। আর তখন
পাড়ার লোকের সে কথা শুনিতে বড় বিষ হইবে না।

চাকুর মৃত্যুতে রাখুর অগাধ সম্পত্তি প্রাপ্তির কথা তুলিয়া শুভার মাকে
প্রলুব্ধ করাও তার মস্ত ভুল। সে যে মরিয়াছে, এ বিষয়ে সম্পূর্ণ বিশ্বাস
করা তার উচিত ছিল না। আর মরিলেও, রাখুই যে তার পরিত্যক্ত সম্পত্তির
একমাত্র অধিকারী হইবে, এটাও মনে করা তার নিরুদ্ধিতার কার্য
হইয়াছিল।

আর একটা বড় ভুল হইয়াছে। স্বাশুড়ীর কাছে শুভার সঙ্গে এই দরিদ্র
পূজারির বিবাহের প্রস্তাব উত্থাপন করা। সেটা করিবার আগে স্বামীর মতামত
জানা নির্মলার সর্বতোভাবে কর্তব্য ছিল। তার বুঝা উচিত ছিল, ব্রজেশ্বর যদি
এ বিবাহে অমত করে, তা হইলে তার কিম্বা তার স্বাশুড়ীর সম্পূর্ণ মতেও এ
বিবাহ হইবে না। তবে একটুকু মন্দের ভাল, রাখুর কাছে সে প্রস্তাব তুলিতে
তুলিতে তার তোলা হয় নাই।

কিন্তু সবার চেয়ে বেশি ভুল করিয়াছে সে, সকলের অজ্ঞাতসারে রাখুর
সঙ্গে ভ্রাতৃত্বের সন্ধি পাতাইয়া। সেই জন্ত বহুবার সে তাহার কাছে যাতায়াত

করিয়াছে, বহুবার নিৰ্জনে আলাপ করিয়াছে। অথচ এ সন্ধির কথা
সাহস করিয়া, কাহারও কাছে সে প্রকাশ করে নাই। স্বাশুড়ী কিম্বা ঝিকে
তারই মত সরল মনে করা তার বুদ্ধির কার্য হয় নাই। এই আলাপের জন্ত
সে নিজেব পুত্র কস্তার যত্ন লইতে ভুলিয়াছে। শুভার আঘাতেও তার যত-
টুকু দেখা শুনা উচিত ছিল, তার কিছুই এক রকম করিতে পারে নাই।

এই ভুল গুলি নির্মলার অগোচরে অনেক গোলমালের সৃষ্টি করিয়া বসিল।
বেলা প্রায় পাঁচটা। পূর্বরাত্রির অনিদ্রা-আহারান্তে নির্মলা কষ্টকে লইয়া
একটু বিশ্রাম লইতে গিয়া ঘুমাইয়া পড়িয়াছে। এখনও পর্যন্ত তার ঘুম ভাঙে
নাই। রাখুও ঘুমাইতেছিল।

সরি ইহার মধ্যে একবার পাড়ায় ঘুরিয়া আসিল। তখনও কলিকাতায়
হুই দশ ঘর বজকালের প্রতিবেশী লইয়া এক একটা পল্লী ছিল। এখন তাহা
উঠিয়া গিয়াছে। পরস্পরে একরূপ সংলগ্ন হুই খানি বাড়ীর লোক এখন অনেক
সময়েই কেহ কাহাকেও চিনে না।

বেড়াইতে গিয়া সরি হুই একটি প্রতিবেশিনীর কাছে কথটা প্রকাশ
করিয়া ফেলিল। কিন্তু প্রত্যেকেই অপরের কাছে একথা প্রকাশ করিতে
নিষেধ করিল। সরি ফিরিয়া দেখিল, ঠাকুর মা উপরের বারান্দার এক পার্শ্বে
বিমর্ষভাবে বসিয়া আছে। সে একটু আগে শুভার নাক পরীক্ষা করিতে গিয়া
দেখিয়াছে তার জর হইয়াছে, নাকও একটু ফুলিয়াছে।

তার বিমর্ষতা দেখিয়াও না দেখিয়া সরি বলিল -- "তাগা না নিয়ে, ঠাকুর মা,
ছাড়বো না কিন্তু।"

"নে বাপু, আর জালাস নি।"

"সে কিগো! ঠাকুর মশাইকে জামাই করা কি তোমার ইচ্ছা নয়?"

"আমার ইচ্ছা অনিচ্ছায় আসে যায় কি সরি!"

"তা বলে তোমার অমতে কি এরা বিয়ে দিতে পারে?"

"দিলে আমি কি করতে পারি।"

সরি ক্ষণেক নীরব রহিল। বুঝিল তার অস্থিতি সময়ের মধ্যে কিছু না
কিছু একটা গোল বাধিয়াছে।

শুভার মাও ক্ষণেক নীরব থাকিয়া একটা দীর্ঘ শ্বাসের সঙ্গে বলিল—

"মেয়ের কপালে পোড়া বিধাতা যে কি লিখেছে তা বুঝতে পারছি না।"

এই কথাতেই একটু আশ্বাস পাইয়া, এদিক ওদিক একবার চাহিয়া সরি বলিল —

“তা যদি বললে ঠাকুর মা, তা হ’লে বলি, যদি অনেক বিষয় সম্পত্তি পাবার সম্ভাবনা না থাকতো—”

“তুই যেমন ফেপি, বিষয়কি পাব বললেই পাওয়া হ’ল। এখন আমার মেয়ে বাঁচলে বাঁচি। হতভাগা বামুন কি ক’রে যে মেয়েটার নাকে মারলে!”

তার কথায় সরি একটু সাহস পাইয়া বলিল—“তা হ’লে বলি ঠাকুর মা, ও বাড়ীর শ্যাম বাবুর মা একথা শুনে বললে, তার চেয়ে তোদের বাবু মেয়েটার গলায় একটা কলসী বেঁধে গঙ্গায় ফেলে দিক্ না।”

“তাকে এখন একথা বলতে গেলি কেন?”

“তোমাদের মেয়ে দেওয়া ঠিক হয়ে গেল, বলতেই আমার যত দোষ!”

“ঠিক হয়ে গেল তোকে বললে কে?”

“এইত দেখছি ঠাকুর মা!”

পুঁটি কোলে এই সময় নির্মলাকে বাহিরে আসিতে দেখিয়া উভয়েই চূপ করিল। শুভার মা কেবল একবার অলুচকণ্ঠে বলিয়া লইল—“ব্রজেন্দ্র আনুক, এখন কোথায় কি।”

সরি তার ঠাকুরমার মত মধু ঠাকুরের পক্ষপাতী ছিল। মধুহৃদনের একটু মেয়েলি স্বভাব মেয়েদের মাঝখানে একবার বসিতে পারিলে গল্প গুজব হান্ত-পরিহাসে এমন সে মগ্ন হইত যে, সে জন্ত অনেক সময় সব কর্তব্যই সে ভুলিয়া যাইত। নির্মলার মত মেয়ের কাছে সেটা ভাল বোধ না হইলেও সরি কিম্বা শুভার মা তাহাতে কোনও দোষ দেখিত না।

রাখুর স্বভাব তার সম্পূর্ণ বিপরীত ছিল। গম্ভীর না হইলেও নিতান্ত অল্পভাষী, সে শুধু আপনার কর্তব্য করিয়া চলিয়া যাইত। রাখুর বিকল্পে কাহারও কোনও কথা কহিবার না থাকিলেও, প্রগল্ভতা দোষের জন্ত মধুকে ছাড়াইয়া দেওয়ায় সরি ও শুভার মা উভয়েই নির্মলার উপর মনে মনে অসন্তুষ্ট হইয়াছিল।

তবে যে শুভার মা রাখুকে কন্যা দিতে অমত করে নাই, সেটা কতক সহসা-জাগ্রত অর্থের প্রলোভনেও বটে, কতকটা নির্মলার কথার প্রতিবাদে সাহসের অভাবেও বটে। সে ছিল বাল-বিধবা, এদিকে সে নির্মলার একরূপ সমবয়সী, বড় জোর তিন চারি বৎসরের বড়—সর্বপ্রকারেই ইহাদের উপর তার নির্ভর। অল্প বয়সের বিধবা বলিয়া নির্মলা সর্বদাই তাহাকে চোখে গোখে রাখিত। ব্রজেন্দ্রর কাছে মায়ের সমস্ত মর্গ্যাদা লাভ করিলেও, নির্মলাও তাহাতে ঋণশুড়ীর যোগ্য ভক্তি শ্রদ্ধা দেখাইলেও নিজের বয়সও অবস্থায় সর্বদাই

সে অনেকটা সঙ্কচিত থাকিত। বিশেষতঃ তার বৃদ্ধ স্বামী মৃত্যুকালে তাহাকে এমন কিছু অর্থ অথবা সম্পত্তির অধিকারী করিয়া যায় নাই, যাহাতে সে ব্রজেন্দ্র কিম্বা নির্মলার সঙ্গে আপনাকে সমান অবস্থাপন্ন মনে করিতে পারে। স্বামী তাহাকে ব্রজেন্দ্রের মহত্বের উপর নিষ্ফেপ করিয়া চলিয়া গিয়াছে।

নির্মলাকে তাহাদের দিকে আসিতে দেখিয়া শুভার মা বলিয়া উঠিল—“যা সরি, এরা যদি জলেই মেয়েটাকে ফেলে দেয় আমি কি করতে পারি।”

“সরি!” নির্মলা দূর হইতেই ডাকিল। “ঠাকুর মশাই উঠেছেন কি না একবার দেখে আয়।”

“দেখে এমেছি, ওঠেন নি।”

শুভার মা বলিল—“কাল রাত্রে ঠাকুর বোধ হয় চোখের পাতা ফেলবার অবকাশ পায়নি।”

সরি একটু হাসিয়া বলিল—“এইমাত্র নাকডাকণ শুনে আসছি মা।”

“হাত-মুখ-ধোওয়া জল, তামাক সব ঠিক ক’রে রাখ।”

সরি চলিয়া গেল।

এইবারে ঋণশুড়ীর কাছে আসিয়া নির্মলা বলিল—“নালু কোথায় গেল মা?”

মনে মনে শুভার মার রাগ হইল। বউ বামুনের খবর লইল, ছেলের খবর লইল, কিন্তু শুভার খবর লইল না। অথচ নিজেই সে মেয়েটার হৃদিশা ঘটাইয়াছে। সে বলিল—“কোথায় সে আমি জানি না। আমিও তাকে খুঁজছি।”

“কেন মা?”

“তাকে ডাক্তার ডাকতে পাঠাতুম। শুভার নাক ফুলেছে, একটু জ্বরও হয়েছে।”

কোন উত্তর না দিয়া নির্মলা শুভাকে দেখিতে গেল। তাহার সম্বন্ধে কর্তব্যের ক্রটি হইয়াছে বুঝিয়া সে মনে মনে একটু লজ্জিত হইল।

ঘরে প্রবেশ করিয়াই নির্মলা দেখিল, শুভা বিছানার উপর বসিয়া আছে। মুখ তার ছিল উপর দিকে।

“হতভাগা মেয়ে তোমাকে উঠতে বললে কে? ডাক্তার না তোকে নড়তে চড়তে বারণ করে গেছে?” বলিয়াই পুঁটিকে শয্যায় রাখিয়া নির্মলা শুভার গায়ে হাত দিয়া দেখিল। বুঝিল গা তার সামান্য গরম হইয়াছে বটে। নাক ও অল্প ফুলিয়াছে। কিন্তু মন তার সে জন্য কিছুমাত্র ভীত হইল না। তাহার মন বলিল, হাতই লাগুক কিম্বা কলুইই লাগুক অন্যমনস্ক ব্রাহ্মণের আঘাত কখনই

এমন গুরু হইতে পারে না, যে জন্য শুভার সত্য সত্যই বাঁশির মত নাকটি জন্মের মত বিকৃত হইয়া যাইবে। তথাপি সে পিসির সঙ্গলাভে উৎসুক তাহার কন্যাকে আবার কোলে উঠাইয়া বলিল—“ডাক্তার বাবু হয়ত এখনি আবার আসবে। তাঁর না আশা পর্য্যন্ত যেন উঠিস্নি।”

শুভা উত্তর না করিয়া শয়ন করিল। কিন্তু শুইয়াও সে একটু অস্থিরতার ভাব দেখাইল।

“তোমার কি যন্ত্রণা হচ্ছে শুভা?”

“মুখ না ফিরাইয়াই শুভা উত্তর করিল—“না।”

“তবে ছটফট করছিস কেন?”

পুঁটি এই সময় বলিয়া উঠিল—“আমি পিসির কাছে শোব।”

“না তোমার পিসির অসুখ করেছে।—তবে ছটফট করছিস কেন শুভা?”

মুখ ফিরাইয়া শুভা বলিল—“একে আমার কাছে দাও বৌদি।”

“আগে বল, নইলে দেবো না।”

শুভা কিছু বলিল না, বালিশে মুখ ঢাকিয়া চোখ মুদিল। পরক্ষণেই আবার চোখ মেলিয়া মুখটা তুলিয়া বৌদির মুখের পানে চাহিল।

“তোমার কি গরম বোধ হচ্ছে—বাতাস করব?”

“না।”

“তবে কি হচ্ছে খুলে বল।”

“বৌদি, দাদা আমাকে বক্বেন।”

“বাইরে গিছলি বলে? ভয় নেই, তোকে বক্বতে দেব কেন—বক্বতে হয় আমাকে বক্ববে।” বলিয়া নির্মলা শুভার মুখের দিকে আর না চাহিয়া একখানা পাখা লইয়া তাহাকে বাতাস করিতে লাগিল। ছুপ্তরের পর হইতেই ঝড়ের পূর্ণ নিবৃত্তি হইয়াছে। প্রকৃতির নিস্তরঙ্গতার সঙ্গে সঙ্গেই জ্যৈষ্ঠ আবার তাহার প্রভাব বিস্তারের সূচনা করিয়াছে।

ক্ষণেক চুপ করিয়া থাকিয়া শুভা নির্মলাকে কি জিজ্ঞাসা করিতে গেল—

“হাঁ বৌদি।”—

“কি?—বৌদি ব'লেই চুপ করলি কেন? কি বলতে যাচ্ছিলি? বেশ, চুপ করেই থাক, ডাক্তার আজ তোকে কথা কহিতেও নিষেধ-ক'রে গেছে।”

“দাদা কি পুরুত মশাইকে”—শুভা আবার চুপ করিল।

“বলতে ইচ্ছা হয়েছে, একেবারে বলে শেষ করে নে।”

তবুও শুভাকে নীরব দেখিয়া নির্মলা জ্যৈষ্ঠ হাসিয়া বলিল—“মন খুলে বল। আমাকে বলতে তোর লজ্জা কি? তুই যে আমার নন্দ রে।”

“দাদা কি পুরুত মশাইকে আর পূজো করতে দেবেন না?”

“এই কথা বলতে সাতটা ঢোক গিললি! আমি মনে করেছিলুম না জানি কি স্ত্রীজা হরণেরই পালা বলবি।”

এ কথা গভীর অর্থ শুভা বুঝিতে পারিল না। বুঝিতে পারিবে না তা নির্মলাও জানিত। তবে শুভা নন্দ হইলেও সে ত-তাকে কন্যা পুঁটি রাগীরই মতন দেখিয়া থাকে। একটু চুপ করিয়া সে শুভাকে জিজ্ঞাসা করিল “একথা তোকে বললে কে?”

“মধু ঠাকুর যে পূজো করে গেল বৌদি।”

“সেই ত আগে পূজো করত। পুরুত মশাই ছ'দিন এসেছেন বহুত নয়।”

“দাদা যে ছাড়িয়ে দিয়েছিলেন।”

“দাদা ছাড়ালে কি হবে, বাসুন্ঠাকুরের পূজো তোর মার পছন্দ হয় না। মধুঠাকুর বিড় বিড় করে যা তা মস্তুর বলে ঠাকুরের মাথায় ফুল চাপায়, তাই তার ভাল লাগে।”

“মায়ের বুদ্ধি নেই বৌদি।”

“পুরুত মশাই কি তোকে কিছু বলেছে?—বল।”

“বলছিলেন।”

“এর মধ্যে কখন তোকে তিনি বললেন।”

“সরিকে ডাকছিলেন। সরি ছিল না, মা ছিল না, তুমি ঘুমুচ্ছিলে। তার পিপাসা পেয়েছিল।”

“কি বললেন?”

“বললেন, কলকতা ছেড়ে চললুম শুভা দিদি! আর বোধ হয় এ দেশে আসব না। আমি বললুম, কেন যাবেন? বললেন, কাজ কর্ম কিছু রইল না, এখানে থেকে খাব কি?”

“তুই তাতে কি উত্তর দিলি?”

“আমি বললুম বৌদিকে আমি বলব।”

“যাতে তোমাকে আর কলকতা ছেড়ে না যেতে হয়, তার ব্যবস্থা করতে?”

শুভা হাসিল। “আমি আর কিছু বলিনি বৌদি।”

“না বলেছিলাম ভালই করেছি। কিন্তু ঠাকুর দেশে গিয়েই বা খাবে কি?”

“কেন বৌদি? দেশে কি পুষ্কত মশাইয়ের খাবার নেই।”

“খাকলে কলকেতায় চাকরি করতে আসবে কেন? দেশে এক মামী আছে, সে ঠাকুরকে খেতে দেয় না।”

“আর কেউ নেই বৌদি?”

এ ‘আর কেউ’ এর অর্থ নির্মলার বুঝতে বাকি রহিল না। সে হাসিয়া বলিল—“পুষ্কত ঠাকুরের বউ আছে কি না জিজ্ঞাসা করছিস?”

শুভা চুপ করিয়া রহিল। ক্ষণেক উত্তরের অপেক্ষা করিয়া নির্মলা বলিল—

“না শুভা, পৃথিবীতে তার আপনার জন কেউ নেই।”

“দাদা তাঁকে ঠিক জন্তু ছাড়িয়ে দিলেন বৌদি!”

“এ বলা বড় শক্ত কথা শুভা, তোর দাদাকে জিজ্ঞাসা করিস।”

রাখু ঠাকুরের উপর শুভার অহেতুক মমতা দেখিয়া নির্মলা মনে মনে বড় সন্তুষ্ট হইল। তবে সে বালিকা, আর নির্মলা তার এই ছোট ননদিনীটিকে চিরকাল কল্পারই মত দেখিয়া আসিতেছে আজিও পর্যন্ত তাহার সঙ্গে রহস্যের কথা কয় নাই। আর অধিক বলা উচিত নয় বুঝিয়া নির্মলা বলিল—“নে যুমো, এর পর আর কারও সঙ্গে কথা কসনি। দেখি তোর পুষ্কত মশায়ের কলকেতায় রাখবার কোনও উপায় করতে পারা যায় কি না।”

“আমার গরম করছে না বৌদি!”

“তাহলে আমি যাব?”

“পুষ্কতকে আমার কাছে রেখে যাও, আমি একলা থাকতে পারি না।”

“আবার উঠবি না ত?”

“না।”

পুষ্কতকে বিছানায় রাখিয়া, পাখাখানা শুভার হাতে দিতে দিতে স্নেহ হাসিয়া একটু রহস্যের ছলে নির্মলা বলিল—“শুয়ে পড়ে পুষ্কত মশায়ের ভাবনায় ছট্ ফট্ করবি না ত?”

“যাও” বলিয়া শুভা পুষ্কতকে কোলে জড়াইয়া মুখ ফিরাইয়া শুইয়া পড়িল।

নির্মলা দেখিল সেখানে কেহ নাই। তাহার আর অনুসন্ধান না করিয়া সে কাপড় কাচিতে চলিল।

কলতলার নিকটে উপস্থিত হইতেই সে শুনিতে পাইল, “দিদি কেমন?” একটু চিন্তাঘিতার মত বাড়ীর কোনও স্থানে কিছু লক্ষ্য না করিয়াই সে চলিয়াছিল। কথাটা শুনিতেই সে তল্লা ভাঙার মত চমকিয়া উঠিল। সে কথা কাহাকে উপলক্ষ করিয়া কে বলিতেছে তাহার বুঝিতে বাকি রহিল না। সঙ্গে সঙ্গে সেই সকাল হইতে এই অপরাহ্ন পর্যন্ত রাখুর প্রতি তাহার ব্যবহার সমস্ত স্মরণ করিয়া সে বুঝিল, কাজটা তার অনেকটা বোকারই মত হইয়াছে।

পাছে ঋগুভী কিম্বা সরি তাহাকে দেখিতে পায় তাহাদের অলক্ষ্যে সে অনেক দূর সরিয়া আসিল। প্রথমে তার ঋগুভীর উপর রাগ হইল। এতক্ষণ তার সকল কথাতেই সায় দিয়া তবে ঋগুভী তাহাকে প্রতারণা করিয়াছে। কিন্তু ক্ষণেক দাঁড়াইয়া যখন সে মনে মনে নিজের কাজগুলার সমালোচনা করিল তখন নিজেকে ভিন্ন অন্য কাহাকেও সে দোষী করিতে পারিল না। শুভার উপর মমতা মায়ের অপেক্ষা বেশী দেখিয়া তার ঋগুভী যদি তার কাজগুলি অল্পভাবে দেখিয়া থাকে তা হইলে তাহাকে দোষী দেখিতে নির্মলার অধিকার কি?

মনে মনে নির্মলা বলিল—“আমি এ বাড়ীর বউ বইত নয়, ননদের ভাগ্যে প্রতিষ্ঠা দেখিতে আমার এত ব্যাকুল হওয়া, কাজটা একেবারেই অস্বাভাবিক হইয়াছে। তার মা আছে, ভাই আছে। উপর পড়া হইয়া শুভার কল্যাণ আমাকেই বা দেখিতে হইবে কেন? দেখিলে কল্যাণই যে হইবে একথাই বা জোর করিয়া কে বলিতে পারে? যদি ফল বিপরীত হয়?”

এক মুহূর্তেই নির্মলার মনের গতির পরিবর্তন হইয়া গেল। আর কোনও অপ্রীতিকর কথা পাছে শুনিতে পায়, তাই সন্তুর্পণে দূরে সরিয়া গেল। আসিয়া দাঁড়াইল যেখানে, সেখানে উপস্থিত দেখিলে তার ঋগুভী কিম্বা সরির মনে কোনও সংশয় জাগিবে না।

সেখান হইতে যে ঘরে রাখু আছে, অস্পষ্ট ভাবে দেখা যায় তথাপি নির্মলা কিঞ্চিৎ অন্তমনস্কের মত, সেদিকে চাহিল। চাহিতেই দেখিল কারা যেন সেই ঘরের কাছে দাঁড়াইয়া আছে। দাঁড়াইয়া কি যেন লুকাইয়া দেখিতেছে।

তাহাদের কার্যটি দূর হইতে নির্মলা ভালরূপ বুঝিতে পারিল। বুঝিবার জন্ত আর একটু চলিতেই বুঝিতে পারিল পাড়া সম্পর্কের খুড়ী শ্রীমের মা ও দুই জন প্রিবিশিনী বাহির হইতে উকি দিয়া রাখু ঠাকুরকেই দেখিতেছে।

নির্মলায় ইচ্ছাকৃত কাসির শব্দেই তাহারা তার অস্তিত্ব বুঝিল, একটু অপ্রতিভের মত নিকটে আসিল।

“কি দেখছিলে খুড়ী মা?”

প্রশ্ন অনুচর্যে, উত্তর ও হইল সেইরূপ অনুচর্যে “শুভার কেমন বর হবে এদের দেখাচ্ছিলুম!”

দ্বিতীয়া বলিল—“দেখতে ত দিব্যাট!”

তৃতীয়া বলিল—“বয়স বেশি নয়।”

শুনিবার মাত্রই নির্মলা বুঝিল, সরির দোষেই হ’ক কি শ্বাশুড়ীরই দোষেই হ’ক, রাখু সংক্রান্ত কথা ইহারা জানিতে পারিয়াছে, শুধু এই বিবাহের কথা নয় হয়ত আরও অনেক। মনের গতির সঙ্গে নির্মলার কথার গতি, কার্যের গতি সব কিরিয়া গেল।

সে হাসিতে হাসিতে বলিল—“বয়সও বেশি নয়, দেখতেও দ্বিব্যা, প্রকৃতিটিও যতদিন ধরে দেখছি ভাল বলেই বোধ হচ্ছে— ছেলেটি আমাদের ঘরও বটে, কিন্তু হ’লে হবে কি খুড়ীমা, কিছু নেই। সামান্য পুজারিগিরি চাকরি, লেখা পড়াও বিশেষ কিছু জানে না—অমন পাত্রকে ভগিনী দিতে কি বাবুর সাহস হবে!”

শুনিবার সঙ্গে সঙ্গেই দ্বিতীয়া প্রথমবার পানে চাহিয়া নির্মলাকে বলিল—“আমিও তাই ভাবছিলাম মা, শুধু দেখতে সুন্দর হ’লে কি হবে, ঘর নেই, দোর নেই, কোন দেশে বাড়ী তার ঠিক নেই, এমন লোককে তোমাদের বাবু কি করে ভগিনী দেবেন!”

নির্মলা এবারে একটু গম্ভীর ভাবে উত্তর করিল—“তার উপর মাগের সে একটিমাত্র মেয়ে, আর বাবুর সঙ্গে তার সম্পর্ক সমস্তই ত তুমি জান খুড়ীমা, ভালই হ’ক, মন্দই হ’ক, আমার পু’টিকে দিলে তত দোষের হ’ত না।”

এরূপ উত্তরের প্রত্যাশা করিয়া খুড়ীমা আসে নাই। সে একটু অপ্রতিভের মত বলিল—“তবে যে শুনলুম ঠাকুরের অনেক টাকা হচ্ছে।” আরও কিছু তাহার মুখ হইতে শুনিবার জন্ত নির্মলা চূপ করিয়া দাঁড়াইয়া রহিল। সমস্ত কথাগুলি শুনিয়া গুছাইয়া সে-গুলার সে উত্তর দিবে।

শ্রামের মা বলিতে লাগিল—“বাড়ী, ঘর, গহনা গাঁটি নগতে শুনলুম প্রায় লাখোঁটাকার সম্পত্তি।”

নির্মলার উত্তর শুনিবার জন্ত শ্রামের মা’র ছজন সঙ্গিনীও নেত্র বিক্ষারিত করিয়া দাঁড়াইল।

নির্মলা আবার হাসিতে হাসিতে বলিল—“তুমি যখন জেনেছ খুড়ীমা, তখন তোমাকে গোপন করব কেন, আমিও তাই প্রথমে মনে করেছিলুম। মনে করে ঠাকুরকে আটকে রেখেছিলুম। ভাবলুম কুলীনের ছেলে ত বটে, টাকার মালিক হ’লে তাকে মেয়ে দিতে আপত্তি কি।”

“তার পর?”

“কোথায় কি!”

“সর ভূয়ো?”

“সব না হ’ক, প্রায় বটে।”

“সে মেয়েটা—”

“মরেছে তুমি বিশ্বাস কর?”

তৃতীয়া একটু ব্যঙ্গভাবে প্রথমাকে শুনাইয়া বলিল—“এই! শুনলে মেজো গিন্নী?”

নির্মলা বলিল—“আর সে আবাগী মলেই বা ঠাকুরের কি।”

শ্রামের না একটু হতাশের ভাবে বলিল—“শুনলুম—”

“তোমাকে শুনতে হবে কেন খুড়ী মা, আমি বলছি। তুমি যা শুনেছ, আমিও তাই শুনেছিলুম। নষ্টই মেয়েদের কথা—তুমি নিতান্ত ভাল মানুষ—তোমাকে কি বলব। আর বললেই কি তুমি বুঝবে?”

“সে মাগি তাহ’লে—”

“ও ঠাকুরের কেউ নয় কি কেউ এত হঠাৎ জানবার উপায় নেই।”

দ্বিতীয়া এইবারে মুখ খুলিল—“হ’লত শ্রামের মা, এইবারে চল।” বলিয়া সে নিজেই প্রস্থানোত্ত হইল।

“তোমার নিরোধ ভাস্কর্যপোকে ঠকাবার এও হয় ত একটা কৌশল।”

তৃতীয় দ্বিতীয়ার অনুসরণ করিল।

“আমিও ত তাই ভাবলুম, বৌমাকি আমার এতই নিরোধ হবে।”

তখন শ্রামের মা’র সঙ্গিনীদ্বয় অনেক দূরে চলিয়া গিয়াছে। নির্মলা এই বারে অনুচর্যে তাহাকে শুনাইয়া বলিল—“এইবারে তোমাকে বলি। এখন ও ঠিক কিছু বুঝতে পারিনি খুড়ীমা! সত্যি যে না হ’তে পারে, এমন কথা বলতে পারি না। খুব সম্ভব—সম্পর্ক মিছে মরা মিছে—সমস্তই নষ্ট মেয়ের ছলনা। তবু যদিই সত্যি হয় আর ঠাকুরের ধন পাওনা থাকে, তখন ঠাকুরের সঙ্গে শুভার বিয়ে দিলে কি দোষের হবে?”

“কিছু না বোমা, কিছুনা।”

মুহূর্তের জন্তু আর শ্রামের মা দাঁড়াইল না।

নির্মলা ও তার চলিয়া যাওয়ার অপেক্ষা না করিয়া ঈষৎ দ্রুতপদে বরাবর উপরে একবারে নিজের ঘরে চলিয়া গেল। ঘর প্রায় সম্পূর্ণরূপে বিলাতি ধরণে সজ্জিত হইলেও, তার এক প্রান্তে একটি গঙ্গাজলের কলমী ছিল। তাহা হইতে কিঞ্চিৎ জল লইয়া মাথায় দিয়াই সে তাহার দেবাজ খুলিল। বাহির করিল তার ভিতর হইতে দুই ভাড়া নোট ও এক মঠ টাকা।

টাকা অঞ্চলে লইয়া, দেবাজ বন্ধ করিয়া, কোনও দিকে দৃষ্টি না দিয়া বরাবর সে রাখুর ঘরে চলিয়া গেল।

রাখু তখন কলিকটি মেঝের রাখিয়া ছকাটিকে দেখালে ঠেসিয়া রাখিতে-ছিল।

পিছন হইতে নির্মলা বলিল—“আপনার ঘুম হয়েছিল দাদা?”

‘একটু বেশি ঘুমিয়ে পড়েছি।’

নির্মলা এইবারে কি ভাবে কথাটা পাড়িবে ভাবিতে গেল। রাখুকে বিদায় দিবার কথা মুখ হইতে বাহির হইল না। সে জিজ্ঞাসা করিল—“নালু কি আপনার কাছে ছিল না?”

“ঘুম থেকে উঠে তাকে দেখিনি।”

“ছেলেটা কোথায় গেল। তাকে একটা কাজে পাঠাবার বিশেষ দরকার পড়েছে।”

বিশেষ কথাটায় একটু জোর দেওয়ায় রাখু একটু চিন্তিতের মত বলিল।

“তাকে খুঁজে আনবো কি?”

“সে কোথায় গেছে আপনি তাকে কেমন করে খুঁজে পাবেন।”

“শুভাদির কি—”

“না, না দাদা, সে দিক দিয়ে আপনি চিন্তা করবেন না।”

“বাবু এসেছেন কি?”

“না, তিনি এখনও কইত এলেন না। কোনও খবর পর্য্যন্ত তাঁর পেলুম না। আজ আসবেন কিনা তাও বুঝতে পারছি না।”

নির্মলা এইবারে কথা পাড়িবার অবকাশ পাইল। রাখু ঠাকুর কথায় যখন কোনও কথা কহিল না, তখন আবার সে বলিল—“আপনার কথা শুনে শুনে একটু ভাবলুম দাদা—”

নিরুদ্ধ নিঃশ্বাসে রাখু নির্মলার মুখের পানে চাহিল। নির্মলা বলিতে লাগিল—“ভাবলুম। আপনার মনটা যখন বড়ই চঞ্চল হয়েছে—”

“বড়ই চঞ্চল দিদি।”

“তা আমি বুঝছি।”

“তুমি এই মেহ বন্ধনে না বাঁধলে এতক্ষণ উধাও হয়ে চলে যেতুম। এরকম বন্ধনের ভিতর থাকি কোনও কালে আমার অভ্যাস নেই।”

“না আপনাকে আটকে রাখা আমার এখন অন্ডায় মনে হচ্ছে।”

“কলকেতার বাতাস আবার একবারেই সহ হচ্ছে না। তোমাকে গোপন করব কেন দিদি, এই তিন মাসেই এখানে আমি হাঁপিয়ে উঠেছি।”

“দেশ থেকে একবার আসুন।”

রাখু আর উত্তর না দিয়া ছাঁতি হাতে করিল।

“কথা শেষ করতে না করতেই বুচ্ কি হাতে করলেন যে।”

“বেলা বেলা হাঙড়ায় চলে যাই।”

“দেশে গিয়ে কি করবেন?”

“প্রথম ছ’চার দিন মামীর গাল খাব। তার পর যাত্রার দলে একটা চাকরি নেব। একটা পেট যেমন করে হক চলে যাবে দিদি।”

“যাত্রার দলে কি করবেন?”

“আমি একটু বাজাতে জানি।”

“ছিছি, যাত্রার দলে আপনি ঢুকবেন কেন?”

“হীন কাজ বলে এতদিন ঢুকিনি, হু তিন জন যাত্রাদলের অধিকারী আমাকে সেধেছিল।”

“নানা তা করবেন না।”

“তবে কি করব—বিগেও নেই, পয়সাও নেই। অকর্মণ্য পরপ্রত্যাশী হওয়ার চেয়ে সে কাজ কি ভাল নয়?”

“পয়সা কিছু হাতে হলে ব্যবসা করতে পারেন?”

রাখু আবার বিস্মিত নেত্রে নির্মলার মুখের পানে চাহিল।

নির্মলা নোট ও টাকাগুলি রাখুর পায়ে কাছ ধরিয়া বলিল—“এইনি।”

“না না।”

“এদের টাকা নয় দাদা, তোমার ভগিনীর—মৃত্যুকালে আমার বাবা আমাকে দিয়ে গেছেন।”

তথাপি রাখু হাত নামাইয়া টাকা তুলিতে পারিল না।”

“যদি না নাও—”

“নেবো দিদি—মাথাটা ঠিক রাখতে পারছি না।”

তার চক্ষু হতে জল ধারা পড়িতে লাগিল।

“নিযে যে ব্যবসা ভাল বুঝবেন করবেন।”

তথাপি রাখু দাঁড়াইয়া রহিল। আবেগ ঈষৎ দমিত করিয়া বলিল—“টাকা তুলে নাও। যতদিন আমি বাঁচব আমার ভগিনীপতির দোরে মাথা দিয়ে পড়ে থাকব দিদি!”

“মাথা মিলেত আর ভগ্নীপোতের কল্যাণ হবে না। যখন ইচ্ছা এরপর এ বাড়ীতে পায়ের খুলো দিতে আসবেন, আমাদের সকলকে আশীর্বাদ করবেন। টাকা তুলে নিন্। না লুকে দিয়ে একজোড়া কাপড় আনাবো মনে করেছিলুম। ওই টাকা দিয়ে কিনে নেবেন।” বলিয়া নিখুঁলা ভূমিষ্ঠ হইয়া রাখুকে প্রণাম করিল। তারপর দাঁড়াইয়া বলিল—“বরাবর দেশেই যাবেন?”

“আর কোথাও যাবনা দিদি দেশেই যাব।”

“পুঁটি বুঝি কাঁদছে।”

“ভূমি এনো” বলিয়া রাখু টাকা তুলিয়া লইল।

(ক্রমশঃ)

বঙ্গালা ভাষার ইতিহাস

[শ্রীহেমন্তকুমার সরকার]

বৈদিক, পালি, প্রাকৃত এবং সংস্কৃত।

সাধারণের স্বরূপ ধারণা যে বৈদিক গাথাগুলি “এক আদিম জাতির গোচারণ সঙ্গীত” (“pastoral songs of a primitive people”) বাস্তবিকপক্ষে তাহা নয়। ভাষার পরিণতির এবং ছন্দোবন্ধের জটিলতা হইতে বেশ বুঝা যায় যে বৈদিক ভাষা কতখানি উন্নত হইয়াছিল। এমন কি ঋগ্বেদের মধ্যেই বিভিন্ন উপভাষার (dialects) নিদর্শন পাওয়া যায়। অনেকগুলি উপভাষার মধ্যে একটি উপভাষা রাজনৈতিক কারণে প্রাধান্য লাভ করিয়া প্রচলিত সাহিত্যের ভাষার ভিত্তি স্থানীয় হইয়া পড়ে। বর্তমান কালে মধ্যবঙ্গের

ভাষার সহিত বঙ্গদেশের অন্যান্য স্থানে চলিত ভাষার যে সম্বন্ধ এই ভাষারও কতকটা সেই ধরণের সম্বন্ধ ছিল।

বর্তমান ভারতীয় চলিত আৰ্য্য ভাষাগুলি (Aryan Vernaculars of India) এই সকল বৈদিক উপভাষার একটি বা অপরটি হইতে আসিয়াছে।

পূর্বেই বলা হইয়াছে সাধারণের ধারণা সংস্কৃত ভারতীয় বর্তমান চলিত ভাষাগুলির মাতৃস্থানীয়। এই ধারণা সম্পূর্ণ ভুল। এই সকল ভাষায় সংস্কৃত শব্দের আধিক্য হেতুই এই ভ্রান্ত ধারণা জন্মিয়াছে। এই সকল সংস্কৃত শব্দ বহুদিন ধরিয়া ভাষার মধ্যে ক্রমশঃ প্রবেশ করিয়াছে এবং সংখ্যায় অনেক হইয়াছে। বিশেষতঃ ব্রিটিশ জাতি এদেশে আসার পর যখন বর্তমান গল্পসাহিত্যের জন্ম হয়, তখন সংস্কৃতজ্ঞ পণ্ডিতগণের হাতে পড়িয়া বাংলা এবং অন্যান্য ভাষা সংস্কৃতবহুল এক রকমের কৃত্রিম ভাষায় পরিণত হয়।

যে ভাষায় কালিদাস হইতে জয়দেব পর্য্যন্ত কবিগণ লিখিয়াছেন সেই সংস্কৃত ভাষা (classical Sanskrit) কদাচ কথিত ভাষা ছিল না। শিক্ষিত পণ্ডিতলোকের ভাবের আদান প্রদানের উপায়স্বরূপ ইহা হয় তো প্রচলিত ছিল; এখন যেমন অনেক পণ্ডিত ইহাকে উক্তউদ্দেশ্যে ব্যবহার করিয়া থাকেন। বুদ্ধদেবের আবির্ভাবের পূর্বেই সংস্কৃত ভাষা মৃত ভাষায় পরিণত হইয়াছিল— কারণ বুদ্ধ লৌকিক ভাষায় নিজের ধর্মমত প্রচার করিয়াছিলেন।

বুদ্ধদেবের ভাষা যে সংস্কৃত হইতে বিভিন্ন ছিল—তাহা তাঁহার নিজের কথা হইতেই বুঝা যায়, কেন না বুদ্ধ তাঁহার শিষ্যগণকে ব্রাহ্মণদিগের পাণ্ডিত্যপূর্ণ ভাষায় অর্থাৎ সংস্কৃতে ধর্ম প্রচার করিতে নিষেধ করিয়াছিলেন। ইহা খৃষ্ট পূর্ব ষষ্ঠ শতকের কথা। খৃঃ পূঃ তৃতীয় শতকে অশোকের সময় লৌকিকভাষা কত বিভিন্ন হইয়া গিয়াছিল। তাহা অনুশাসন গুলি হইতেই দেখা যায়। অবশ্য পাণিনি যখন তাঁহার ব্যাকরণ রচনা করেন তখন সংস্কৃত কথিত ভাষা ছিল। কিন্তু পাণিনিকে আমরা অরু, আর, জি, ভাণ্ডারকরের মতালুমারে বুদ্ধদেবের পূর্ববর্তী কালে ফেলিতে চাই (খৃঃ পূঃ ৮ম শতক)। এইস্থানে কথিত সংস্কৃত ভাষা বলিতে যাহা নির্দেশ করা হইতেছে—সেটি বৈদিক ভাষারই একটি উপভাষা যাহার উপর ভিত্তি করিয়া কালক্রমে সংস্কৃত নামক কৃত্রিম ভাষা সৃষ্ট হয়। শতাব্দীর পর শতাব্দী ধরিয়া এই ভাষা যুগোপযোগী ভাবে পরিপুষ্ট হইতে থাকে। এই ভাষা হইতে অল্প কোন ভাষা জন্মগ্রহণ করে নাই।

বৈদিক ভাষার অনেক বিশেষত্ব পালি প্রাকৃতের মধ্য দিয়া বর্তমান চলিত আৰ্য্য ভাষাগুলির ভিতর নিখুঁতভাবে চলিয়া আসিয়াছে। শব্দসম্পদ ও বাকাবিন্যাসস্বীতি উভয়ের মধ্য হইতেই ইহার সবিশেষ প্রমাণ পাওয়া যায়।

পালি নামটি সম্বন্ধে একটু সাবধান হইতে হইবে। পালিও একপ্রকারের প্রাকৃত ভাষা—কেবল মাত্র ইহার পূর্বতর আকার। কালক্রমে সংস্কৃতের স্থায় পালিও কৃত্রিম সাহিত্যিক ভাষা হইয়া দাঁড়ায়। ব্রাহ্মণগণের নিকট যেমন সংস্কৃত, বৌদ্ধগণের নিকট সেইরূপ পালি শাস্ত্র ও সাহিত্যের পবিত্র সাধু ভাষা হইয়া উঠে।

সংস্কৃত নাটকের প্রাকৃত ভাষাও কালক্রমে সাহিত্যের কৃত্রিম ভাষায় পরিণত হয়। প্রাকৃত লোকমুখে নিজের ধারায় চলিতে থাকে। এই কথিত প্রাকৃতকে আমরা অপভ্রংশ বলিব। বৈদিক যুগ হইতে আরম্ভ করিয়া এই কথিত প্রাকৃত লোকমুখে পরিবর্তিত হইয়া কালে বর্তমান ভারতীয় আৰ্য্য কথিত ভাষাগুলির আকার ধারণ করে। বৈয়াকরণিকদিগের তথাকথিত অপভ্রংশের কোনও নির্দিষ্ট ধরণ নাই। সমস্ত সংজ্ঞা আলোচনা করিলে অপভ্রংশ বলিতে কি বুঝায় তাহা নির্ধারণ করা কঠিন হইয়া পড়ে। বাংলাদেশের বর্তমান কথিত ভাষাকে সাহিত্যের ভাষার অপভ্রংশ বলা যাইতে পারে।

কেহ কেহ প্রাকৃতকে সংস্কৃত হইতে জাত বলিয়াছেন। “অথ প্রাকৃতম্ ॥ প্রকৃতিঃ সংস্কৃতং তত্র ভবং তত আগতং বা প্রাকৃতম্ ॥”—হেমচন্দ্র ৮, ১, ১, । “প্রকৃতিঃ সংস্কৃতং তত্র ভবত্বাৎ প্রাকৃতং মতং”—প্রাকৃত চন্দ্রিকা। “প্রাকৃতস্য তু সর্বমেব সংস্কৃতং যোনিঃ”—প্রাকৃত সঞ্জীবনী। প্রকৃতি অর্থাৎ মূল সংস্কৃত হইতে আসিয়াছে বলিয়া এই ভাষার নাম প্রাকৃত হইয়াছে।

রুদ্রটের কাব্যালঙ্কারের ভাষা মধ্যে কিন্তু নমিসাদু (১১২২ বিক্রমাব্দ = ১০৬৯ খৃষ্টাব্দ) প্রাকৃতকে লৌকিকভাষা বলিয়া গ্রহণ করিয়াছেন। “সকল জগজ্জন্মানাম্ ব্যাকরণাদিভিরনাহিতসংস্কারঃ সহজো বাগ্‌ব্যাপারঃ প্রকৃতিঃ, তত্রভবং, সৈব বা প্রাকৃতম্ ॥” (Commentary on the *Kavaylankara of Rudrata* by Namisadhu, Edition Nirnaysagar Press, Bombay, 2.12) অর্থাৎ—“জগতের সাধারণ লোকের সহজভাষা ব্যাকরণের নিয়মে পরিপূর্ণ নয় তাহাই প্রকৃতি; প্রকৃতি হইতে জাত কিম্বা প্রকৃতিই যাহার নানা স্বরূপ তাহাই প্রাকৃত।” (পণ্ডিত বিশ্বশেখর শাস্ত্রী, শাস্ত্রনিকেতন পত্রিকা, আশ্বিন ১৯২৭; পৃ: ৩৫৫)

যে কোন দেশের “সাধু” ভাষা কতকটা কৃত্রিমতাপূর্ণ হইবেই; কেননা ইহার সাহায্যে লেখার মধ্য দিয়া ভাবের আদান প্রদান করা হয়। এই ভাষায় কেহ কথা বলে না। সকল কথিত উপভাষার সারাংশের উপর নানা কৃত্রিম আকার যোগ করিয়া এই ভাষা হয়। ইহাকেই “সাধু” ভাষা বলা হয়। তাহার অর্থ এমন নয় যে আমাদের কথিত ভাষা “অসাধু”। ইহার ভিতর কোনও নৈতিক উচ্চ-নীচতা (moral reproach) নাই, High German, Low German বলিতে high = উচ্চ, আর, low = নীচ এই দুই কথার ভিতর ভালমন্দের বিচার আসে না। কেবল নামকরণের সুবিধার জন্ত এইরূপ শব্দ ব্যবহার করা হয়। ইহাতে লজ্জা, ঘৃণা বা অশুভতার কোনও কথা নাই। “অসাধু” বলিয়া ভাষার জ্ঞাতি যায় না।

আমাদের চলিত আৰ্য্যভাষাগুলির প্রাচীনতম লিখিত নিদর্শনের এবং বৈদেশিক ভাষার মধ্যে একটা স্তর হারাইয়া যায়। এই হারানো ভাষা হইতে সেই সকল কথিত ভাষার উৎপত্তি যাহাদের লিখিত আকারে পালি প্রাকৃতের উদ্ভব হইয়াছিল। এই প্রত্যক্ষ নিদর্শনহীন ভাষাকে আমরা ভারতীয় মধ্যভাষা (middle Indian) বলিয়াছি। বৈদিক কথিত ভাষা হইতে আমরা এই মধ্যভাষায় আসি, তথা হইতে কথিত ভাষার ভিতর দিয়া অপভ্রংশে পৌঁছাই এবং এই অপভ্রংশ সমূহ হইতে বর্তমানে চলিত আৰ্য্যভাষাগুলি পাই।

ভারতীয় চলিত আৰ্য্য ভাষাসমূহের বহির্গোষ্ঠী এবং অন্তর্গোষ্ঠী।

(The so-called outer-group and Inner-group of Indo-Aryan Vernaculars)

গ্রিয়ারসন সাহেব ভারতীয় চলিত আৰ্য্যভাষাগুলিকে কতকগুলি সাদৃশ্য হেতু এই উভয় ভাগে ভাগ করিয়াছেন। তাঁহার মতে বৈদিকযুগের পূর্বে চরণশীল এক আৰ্য্যজাতি ভারতবর্ষে আসিয়াছিল; তাহাদেরই কথিত ভাষা হইতে মারাঠী, উড়িয়া, বাংলা প্রভৃতি ভাষার জন্ম সম্ভাবনা হয় (derived from the patris of some pastoral Aryan tribes coming before the Vedic period)। এই সকল ভাষাকে গ্রিয়ারসন বহির্গোষ্ঠীর অন্তর্ভুক্ত করিয়াছেন। আর হিন্দী, পাঞ্জাবী, গুজরাতি প্রভৃতি বৈদিক লিখিত ভাষা

যে উপভাষার উপর প্রতিষ্ঠিত সেই কথিত উপভাষা হইতে উৎপন্ন হইয়াছে। এই সকল ভাষাকে অন্তর্গোষ্ঠীভুক্ত করা হইয়াছে।

হর্গলে সাহেবের নিকট হইতে গ্রিয়ারসন সাহেব এই মতবাদের অস্পষ্ট ইঙ্গিত পাইয়াছেন। পণ্ডিতপ্রবর বিজয়চন্দ্র মজুমদার মহাশয় তাঁহার বঙ্গভাষার ইতিহাস নামক ইংরাজী পুস্তকে গ্রিয়ারসনের এই অদ্ভূত মতবাদের সমালোচনা করিয়াছেন। গ্রিয়ারসন নিয়লিখিত প্রমাণগুলির উপর ভিত্তি করিয়া তাঁহার মত প্রতিষ্ঠিত করিতে চেষ্টা করিয়াছেন :—

ধ্বনিতত্ত্ববিষয়েঃ—

(১) অন্তর্গোষ্ঠীভুক্ত ভাষাগুলিতে sibilants

শক্ত হয়

(২) বহির্গোষ্ঠীতে sibilants

নরম হয়

কারকবিষয়েঃ—

(১) অন্তর্গোষ্ঠীতে বিভক্তি দ্বারা কারক নিরূপণ না হইয়া স্বাধীন শব্দযোগে নিরূপিত হয়।

(২) বহির্গোষ্ঠীতে প্রথমে বিভক্তির প্রয়োগ পরে শব্দসংযোগে, তারপর সেই শব্দ রূপান্তরিত বিভক্তির মত কাজ করিতেছে।

ক্রিয়াবিষয়েঃ—

(১) প্রথমটিতে participle এর দ্বারা ভবিষ্যৎ নির্দেশ হয়।

(২) দ্বিতীয়টিতে কর্মবাচ্যের দ্বারা ভবিষ্যৎ নির্দেশ হয়।

(১) অন্তর্গোষ্ঠীভুক্ত ভাষাসমূহে 'ল' প্রত্যয় যোগে অতীতকাল নির্দেশ হয় না।

(২) বহির্গোষ্ঠীতে past participle এর চিহ্ন 'ল' যোগে অতীত কাল নির্দেশ হয়।

এই কল্পনাজাত মতবাদের কোনও ঐতিহাসিক বা বৈজ্ঞানিক ভিত্তি নাই। এইরূপ সাদৃশ্য যে কোনও দুই ভাষা গোষ্ঠীর মধ্যে থাকিতে পারে। বাংলা-ভাষার সহিত যেমন সূদূর ইতালির ইট্রস্কান (Etruscan) ভাষার কিছু কিছু দৈবাৎ সাদৃশ্য পাওয়া যায়। এইরূপ সাদৃশ্যের উপর কোনও মতবাদ গঠন করা চলে না।

শ্রীযুক্ত সুনীতিকুমার চট্টোপাধ্যায় মহাশয়ের নিকট জানিয়াছি গ্রিয়ারসন এখন এই মতবাদের সত্যতা সম্বন্ধে ততটা জোর দেন না। এই সকল ভাষার মধ্যে যেমন সাদৃশ্য আছে, তেমনি অসাদৃশ্যও আছে—ইহার কোনও হেতু নির্দেশ করা চলে না। হয়তো ইহার ঐতিহাসিক কিম্বা প্রাকৃতিক কারণ কিছু থাকিতে পারে, কিন্তু তাহার ব্যাখ্যা কোনও থিওরি দিয়া করা উচিত নয়, বিশেষ যে থিওরির ঐতিহাসিক কিম্বা বৈজ্ঞানিক অস্পষ্ট ভিত্তি নাই।

রুদ্র-আহ্বান

[শ্রীসাবিত্রীপ্রসন্ন চট্টোপাধ্যায়]

এস রুদ্র এস হে ভয়াল

এস ভীম প্রভঞ্জন উড়াইয়া আধির জঞ্জাল

ছকারিয়া এস তুমি,

এই মর্ত্য ভূমি

তোমার প্রবল দাপে খর খরি উঠুক কাঁপিয়া!

রয়েছে চাপিয়া

যে নিষ্ঠুর শিলাস্তম্ভ প সংজাহীন বুকে

তোমার সম্মুখে

মুহুর্তে সরিয়া যাবে, পাষাণে উঠিবে জাগি প্রাণ

মরণের হ'বে অবসান!

ঘনঘোর মেঘ জালে ঢেকে ফেলে দিগ্ দিগন্তর

বিমুখ অন্তর

অকস্মাৎ অন্ধকারে কি যেন কি হারাইয়া ফেলি'

বাধাবন্ধ ঠেলি

অবহেলি মুহুর্তে মেঘের গর্জন

শিরে রাখি রুষ্টিধারা অবিরাম করকা বর্ষণ

আঁধার ছর্যোগ মাঝে সে এক দুর্জয় অভিযানে

কোথা যাবে কিছু নাহি জানে!

বিদ্যাৎ কটাঙ্ক হানি' সচকিয়া মোহসুন্ধ প্রাণ
 কর তব অমোঘ সন্ধান,
 আলো আলো গুলয় আশ্রয়
 পৃথিবীর রন্ধে রন্ধে উদগ্র সে ভীষণ দাক্ষণ,
 ছুটাইয়া দিকে দিকে
 লেলিহান বহ্নিশিখা; অন্ধ আজ ঢাক'ক নির্নিমিখে,
 আচম্বিতে
 তোমার ভৈরব রব বধিরের কর্ণ হ'তে চিত্তে
 উঠুক ধ্বনিয়া,
 চলিবে রনিয়া
 শিরা উপশিরা ব্যাপি' উষ্ণ রক্ত ধারা
 আঅহারা
 আবেগে চঞ্চল,
 নব জন্ম অল্পরাগে শিহরিবে ধরার অঞ্চল!
 ভূধর শিখর ভাঙ্গি এস তুমি ধ্বংশ অবতার
 ভীষণ ছুরীর
 অনন্ত সাগর মাঝে তুমি ঢেউ পর্বত-প্রমাণ
 এস মহাপ্রাণ
 আপনারে বিস্তারিয়া উৎসারিয়া লক্ষ কোটি স্রোতে
 সংসারের বেলাভূমি হ'তে
 ভাসাইয়া বিমলিন জরাজীর্ণ যত আবর্জনা
 করহে মার্জনা—
 কুল নাই, সীমা নাই, ভেসে যাও দৃষ্টিপরাপারে
 শুধু আপনারে
 রেখে যাও ভয় ধ্বংশ শেষ রেখাময়
 অমর অক্ষয়!
 নাচায়ে ধমনি
 হে পিনাকি কর তুর্ঘ্য ধ্বনি
 মোহসুন্ধ ছুর্গদ্বারে পদাঘাতে বিচূর্ণিমা আজ
 এস মহারাজ

তোমার পরশ পেয়ে শৃঙ্খলের বজ্রগ্রন্থিগুলি
 'উঠিবে আকুলি'
 বন্ধন ব্যথায় রাজা বিকশিত লক্ষ শতদলে;
 তব পদতলে
 বন্দী মনে একান্ত নির্ভয়
 তব মুখপানে চাহি' সমস্বরে গা'বে তব জয়!

“দেশেযাব কর্তা”

[শ্রীকানাইলাল বন্দ্যোপাধ্যায়]

দীননাথ রায়ের ছেলে রঘুনাথ রায় ডাক্তারী পাশ করিয়া যখন আর কোনও কিছু করিতে পারিল না তখন কিছু একটা করিবার জন্তই বোধ হয় আসামের এক চা বাগানে চাকরী লইল। আর বৎসরের পর বৎসর সেই একই বাগানে কাজ করিয়া নির্বিবাদে কাল কাটাইতে লাগিল—তাহার অর্থাগমের পরিমাণ আর স্বাস্থ্যের কুশল কিন্তু পল্লীবাসী পিতার নিকট একেবারেই অজ্ঞাত রহিয়া গেল।

বুদ্ধদীননাথ রায়ের অবশ্র আর্থিক অবস্থা একেবারেই খারাপ ছিল না এবং পুত্রের নিকট সাহায্য না পাইলেও পল্লীগ্রামে তাঁহার অবস্থা বেশ স্বচ্ছন্দেই কাটিয়া যাইত তাহার জন্ত কাহারও মুখাপেক্ষা করিতে হইত না। কিন্তু অকৃতজ্ঞ পুত্রের এই আচরণ মধ্যে মধ্যে তাঁহার মর্শে যে আঘাত দিত তাহাতেই তাঁহার গৃহের স্বাচ্ছন্দ্যও সময়ে সময়ে সর্বপ্রকার অশান্তিতে ভরিয়া উঠিত। সেদিন তিনি গৃহিণীর অশ্রু আর পুরাতন ভৃত্য রাঘবের খোকা বাবুকে ছাড়িয়া দেওয়ার জন্ত অল্পশোচনার কোন সাঙ্ঘনাই দিতে পারিতেন না।

রঘুনাথ যেদিন চাকরী লইয়া দেশত্যাগ করিতে চাহিল সেদিন তাহার জননী অত্যন্ত আপত্তি করিলেও তাহার পিতা উন্নতিকামী পুত্রের ইচ্ছায় বিশেষ বাধা দিতে পারেন নাই। কারণ এই বিবাহিত পুত্র যে দৃষ্টির বাহিরে গিয়াই পিতামাতার সঙ্গেই তাহার বিবাহিতা পত্নীকে ভুলিয়া থাকিবে, অভ্যস্ত নহেন বলিয়া বোধ হয় তিনি এতটা কল্পনা করিতে পারেন নাই। কোন্ পিতা আশা করেন যে পুত্র দূরে গিয়াই তাঁহাকে ভুলিয়া যাইবে।

কিন্তু পিতা যাহা আশা করেন নাই পুত্র যখন তাহাই করিয়া বসিল তখন তিনি শুধু নিজের অদৃষ্টকে দোষ দিয়াই নিশ্চিন্ত রহিলেন না, নিজের দূরদৃষ্টি হীনতার জন্তও যথেষ্ট অনুতপ্ত হইলেন। আর তাহাদের যাহাই হউক হতভাগিনী বধুটার জন্ত তাহার দুঃখ ও বেদনার অন্ত রহিল না।

হায়রে নিজের সর্ববিধ দীনতা ও হীনতার মধ্যে থাকিয়াও পুত্রকে যথাসম্ভব স্বাচ্ছন্দ্যের ভিতর দিয়া মানুষ করিয়া, মানুষ যদি তাহাকে হীন ও বিদ্রোহী ভাবিতেই পারিত, তাহা হইলে পুত্রের হস্তে পিতার নির্ঘাতন বারংবার ইতিহাসের পৃষ্ঠাকে কলঙ্কিত করিতে পারিত না। আর বৃদ্ধ দীননাথ রায়ও পুত্রের মুখাপেক্ষী না হইয়া তাহার আচরণে ব্যথিত হইতেন না।

কিন্তু পুত্রকে বিদেশে পাঠাইবার সময় গৃহিণী যথেষ্ট আপত্তি করিলেও তিনি তাহাতে কর্ণপাতও করেন নাই বরং রঘুনাথের গমনকালে প্রত্যক্ষে না হউক পরোক্ষে তাহার সাহায্যই করিয়াছিলেন—আর করিয়াছিলেন বলিয়াই তিনি আজ পুত্রবধুর ভবিষ্যৎ ভাবিয়া ক্রমশঃ বিষন্ন হইতে লাগিলেন—এমন কি সময়ে অসময়ে সেই হতভাগা মেয়েটার মুখের দিকে চাহিতেও তাঁহার কুণ্ঠার অবধি রহিত না।

কিন্তু তিনি যাহা করিয়াছিলেন, তাহাও পুত্রবধুর কল্যাণের জন্তই। অদৃষ্ট যদি তাঁহার সমস্ত শুভছােকেই বিপথে টানিয়া লইয়া যায় এবং সম্ভ্রান্ত বংশের শিক্ষিত পুত্রও যদি পিতামাতার প্রতি কর্তব্য একখানা পত্র দিয়াও না করে, তাহা হইলে মানুষের শক্তি ও বুদ্ধিবৃত্ত লইয়া তিনি কি করিতে পারেন, অথচ ইহার মধ্যে যতটুকু করিবার তাহা তিনি না করিলে, আর কেহই যে করিবার নাই—তাহাও তিনি সুস্পষ্টই দেখিতেছিলেন, আর চিন্তাজ্বরে জর্জরিত হইতেছিলেন।

তাঁহার এই সমস্ত দুশ্চিন্তার অংশ লইত কেবল রাঘব। রাঘব তাঁহার ভৃত্য, সখা, মন্ত্রী; নীচ হইতে উচ্চ সকল কার্যই এই চামার ছেলে অত্যন্ত সহিষ্ণুভাবে করিয়া আসিয়াছে। কারণ ত্রিশবৎসর কাল এই একই সংসারে কাঙ্গ করিয়া সংসারে সে এমন স্থান অধিকার করিয়াছে যে, সেখান হইতে তাহাকে সরাইতে গেলে সংসারই সরিয়া যাইবে, তবু রাঘবকে স্থানভ্রষ্ট করা যাইবে না—এগৃহ, গৃহকর্তার সঙ্গে রাঘবের এতই আয়ত্ত হইয়াছিল।

যৌবনে এই রাঘবের সঙ্গে দেখা। সে এক পরম দুর্যোগময়ী-রাক্ষিত্রে গৃহকর্তার পরম-হৃদিনে। তুর্দিনে সাক্ষাৎ বলিয়া, বিপদের সহায় বলিয়া এই

রাঘবকে শুধু স্নেহই করিতেন না, চামার ছেলে হইলেও এই রাঘবকে তিনি যথেষ্ট শ্রদ্ধা করিতেন।

সে একদিনকার অপরাহ্ন সন্ধ্যার অন্ধকারে আবৃত হইবার পূর্বেই আকাশে যে ঝটিকা-বৃষ্টির সংগ্রাম বাধিয়া গিয়াছিল—তাহাই রুদ্র হইতে রুদ্রতর মূর্তি লইয়া যখন ধরাতলে নামিয়া আসিল আর তাহাদের তাণ্ডনভনে, ঘর্ষণে, বর্ষণে, পৃথিবীতে দ্বিতীয় দেবাসুরের সংগ্রাম বাধাইয়াই তুলিল কি শোকোন্মত্ত শূলীর সতীদেহ স্কন্ধে করিয়া মৃত্যুটার পুনরভিনয় করিয়া মানুষকে চোখের উপর দেখাইয়া দিতে লাগিল, তাহা বুঝিবার পূর্বেই দীননাথ রায়ের পীড়িতা জননী ভয়েই হউক কি ভাবনাতেই হউক ভবধাম পরিত্যাগ করিলেন। আর তাঁহার পুত্র সদ্য মাতৃহারা হইয়া সংসারকে শুধু অন্ধকারই দেখিতে লাগিলেন না এই ঝড় ও ঝঞ্ঝার রাক্ষিতে মৃত জননীর শবদেহ কিরূপে তীরস্থ করিবেন তাহাই ভাবিয়া তাঁহার ভয় ও ভাবনার আদি অন্ত রহিল না। কারণ এই বিভীষিকাময়ী রাক্ষিতে কেহ যে তাঁহার মাতার মৃতদেহ বহন করিতে চাহিবে না শুধু তাহা নয় কাহাকে বলাও সম্ভব হইবে না, অথচ এই মৃতদেহ সম্মুখে রাখিয়া সারারাত্রি বসিয়া থাকা যে গৃহস্থের পক্ষে কিরূপ সম্ভব হইবে তাহাও তিনি বুঝিয়া উঠিতে পারিতেছিলেন না, শুধু বিষাদে বিপদে শঙ্কায় আতঙ্কিত হইয়া উঠিতে ছিলেন।

কিন্তু বিপদেরও একাকী পথ চলিতে বিপদের সম্ভাবনা আছে বলিয়া বোধ হয় মেও সঙ্গী না লইয়া পথ চলে না—তাহাতে মানুষের বিপদ যতই অপার হউক এবং তাহার জীবনপথ যতই ছুরতিক্রম্য হউক। নহিলে মৃত জননীর শবদেহ স্থানান্তরিত করিতে পারিতে ছিলেন না বলিয়া ভয়ে যিনি বিপদের সমুদ্রে দেখিতে ছিলেন পর মুহূর্তেই তাঁহার পূর্ণগর্ভা স্ত্রীর প্রসব বেদনা ধরিয়াছে শুনিয়া তিনি বিপদের মহাসাগরে পড়িয়া হাবুডুবু খাইবেন কেন? অন্ধকার রাত্রি—আকাশে অন্ধকার মেঘ—জীমূতমন্ড্রে ধরিণীকে বারংবার প্রকম্পিত করিতেছে—বিহ্বল আকাশের বক্ষে সহস্র ফণা বিস্তার করিয়া আকাশকেই মথিত করিতেছে কি ধরণীর অন্ধকারময়ী মূর্তিকে উপহাস করিতেছে আর তাহারই মাঝখানে এক আশ্চর্য স্বর্গে গমন আর এক আশ্চর্য মর্ত্যে অবতরণ এই নিরীহ ব্রাহ্মণের অন্তরে বাহিরে যে উত্তেজনার সৃষ্টি করিয়াছিল—তাহা হইতে তাঁহার পরিত্রাণের কোন উপায় নাই দেখিয়াই বোধ হয় দীননাথ বাবু দীননাথকেই ডাকিতে লাগিলেন। কারণ মানুষ

তাঁহার ক্ষুদ্র দৃষ্টি লইয়া স্রষ্টার অস্তিত্বকে যতই উপেক্ষা করুক, জীবনে এমন দিন সবারই আসে, যে দিন মানবের সমস্ত বিজ্ঞান, বুদ্ধি, শক্তি ও সাহস দিয়া দেবতার অমোঘ বিক্রমকে আর কোন মতেই ঠেকাইয়া রাখা যায় না— তাহা সম্পদের দিনে যাহাই হউক নিপদে পড়িয়া দীননাথ বাবু ভুল করিতে পারিলেন না।

কিন্তু এই সময়েই একবার বিদ্রোহ বিকাশ হইলেই তিনি সবিস্ময়ে দেখিলেন যে তাঁহার উঠানের মাঝখানে একেবারে তাঁহার অত্যন্ত নিকটে তিন চারিজন লোক দাঁড়াইয়া আছে—আর তাহারা কে এবং কি উদ্দেশ্যে আসিয়াছে তাহা জিজ্ঞাসা করিবার পূর্বেই একজন বলিয়া উঠিল “ভয় কি কর্তা, আমরা তোমার মায়ের সংকার করব।” বলিয়াই যে অগ্রসর হইয়া আসিল—সে রাঘব—রাঘব সেদিনকার এক দুর্দর্শ দস্যু দলপতি।

ঠিক পাঁচ বৎসর পূর্বে এমনই এক বিপদে পড়িয়া রাঘবও হাবুডুবু খাইয়াছিল—এমনই এক অন্ধকারময়ী রাত্রিতে মাতার মৃতদেহ কোলে করিয়া সেও মাথায় হাত দিয়া বসিয়াছিল। আর সে দিন তাহাকে সেই বিপদ হইতে রক্ষা করিয়াছিলেন—আজিকার এই বিপন্ন ব্রাহ্মণ দীননাথ রায়। দীননাথবাবু স্বয়ং সে কথা ভুলিয়া গিয়াছিলেন, কিন্তু অনক্ষর চাবার ছেলে রাঘব ভোলে নাই। কারণ সে ভুলিলে যে দীননাথ বাবুর নাম স্মরণ করা একেবারে ব্যর্থ হইয়া যাইত।

কিন্তু সত্যকার আত্মনিবেদন যে ব্যর্থ হয় না, নহিলে মানুষ যাহাকে বিপদে সাহায্য করিলনা—এমন কি মানুষের চরম বিপদ উপস্থিত হইয়াছে দেখিয়াও নিশ্চিন্ত রহিল—তাহাকে সাহায্য করিতে আসিল কি না এক দস্যু। এমন ঘোরান্ধকারময়ী রাত্রিতে রক্তপাতের সূবর্ণ সূযোগ ত্যাগ করিয়া সে আসিল এই ব্রাহ্মণের কুটীরে বিপদে জ্ঞান করিতে আর মানুষ যাহারা—যাহারা রক্তপাত করিতে জানেনা এমন কি রক্ত দেখিলেও জীহরি স্মরণ করিয়া স্থান ত্যাগ করে—তাহারা রহিল নিজেদের গৃহে বসিয়া নিশ্চিন্ত আলস্যে কাল কাটাইতে—তাহাদেরই মত একজন মানুষ যখন বিপদের কুলকিনারা দেখিতে পাইতেছিল না।

হায়রে! অন্ধমানুষ! তাহারা কি করিয়া বুঝিবে যে, তাহারা পরের বিপদকে উপেক্ষা করিয়া নিশ্চিন্ত রহিলেও অন্তর্দ্বন্দ্বী নিশ্চিন্ত নহেন। তাহারা কেমন করিয়া বুঝিবে যে তাঁহার সদাজাগ্রত চক্ষু সূচীভেদ্যতামিরেও দৃষ্টিহীন

হয় না। নহিলে এই রাঘবও ত তাহাদেরই মত একদিন পুরা মানুষ ছিল— মানুষেরই মত সংসারীর ক্ষুদ্র সুখ দুঃখ লইয়া দিন যাপন করিত। সে যে আজ মানুষের হত্যাকারী হইয়া দাঁড়াইয়াছে সেই মানুষের অত্যাচারেই।

মানুষ যেদিন তাহার আজীবন ধর্মান্ধিতা বিগতযৌবনা বিধবা জননী নামে কলঙ্ক রটাইয়া দিল এবং এই অপবাদের মধ্যে মূল সত্য কিছু আছে কি না তাহার কোন তত্ত্ব না লইয়াই তাহাদের মাতা পুত্রকে একঘরে করিয়া দিল। আর সেই জননী যখন মৃত্যুমুখে পতিত হইল তখন তাহার মৃতদেহটা পর্যন্ত স্পর্শ করিতে চাহিল না এমন কি যে হুকু ঘোষালের সঙ্গে তাহার এই কলঙ্ক রটাইয়াছিল সে পর্যন্ত এই মৃত্যু রমণীর একটা প্রায়শ্চিত্ত করিয়া দিতে রাজী হইল না, সে দিন মানুষের উপর তাহার ক্রোধও ঘৃণার বোধ হয় অন্ত ছিল না।

কিন্তু ক্রোধ বা ঘৃণা তাহার যতই হউক জননীর মৃত দেহ কোলে করিয়া সহায়সম্পত্তিহীন প্রাণীমাত্র পরিত্যক্ত একাকী রাঘব কি করিতে পারে তাই ক্রোধ তাহার যতই হইতেছিল সে ততই উষ্ণ অশ্রুতেই পরিণত হইতেছিল। কিন্তু এই সময়েই দীননাথ রায় তাহার বাড়ীর পাশ দিয়া যাইতেছিলেন, তিনি এই দরিদ্রকে বিপন্ন দেখিয়া অনশ্চিত ভাবেই গিয়া মৃতের প্রায়শ্চিত্ত করিয়া দিলেন আর রাঘব প্রাণীমাত্রের সাহায্য না লইয়া জননীর মৃতদেহ স্বন্ধে করিয়া লইয়া গভীর নিশীথে একাকী দাঁহ করিতে চলিয়া গেল।

কিন্তু দাঁহ করিয়া সে যখন প্রেতভূমি প্ৰশান হইতে ফিরিয়া আসিল তখন সে সত্যই প্রেতমুক্তি ধারণ করিয়াছিল। কারণ সেই দিন হইতে সে যে সংহার ব্রত গ্রহণ করিয়াছিল তাহাই এই কয় বৎসরে তাহাকে প্রসিক্ত দস্যু সর্দার করিয়া তুলিয়াছিল—কারণ ও অঞ্চলে তখন রাঘবের মত প্রসিক্ত শক্তি-শালী দস্যু দলপতি আর ছিল না।

কিন্তু এই প্রসিক্ত দস্যু অসংখ্য নরহত্যা করিয়াও দীননাথ রায়ের সেই এক দিনকার উপকার বিস্মৃত হয় নাই তাই এই গ্রামে আজ ঢুকিয়াই সে যখন এই ব্রাহ্মণের বিপদের কথা শুনিল, তখন সে আর নিশ্চিন্ত থাকিতে পারিল না—হুই চারিজন অল্পের লইয়া একেবারে ব্রাহ্মণের বাড়ীতে উপস্থিত হইয়া অসঙ্কোচেই বলিল, “ভয় কি কর্তা, আমরা তোমার মায়ের সংকার করব।”

আর দীননাথ বাবু সেই ঘোরান্ধকারময়ী রজনীতেও হাতে প্রাণ আকাশের চাঁদ পাইয়া সাগ্রহে বলিয়া উঠিলেন—“তোমরা কে বাবা কোথা থেকে এলে?”

“পরিচয়ে দরকার কি কর্তা খরচের টাকা দিয়ে দাও আমরা লাস তুলে নিয়ে যাই দেবি কর্তে পাচ্ছি না।” বলিয়াই রাঘব তাহার একজন অনুচরকে জোগাড় করিবার জুম্ব দিল—আর প্রতিবাসীরা আসিয়া এই ব্রাহ্মণের বিপদে ছুটা মৌখিক সাহায্য দিয়া তাঁহার মাতার চিরস্থায়ী স্বর্গ বাসের ব্যবস্থা করিবার পূর্বেই দেবদূতের মত রাঘব তাঁহার মৃতদেহ লইয়া গ্রস্থান করিল।

কিন্তু মৃতদেহের সংস্কার করিয়া রাঘব যখন ছয় ক্রোশ পথ হাঁটিয়া এই ব্রাহ্মণকে সংবাদ দিতে আসিল এবং দীননাথ বাবুর চরণে প্রণতি জ্ঞাপন করিল তখন দীননাথ বাবু আনন্দে উৎসাহে, উপকারের ঞ্চ স্মরণে এই দস্যুকে আলিঙ্গন করিলেন আর সেই মুহূর্ত্তেই রাঘবের ভিতরকার পশু প্রবৃত্তি সহসা দেবত্ব পরিণত হইল। এই ব্রাহ্মণের আলিঙ্গনবন্ধ বাস্তব পবিত্র কেমন স্পর্শ সে সহ্য করিতে পারিল না—সেই মুহূর্ত্তেই তাহার দহ্যপ্রবৃত্তি পরিহার করিয়া দাসত্ব গ্রহণ করিল।

সেই দিন হইতে এই ব্রাহ্মণের গৃহতলে বসিয়া বৈষ্ণবনৌতির যে শান্তিময় শিক্ষা সে পাইয়াছিল তাহাই এই ত্রিশবৎসর ব্যাপী সাধনার সমুদ্রগর্ভে প্রবাল-দ্বীপের মত তাহার ভিতর এক শান্তিপ্রিয় মান্নবের সৃষ্টি করিয়াছিল। সে মান্নব বাহিরে অনক্ষর হইলেও অন্তরে এতই মার্জিত হইয়া গিয়াছিল যে সে দিন বোধ হয় আর গুরুশিষ্যে কোন প্রভেদই ছিল না।

এই রাঘব যেদিন হইতে দীননাথ বাবুর গৃহে চাকরী লইল সেই দিন হইতেই সদ্য প্রসূত খোকা বাবুর পালনের ভার তাহার উপর পড়িয়াছিল। সে তাহার সমস্ত মনপ্রাণ দিয়া রঘুনাথকে মান্নব করিয়াছিল। তাই তাহাকে বিশেষ পাঠাইবার সময় রাঘবের আপত্তির অন্ত ছিল না। সে কতবার কর্তাকে নিভূতে ডাকিয়া বলিয়াছিল “কর্তা, অমন কাজটি কর্বেন না এই ছেলেকে এখন ছেড়ে দিলে তা’কে ফিরিয়ে পাওয়া শক্ত হবে।” কিন্তু কর্তা তখন সে কথা কিছুতেই শোনেন নাই এখন তাহার জন্ম তিনি যথেষ্ট অনুতপ্ত হইতেছিলেন বটে কিন্তু পিতার দেহ ও মন লইয়া তিনি পুত্রের উন্নতির পথে কি করিয়া বাধা দিতে পারিতেন তাহাও তিনি বুঝিতে পারিতেছিলেন না।

অথচ এই ত্রিশবৎসর কাল সংসারের সঙ্গে যুদ্ধ করিয়া তাঁহার প্রভু-ভৃত্যে জীবনের যে অবস্থায় আসিয়া উপস্থিত হইয়াছিলেন, তাহাকে সন্সার প্রাকাল বলিলেও হয় কি নিশি প্রভাতের পূর্বসূচনা বলিলেও হয়। তাই তাঁহাদের পরস্পরের দুঃখে সমবেদনা যতখানিই থাকে দুঃখ দূর করিবার শক্তি কুলাইয়া

উঠিতেছিল না—অথচ সদিহীনতার দৌর্ভাগ্য প্রতি মুহূর্ত্তেই যে বেদনার স্মৃতি অন্তরে জাগাইয়া দিতেছিল—তাহাও আর ঠেকাইয়া রাখা যাইতেছিল না।

কিন্তু ঠিক এই ভাবে বৃথা কালক্ষেপ করিলে যে চলিবে না এমন কি খোকা বাবুকে আর ফিরাইয়া পাওয়াও শক্ত হইবে, তাহা বুঝিয়াই রাঘব এক দিন প্রস্তাব করিয়া বসিল যে, সে খোকা বাবুর সন্সানে যাইবে এবং তাহাকে না ফিরাইয়া আর গৃহ প্রবেশ করিবে না, কর্তা ইহার ব্যবস্থা করিয়া দিন। কিন্তু কর্তা কিছুতেই এই প্রভুতত্ত্ব ভৃত্যকে ছাড়িয়া দিতে রাজী হইলেন না— কারণ সে মূর্থ মান্নব কোথায় গিয়া হয়ত’ এমন বিপদে পড়িবে যে তাহাকে উদ্ধার করিতেই আবার তাঁহার নিজেরই প্রাণান্ত হইবে। এই রাঘব যদি ত্রিশবৎসর আগেকার রাঘব হইত তাহা হইলে পৃথিবীর যে কোন স্থানে তাহাকে অসন্সোচে পাঠানো যাইতে পারিত কিন্তু ত্রিশবৎসর কাল ধরিয়া তিনি এই রাঘবকে যে শিক্ষা দিয়া আসিয়াছিলেন—আর ত্রিশবৎসর কাল তাহাকে এতই সহিষ্ণু শক্তিহীন করিয়া দিয়াছে যে, এখন তাহাকে কোন সাহসের কাজ করিতে বলা হিম্মতলকে সমভূমি হইতে বলা মতই বাতুলতা।

কিন্তু এই সময়েই রঘুনাথ অনুতপ্ত হইয়াছে বলিয়া এক পত্র আসিয়া উপস্থিত হইল, আর রাঘব কাহারও কোন আপত্তি কর্ণে না তুলিয়াই লাগী ঘাড়ে করিয়া বাহির হইয়া পড়িল—খোকা বাবুকে ফিরাইয়া আনিতে। যাইবার সময় সে খোকা বাবুর প্রাণিত অর্থও লইতে ভুলিল না।

কিন্তু সে যখন খোকাবাবুর বাংলোর কাছে আসিয়া উপস্থিত হইল তখন সূর্য অস্ত গিয়াছে। সূর্যপ্রসারী অনুচ্চ পাহাড়, পাহাড়ের বকে অর্ধচন্দ্রাকৃতি চামের বাগান তাহাদের ঘন বিস্তৃত ঘনশ্যাম বর্ণে অপূর্ব সৌন্দর্য সৃষ্টি করিয়াছিল, তাহার মাঝে মাঝে শুভ্র সরুপথ মেদিনকার মেঘান্তরিত রৌদ্রে সূর্যর কবরী ঘেরিয়া পুষ্পমালিকার মতই শোভাসম্পন্ন বোধ হইতেছিল; পাহাড়-পাহাড়-যতদূর দৃষ্টি চলে শুধু পর্বতের স্তম্ভ বৃহৎ শৃঙ্গ অভভেদী শির তুলিয়া যেন আকাশকেই ভয় দেখাতেইছিল কিম্বা মেঘকে আলিঙ্গন করিয়া ধরিত্রীর সঙ্গে উচ্চাকাশের নিবিড় সঙ্ক জ্ঞাপন করিতেছিল আর রাঘব সেই বিরাট বিশাল স্তম্ভের সৌন্দর্যের অনামত্রে এতই মগ্ন হইয়া গিয়াছিল যে, সে খোকাবাবুর বাংলা ছাড়িয়া যে বরাবর চলিয়া যাইতেছিল, তাহা তাহার ধ্যানলই ছিল না। কিন্তু সহসা একটা ইতর শ্রেণীর যুবতী আসিয়া তাহার হাত ধরিয়া টানিতেই তাহার চেতনা ফিরিয়া আসিল—সে পচাং ফিরিয়া চাহিতেই দেখিতে

পাইল যে অসংখ্য কুলী রমণীদের মধ্যে বসিয়া যে লোকটা পুনঃ পুনঃ মৃত্যুপান করিতেছে সে আর কেহই নহে তাহারই বহুত্রে পালিত খোকাবাবু স্বয়ং।

রাঘবের বিষয় বোধ হয় সমস্ত মাত্রা ছাড়িয়াই চলিয়া গিয়াছিল, সে যে কি বলিবে বা কি করিবে কিছুই ধারণা করিতে পারিল না—শুধু নির্বাক হইয়া এই মমধৃত্ত নরনারীদের পানে চাহিয়া রহিল। সে তখন বোধ হয় ভাবিতেছিল যে এই পুত্রের জন্মই তাহার বৃদ্ধ পিতা মাতা তাঁহাদের মুখের অন্ন তৃপ্তি করিয়া খাইতে পারেন না, এই স্বামীর জন্মই তাহার ধর্মপত্নী রাত্রে নিদ্রা যায় না আর এই নরপশুর জন্মই সে তাহার দেশভূঁই ছাড়িয়া এতদূরে আসিয়াছে তাহার কলিত রোগশয্যা শুশ্রূষা করিতে।

কিন্তু তাহার এই বিষয়সুত্র ভাব দেখিয়াই বোধ হয় মাতালের দল উচ্চহাস্ত করিয়া উঠিল আর তাহাদের সেই পৈশাচিক হাসির শব্দ পর্তগাত্রে প্রতিধ্বনিত হইতেই রাঘবের আচ্ছন্ন বিবেক সহসা আত্মস্থ হইয়া উঠিল। কিন্তু তখনও সেই কুলীরমণীটা তাহার হাত ধরিয়া আছে দেখিয়া ক্রোধে সে অগ্নিমুক্তি ধারণ করিল, তাহার ভিতরে আবার সেই ত্রিশবৎসর আগেকার দস্যুর প্রাণ জাগিয়া উঠিল। সে একটা বাপটা দিয়া সেই মেয়েটাকে ফেলিয়া দিরা একেবারে রঘুনাথের সম্মুখে আসিয়া বজ্রগস্তীর স্বরে ডাকিল “রঘুনাথ”।

সে স্বর শুনিয়া শুধু রঘুনাথই নয় তাহার পার্শ্বস্থ অনেক রঘুনাথেরই লুপ্ত চেতনা ফিরিয়া আসিল আর রঘুনাথ স্বয়ং এত অসম্ভাবিতরূপে রাঘবকে উপস্থিত হইতে দেখিয়া ও তাহার কণ্ঠের এই বজ্রস্বর শুনিয়া ভয়ে বিষয়ে নিস্পন্দ হইয়া গেল। কিন্তু এই সমস্ত রমণীগণের মধ্যে দাঁড়াইয়া তাহার পিতার ভৃত্য যে তাহাকে শাসন করিবে ইহা তাহার মোটেই সঙ্গ হইল না। সে সহসা উঠিয়া দাঁড়াইয়া অত্যন্ত রুক্ষস্বরে বলিল “রাঘব, তুমি আমার চাকর সে কথাটা মনে রেখ’। দেশ থেকে এসেছ বাড়া যাও” বলিয়া বাড়ীর দিকে অঙ্গুলি নির্দেশ করিল। আর রাঘব—তাহার সমস্ত স্পর্ধা, ক্রোধ, রক্তবর্ণ অঁধি এক মুহূর্ত্তে মাথা নত করিল। হায়রে রাঘব আজ চাকর—চাকর মাত্র, যে চাকর প্রভুর সমস্ত অত্যাচার অবিচার নীরবে সহিয়া ধাইবে, প্রভুর কোন আচরণেই দ্বিকৃত্তি করিবে না, প্রভুর কার্যের সমালোচনা করিবে না কারণ একেবারে সে চাকর। ইহা যে সত্য তাহাতে আর সংশয় ছিল না কিন্তু হায়রে এয়ে অত্যন্ত নিষ্ঠুর সত্য-রাঘব ইচ্ছা করিয়াই তাহার স্বাধীন জীবন বিদগ্ধন করিয়া এই সত্যকেই আলিঙ্গন করিয়া লইয়াছে—আজ তাহাতে আর বিরোধ চলে না। সে যে

ত্রিশবৎসর ধরিয়া এই দাসত্বকেই আলিঙ্গন করিয়া আছে। এই ত্রিশবৎসরের মধ্যে একদিনও বৃষ্টিতে পারে নাই যে এসংসারের সে চাকর মাত্র। এসংসারে সে স্নেহের, ভক্তির, শ্রদ্ধার, সন্তান স্থাপন করিয়াছিল আর তাহার সেই স্নেহ প্রভুকে কোনদিন প্রভুত্ব করিতে দেয় নাই। নিজেকে কোনদিন ভৃত্যের হীনতা অনুভব করিতে দেয় নাই। এসংসারকে সে আত্মীয়জ্ঞানে আশ্রয় করিয়াছিল আর এ সংসারও তাহাকে তাহার প্রতিদান দিয়াছিল। এমন কি যৌবনেই যখন তাহার স্ত্রী মারা যায় তখন দীননাথ বাবু তাহাকে পুনরায় বিবাহ করিতে পুনঃপুনঃ অনুরোধ করিয়াছিলেন কিন্তু রাঘব এই খোকাবাবুকেই দেখিয়া বলিয়াছিল “আবার আমার বিয়ে কি কর্তা, এই যে আমার সোণার সংসার এখানে রয়েছে, খোকাবাবুর বিয়ে দিন না—দিনকতক ছেলে বউ কাঁধে করে নেচে বেড়াই।” আর এতদিন পরে খোকাবাবুর মুখ হইতে যে কথাটা বাহির হইল তাহা শুধু তাহার স্বপ্নের অগোচরই ছিলনা সে কথাটা সেই একটা মুহূর্ত্তেই তাহার সমস্ত চিত্তকে ছিঁড়িয়া দলিয়া পিশিয়া দিয়া গেল। দ্বিকৃত্তি মাত্র না করিয়া খোকাবাবুর অঙ্গুলিনির্দিষ্ট পাথে চলিয়া গেল।

রাঘবের মর্মে আঘাতটা কিছু বেশী লাগিয়াছিল, সে দীননাথ বাবুর দেওয়া প্রত্যেক পয়সাটা পর্যন্ত হিসাব করিয়া রঘুনাথের হাতে দিয়া দিল আর নিজে নিতান্ত ভৃত্যের মতঃ প্রভুপুত্রের আদেশ পালন করিয়া যাইতে লাগিল। এই প্রভুপুত্রের আশের পাশের অনুচরেরা যে তাহার মতপরিবর্তন দেখিয়া আড়ালে হামিতে লাগিল তাহাও সে বৃষ্টিতে পারিল, কিন্তু সে তাহাতে ক্ষেপমাত্র করিলনা। নিজের দুঃখে বেদনায় ওদাসীন্যে নিজেকে সম্পূর্ণ স্বতন্ত্র করিয়া রাখিল। কিন্তু দীননাথ বাবুকে সে অনেক ভরসা দিয়া আসিয়াছিল তাই খোকা বাবুর হালচাল একবার না দেখিয়া স্থানত্যাগ করিতে পারিল না।

রাঘবের আসিবার পর সপ্তাহমাত্র অতিক্রম করিয়াছে এমনই সময়ে একদিন অপরাহ্নে আকাশে অত্যন্ত ঝড়বৃষ্টির লক্ষণ দেখা গেল। শরীরও মন অত্যন্ত অবসন্ন ছিল বলিয়া রাঘব সেই ঝড়বৃষ্টির সম্ভাবনা দেখিয়াও বাড়ী ছাড়িয়া একটু দূরে একটা ঝোপের কাছে আসিয়া চুপ করিয়া বসিয়াছিল। খোকাবাবুর আচরণ তাহার মর্মে অত্যন্ত পীড়িত করিতেছিল বলিয়াই হউক কি তাহার অতীত জীবনের অবাধ স্বাধীনতা কিরূপ হীনদায়ে পরিণত হইয়াছে তাহারই একটা সমালোচনা করিবার জন্মই হউক সে যখন সে স্থানটায় আসিয়া বসিল তখন সন্ধ্যা সবেমাত্র ধরণীতে প্রথম পদার্পণ করিয়াছে। উপরে আকাশ

ক্রকুটী কহিতেছিল, নিয়ে বায়ু প্রবল প্রবাহে তাহার অঙ্গে মুখে আসিয়া প্রহত হইতেছিল। কিন্তু সেদিকে তাহার দৃকপাত ছিল না, সে শুধু নিজের জীবনটাকে লইয়া তোলপাড় করিতেছিল। এমনই সময়ে সহসা সেই নিবিড় বনান্তরাল হইতে এক উত্তেজিত নারীকণ্ঠ কর্ণে প্রবেশ করিল ও সঙ্গে সঙ্গেই পুরুষেরও পুরুষকণ্ঠ তাহার উত্তর দিল বলিয়া মনে হইল। বায়ু মাতালের মত ছুটিয়া ছুটিয়া বৃক্ষপত্রে শাখার চূড়ায় প্রতিহত হইতেছিল—শব্দ শুনিলেও রাঘব তাহার অর্থ কিছুই বুঝিতে পারিল না অথচ প্রকৃতির এই রণচণ্ডী মূর্ত্তি ধারণ কালে নিবিড় গহনে নরনারী পরস্পর যুদ্ধ ঘোষণা করিয়াছে—তাহাও জানিবার আগ্রহ তাহার কম হইতেছিল না। শব্দ অনুসরণ করিয়া রাঘব প্রকাণ্ড এক শালবৃক্ষের পশ্চাতে দাঁড়াইতেই সে বিস্ময়ে দ্বৈধিতে পাইল যে এক আসামী যুবতীর সহিত অত্যন্ত উত্তেজিতভাবে যিনি কথা কহিতেছেন তিনি আর কেহই নহেন তাহারই প্রভুপুত্র রঘুনাথবাবু।

রাঘবের বিস্ময় যতটাই হইয়া থাকে এই নিবিড় গহনে মেঘও সন্ধ্যার সন্মিলিত অন্ধকারে রঘুনাথ এই যুবতীর সহিত কি কথা কহিতেছে আর তাহাতে এত উত্তেজনাই বা কেন তাহা জানিতে তাহার আগ্রহের অন্ত রহিল না। কিন্তু সে ইচ্ছা তাহার পূর্ণ হইবার আগেই রঘুনাথ অত্যন্ত উচ্চস্বরে বলিয়া উঠিল “আমার কাছে এখন টাকা নাই রুমেলার বিবি, আমি তোমায় কিছুই দিতে পার্বনা, তুমি যা ইচ্ছা করবে।” বলিয়াই চলিয়া আসিতেছিল কিন্তু ঠিক এই সময়ে রুমেলা তাহার বক্ষোবাস হইতে এক প্রকাণ্ড ছোঁরা বাহির করিয়া তাহাকে মারিতে উদ্যত হইল আর খোকা বাবু ‘মালেরে’ বলিতেই রাঘব তীর বেগে ছুটিয়া আসিয়া তাহাদের মধ্যস্থলে পড়িল—কিন্তু সে রুমেলার হাত ধরিবার আগেই সেই তীক্ষ্ণ ছুরিকা আসিয়া রাঘবের স্বন্ধে পড়িল আর রঘুনাথ রুমেলা বা রাঘব কাহাকেও ধরিবার আগেই রাঘব চীৎকার করিয়া পড়িয়া গেল—রুমেলাও পলাইল।

কিছু দূর তাহার অনুসরণ করিয়া রঘুনাথ যখন ফিরিয়া আসিল তখন রাঘব তাহার ক্ষতস্থানটা চাপিয়া ধরিয়া পড়িয়াছিল—কিন্তু ক্ষতস্থান হইতে প্রবল বেগে শোণিতপাত হইয়া সমস্ত স্থানটাই রক্তাক্ত হইয়া উঠিয়াছিল। নিকটে আসিয়া রঘুনাথ জিজ্ঞাসা করিল “তাই ত কি করি রাঘব?” “কি করবে খোকা বাবু? দেশে ফিরে যাও, এ মায়ার দেশ—এখানে আর থেক না তোমাকে যে বাঁচাতে পেরেছি এই যথেষ্ট” বলিয়া সে উঠিতে চেষ্টা করিল কিন্তু

উঠিতে পারিল না—উপুড় হইয়া পড়িয়া গেল—আর ক্ষতস্থান হইতে শোণিত ধারা প্রবলতর বেগে বহিতে লাগিল। কিন্তু তাহাতে ক্রক্ষেপ মাত্র না করিয়াই সে আবার বলিল “রাঘব তার ডাকাতের প্রাণ নিয়ে মর্কের না খোকাবাবু—কিন্তু আজ তোমাকে এই আসামের জঙ্গলে রেখে গিয়ে তোমার বাপকে কি বলতুম বলত ?”

রঘুনাথ বলিল “বড় কষ্ট হ’চ্ছে কি রাঘব?”

কষ্টে হাসিয়া রাঘব উত্তর করিল “কষ্ট? মেয়ে মানুষের ছুরীতে রাঘবের কষ্ট হয় না খোকাবাবু—তবে আজ বড় বুড়ো হ’য়েছি—এত বুড়ো আমি বোধ হয় হ’তাম না খোকা বাবু—শুধু তোমার বাপই আমার শিরদাঁড়া ভেঙ্গে দিয়েছে।” বলিয়া সে কিছুক্ষণ বিশ্রাম লইয়া বলিল “আমার হাতটা ধরত খোকা বাবু!”

খোকাবাবু তাহার হাত ধরিয়া তুলিতেই রাঘব খাড়া হইয়া দাঁড়াইল। কিন্তু অবলম্বন না পাইলে চলিতে পারিবে না বুঝিয়া পথপার্শ্ব হইতে একটা দণ্ড কুড়াইয়া ধীরে ধীরে নামিয়া গেল।

কিন্তু এই খানেই ইহার পরিসমাপ্তি হইল না। বাড়ী যাইবার পথে রাঘব একটু রুগ্নিতে ভিজিল, তাহার ক্ষতস্থানে বেশ ঠাণ্ডা লাগিল। বাড়ী আসিয়া সে আচ্ছন্নের মত পড়িয়া রহিল—আর রাত্রি শেষে তাহার প্রবল জ্বর হইল এবং সেই সঙ্গে বিকারের লক্ষণও দেখা গেল। বিকারের ঘোরে সে প্রলাপ বকিতে লাগিল “আমায় দেশে পাঠিয়ে দাও খোকাবাবু—ঐ ঐ আবার মার্তে আসছে—আমায় দেশে পাঠিয়ে দাও আমি দেশে যাব খোকা বাবু।”

কিন্তু খোকা বাবু তাহাকে দেশে পাঠাইবেন কি? রাঘবের এই মুমূর্ষু অবস্থায়—তাহাকে দেশে পাঠানো যেমন সম্ভবও ছিল না—নিজের এই হীনতার কথা পিতার কর্ণগোচর করিতে তাহার লজ্জা কুণ্ঠারও তেমনই অবধি ছিল না। এমন কি তাহার ত্রাণকর্তার মৃত্যুর কামনাও যে ভ্রাতাবৎসল প্রভুর মনের কোণেও উদয় হয় নাই এ কথাও নিঃসংশয় বলিতে পারা যায় না।

কিন্তু প্রভুর কামনা যাহাই হউক—রাঘবের একমাত্র কামনা ও প্রার্থনা হইল—“দেশে যাব খোকাবাবু—আমায় দেশে পাঠিয়ে দাও।”

একদিন রঘুনাথ বিরক্ত হইয়া বলিল “দেশে যাবি—দেশে তোর কি আছে?”

সেদিন রাঘবের জ্বরটা একটু কম ছিল—সে কাঁদিতে কাঁদিতে বলিল “দেশে

আমার কি নাই কর্তা! দেশে আমার শাগের ক্ষেত র'য়েছে—আমার পুকুর-ঘাট—আমার বড় গাছের তলা র'য়েছে, সেই গাছের তলায় শুয়ে আমি যে কতদিন ঘুমিয়ে পড়ি? আমার কি নাই? আর নাই বা থাকুল—তবু সে যে আমার দেশ—কর্তা—আমার নিজের দেশ—আমার আপনার দেশ” বলিতে বলিতে রাঘবের চক্ষে জল আসিল—সে পুনরায় বলিতে লাগিল “এখনকার এই পাহাড়ে ম'লে আমার যে গতি হবে না ছোট বাবু—আমার দেশে মর্তে পাল' আমি যে গঙ্গা পাব—স্বর্গ পাব।”

“কিন্তু এখন থেকে নিয়ে যেতে হবে তো, তুমি যে পথেই স্বর্গ পাবে—তা ভেবে দেখেছ কি?”

“পাই পাব, তুমি আমায় নিয়ে চল'ত? তোমার সেখানে কি নাই বলত? তোমার মা, বাপ—পরিবার দেশভূ'ই সব র'য়েছে—আর তাদের সব ছেড়ে কি নিয়ে এখানে প'ড়ে আছ বল দিকি?”

কিন্তু রঘুনাথ সে কথা কখন উত্তর না দিয়াই বাটীর বাহির হইয়া গেল—আর একদিনকার মহাশক্তিশালী দস্যু তাহার আবেদন এমনই ভাবে উপেক্ষিত দেখিয়া অসহায় বালকের মত হুঃখ ভয়ের অভিসংঘাতে আর্জনাৎ করিয়া উঠিল।

অবশেষে রাঘব একদিন রঘুনাথেরই এক বাঙ্গালী বন্ধুর অনেক হাতে পায়ে ধরিয়া খোঁকাবাবুর নামে একপত্র লিখিয়া লইল তাহাতে লিখিয়া দিল “কর্তা, আমি আর থাক'না, ছোটবাবু ভাল আছেন তিনি আমাকে কিছুতেই দেশে যেতে দেবেনা, আমি দেশে না গেলে কিছুতেই বাঁচবনা' তুমি একবার কৃপা করে চরণ ধুলি দিও।”

কিন্তু কর্তার চরণধূলি দিবার আগেই রাঘবের অসুখ অত্যন্ত বাড়িয়া উঠিল। সে রোগযন্ত্রণায় ছটফট করিতে লাগিল—বেচারার এ যাত্রায় স্বর্গ প্রাপ্তির দাঁশা একেবারেই অন্তহিত হইল।

কিন্তু সে যেখানে তাহার নিবেদন জানাইয়াছিল—সেখান হইতে তাহার নিরাশা হইবার কোন আশঙ্কাই ছিল না—তাই তাহার পত্র পাইয়াই দীননাথ বাবু বাহির হইয়া পড়িয়াছিলেন—আর তিনি যখন আসিয়া রাঘবের শয্যাপার্শ্বে বাড়াইলেন তখন রাঘব একেবারে আচ্ছন্নের মত পড়িয়াছিল। কিন্তু দীননাথ আবু যখন তাহার মাথায় হাত দিয়া জিজ্ঞাসা করিলেন “কি হ'য়েছে রাঘব?” তখন সে যেন স্বপ্নোথিতের মত জাগিয়া উঠিল—উঠিয়াই সম্মুখে দীননাথ বাবুকে

দেখিয়া সে কাঁদিয়া ফেলিল—কাঁদিতে কাঁদিতে বলিল “আমি দেশে যাব' কর্তা—দেশে যাব।” বলিয়াই আবার অচেতন হইয়া পড়িল।

দেশে আসা হইল বটে, কিন্তু রাঘব বাঁচিল না। পাহাড়ী মেয়ের ছুরিকার আঘাত তাহার স্বন্ধে ষতটা ক্ষত করিয়াছিল—বাহিরের ঠাণ্ডা তাহাকে আর ও বিষাক্ত করিয়া তুলিল—অর তাহার ছাড়িল না। দেশে আসিয়া ও সে ক্ষণে ক্ষণে প্রলাপ বকিতে লাগিল—‘দেশে যাব' কর্তা, দেশে যাব।’

তার পর একদিন সেই দেশেরই মাটির উপর শুইয়া রাঘব তাহার আকাঙ্ক্ষিত স্বর্গে চলিয়া গেল। আর তাহারই কিছুদিন পরে ক্রমেলার অত্যাচারে প্রপীড়িত হইয়া রঘুনাথও দেশে ফিরিয়া আসিল—কিন্তু সে হতভাগ্যের স্বদেশ প্রত্যাগমনে—তাহার মাতা পিতা এমন কি দ্বী পর্যন্ত সুখী হইতে পারিলেন না। কারণ তাহাকে ফিরাইয়া আনিতে যে মহৎ প্রাণ বলিদানের প্রয়োজন হইল—তাহার তুলনায় রঘুনাথের প্রত্যাবর্তন নিতান্ত অপ্ৰয়োজনীয় বলিয়া বোধ হইল। সেই দিন হইতে দীননাথ বাবু পুত্রের সহিত ভাল করিয়া কথা কহিতেই পারিতেন না—সর্বক্ষণ তাহার কর্ণে রাঘবের সেই করুণ আত্ননাৎ ধ্বনিত হইত “আমি দেশে যাব কর্তা—দেশে যাব।’

বিবর্তন ও আবর্তন।

[শ্রীহৃষ্যকেশ সেন]

অভাব ও আকাঙ্ক্ষা সকল দেশের মানুষেরই আছে। এদের পূরণের চেষ্টার নামই জীবন-যাত্রা। এই যাত্রায় অযোগ্য পিছিয়ে পড়ে ও বিনষ্ট হয়, যোগ্যতম অগ্রসর হয় ও উদ্বৃত্ত হয়। প্রকৃতি সেই জন্ত সকলকে যোগ্যতম হবার প্রেরণা দেয়। এই প্রেরণা দ্বারা উদ্বর্তনের পথে গিয়ে মানুষ আপনার অভাব অনুভব করে এবং সেই অভাবই তার হৃদয়ে অধিকতর নূতন শক্তি সঞ্চয়ের আকাঙ্ক্ষা জাগিয়ে দেয়। সেই জন্ত অভাব ও আকাঙ্ক্ষা যেমন প্রকৃতিজ-তাদের পূরণের চেষ্টাও তেমনি স্বাভাবিক।

পর্যায়ী দেশে এই অভাব ও আকাঙ্ক্ষাকে শাসন-কর্তারা হু ভাবে বিভক্ত করেন—প্রথম, বৈধ বা legitimate, দ্বিতীয়, তার বিপরীত অর্থাৎ অবৈধ বা illegitimate; এই বিভাগ অবশ্য বিভাগকর্তার স্বেচ্ছাকৃত, কোন সর্ববাদি

সমস্ত নিয়মের অনুবর্তী নয়। বৈধ বা legitimate এর মূলে আছে বিধি বা lex। সেটা প্রাকৃতিক বিধি, lex, নয়, মানুষের কল্পিত। কিন্তু অভাব ও আকাঙ্ক্ষা প্রাকৃতিক। সেই জন্য প্রাকৃতিক গুণের মানুষ - কল্পিত শ্রেণীবিভাগে যে মতভেদ থাকা সম্ভব তা এতেও আছে। শাসক যাকে দ্বিতীয় তালিকাভুক্ত করেন, শাসিত তাকে প্রথম তালিকার স্থান দিতে চান। এই নিয়ে যে বাদানুবাদ হয়, তা যতষণ তর্ক সভার বাদানুবাদের মত কথার গণ্ডীর মধ্যে থাকে ততক্ষণ শাসকবর্গ তাতে বড় কর্ণপাত করেন না, কিন্তু কথার গণ্ডী ছাড়িয়ে যখন তা কাষের গণ্ডীর মধ্যে প্রবেশ করে তখনই শাসকবর্গ তার মধ্যে ভয়ের কারণ দেখেন।

অভাব ও আকাঙ্ক্ষার এই শ্রেণীবিভাগ ছাড়া আর একটা বিবাদহেতু আছে। সেটা হচ্ছে সময়। আমাদের যে আকাঙ্ক্ষাগুলি বৈধ বলে শাসন কর্তারা স্বীকার করেন, তারও পরিপূরণ হয় না, শাসন কর্তাদের মতে, সময় হয়নি বলে। আমরা বলি সময় হয়েছে। এখানেও সেই মতভেদ ও মতভেদজনিত বাদানুবাদ। এই বাদানুবাদ এখন কথার তারল্য ত্যাগ করে কাষের কাঠিন্বে পরিণত হবার উপক্রম হচ্ছে। এতে লোকের মন অশান্ত হয়েছে। তাই শাসকবর্গের শীর্ষস্থানীয়েরা ব্যবস্থাপক সভা, ভোগসভা প্রভৃতি সকল স্থান থেকেই বলছেন, তোমরা ব্যস্ত হয়ে না। তোমরা সহিষ্ণু হয়ে থাক। শান্তিময় বিবর্তনই (peaceful evolution) তোমাদের উদ্দেশ্য সিদ্ধির একমাত্র উপায়। বিপজ্জনক আবর্তন (dangerous revolution) তোমাদের আকাঙ্ক্ষা পূর্ণ করতে পারবে না।

এই উপদেশের বক্তা এবং শ্রোতা উভয়কেই এখন বিবর্তনের প্রকৃত অর্থ বুঝতে হবে। বিবর্তন একটি বৈজ্ঞানিক সত্য, এর একটা পদ্ধতি আছে, নিয়ম আছে। সেই নিয়ম ক্ষুদ্রাদপি ক্ষুদ্র চক্রের অগোচর পরমাণু থেকে বিশাল বিশ্ব ও বিশ্বমধ্যস্থ প্রাণিজগতের উন্নতি অবনতিকে নিয়ন্ত্রিত করছে। প্রাকৃতিক নির্বাচন এই নিয়মেরই অন্তর্গত। প্রাকৃতিক নির্বাচনের অর্থ কতকগুলির নির্বাচন আর সেই সঙ্গে সঙ্গেই কতকগুলির বিবর্জন। বিবর্জন না থাকলে নির্বাচন নিরর্থক। আর নির্বাচন ও বিবর্জন একত্র থাকলেই বুঝতে হবে সেখানে প্রতিদ্বন্দ্বিতা আছে, সংঘর্ষ আছে সংগ্রাম আছে - এই নির্বাচন - অত্যাগ প্রাণীর মত মানুষের মধ্যে ও চলেছে। যে যোগ্যতম সেই উন্নত হয়। অযোগ্য বিনাশপ্রাপ্ত হয়। পারীক্ষিক বা মানসিক বা উভয়বিধ সর্বাঙ্গীন

শ্রেষ্ঠতা থাকলেই যে যোগ্যতম হয় তা নয়। পারিপার্শ্বিক অবস্থাবিশেষে প্রতিকূল কারণগুলিকে অতিক্রম করতে যে সমর্থ, তাকেই সেই অবস্থার যোগ্যতম বলা যায়। পারিপার্শ্বিক অবস্থার উত্তেজনাকে গ্রহণ করে আত্মসাৎ করে শক্তিসঞ্চয় হয়। একই প্রকারের পারিপার্শ্বিক অবস্থার মধ্যে বহুকাল থাকলেই মানুষ সেই অবস্থার উপযোগী হয়ে যায়। পারিপার্শ্বিক অবস্থা তখন আর তাকে উত্তেজনা দিতে পারে না। উত্তেজনার অভাবে আর তার নূতন শক্তির সঞ্চয় হয় না। শক্তির অভাবে উৎকর্ষ হয় না, বরং অপকর্ষ হয়। এই অবস্থায় অল্প কোন অধিকতর শক্তিসম্পন্ন ব্যক্তি বা জাতি সেখানে ক্রমে সংঘর্ষ উপস্থিত করলে প্রথমোক্ত ব্যক্তি এবং জাতির ক্রমশঃ ক্ষয় এবং শেষে বিনাশ গ্রহণ। ভূতত্ত্ববিদ্যা পৃথিবীর নিয়ন্ত্রণ থেকে এর অনেক উৎকৃষ্ট প্রমাণ সংগ্রহ করেছে। প্রত্নতত্ত্বও এর অনেক অকাটা প্রমাণ উপস্থিত করেছে। এই সকল প্রমাণ থেকে, প্রতিবাদের আশঙ্কা না করে বলা যেতে পারে যে বিবর্তন মানে অবনতি উন্নতি নয়। এতে সমান অবস্থায় অবস্থিতি, ক্রমে ক্রমে অবনতি ও ধ্বংসও ঘটে। Joseph Mc Cabe বলেন "there has been a good deal of evolution in nature from what we call higher to lower levels" (১)। তিনি উদাহরণ স্বরূপ কোন কোন প্রাণীর উন্নতির পর অবনতি ও বিনাশের উল্লেখ করে বলেন "During millions of years they advance in organization, then the advance seems to be arrested or disturbed and finally they are annihilated. The popular idea of 'race decay' and 'dying convulsions' is not in accordance with the facts. They are killed by changes in the environments or the rise of better-adapted opponents, as were the giant reptiles and so many inferior races of men and families of animals being annihilated to-day. Their disappearances are in the complete accord with the theory of evolution, and indeed strongly confirm it." (২) মানব-সভ্যতার ইতিহাসও এই কথাই সপ্রমাণ করে। Joseph Mc Cabe বলেন -

(১) Principles of Evolution, page 54

(২) Do Do page 56

“The history of civilization has proceeded in entire accordance with the principles of biological evolution. A Species fitted to its environments has remained unchanged, a Species altering its environment, or experiencing a change in its environments, has tended to change or die out (১)

বিবর্তনের নিয়ম এইরূপ! এ প্রাকৃতিক নিয়মে মানুষ কৃত নিয়মের মত বিধি নিষেধ নাই। “কুর্ঘ্যাৎ,” “ন কুর্ঘ্যাৎ” নাই। আছে ঘটনার ও অবস্থার বিকৃতি। কতকগুলি নির্দিষ্ট অবস্থায়, নির্দিষ্ট ঘটনায় অবস্থিত হলে মানুষ (ব্যক্তি ও সমষ্টি) একটা নির্দিষ্ট রূপে কাষ করে এবং তার একটা নির্দিষ্ট ফল হয়। আমরা তাকে ভাল বা মন্দ বলি, কিন্তু প্রকৃতির কাছে তা ভাল ও মন্দ, মন্দও নয়। এ নিয়মের অর্থ এও না যে এদ্বারা মানুষ নিশ্চয়ই উচ্চ স্তরে উঠবে। একই অবস্থায় সমভাবে বহুগুণ থাকতে পারে এবং থাকে—সেও এই নিয়মের অন্তর্ভুক্তি, ব্যতিক্রম নয়। সিংহলের বন্য বেদা, তাসমানিয়ান, বুয়ান, ফিউ জিয়ান, ফিলিপাইন দ্বীপপুঞ্জের আয়েতা প্রভৃতি জাতির বহুগুণ ধরে স্বতন্ত্রভাবে এক অপরিবর্তিত অবস্থায় ছিল। পারিপার্শ্বিক অবস্থার পরিবর্তনে আবার চীন দেশের লোক, প্রাচীন পারসিক এবং ভারতবর্ষীয় আর্দ্যেরা অপেক্ষাকৃত অল্প সময়ে সভ্যতার সোপানে আরোহণ করে। মিশর, মেসো-পটেমিয়া, বাবিলন, আসিরিয়া প্রভৃতি প্রাচীন দেশেও সভ্যতার আরম্ভ এই রূপ হয়। এই সকল দেশ থেকে ক্রমে পশ্চিমগামী হয়ে সভ্যতা সিরিয়া, এসিয়া মাইনর, গ্রীক-দ্বীপপুঞ্জ, গ্রীক এবং রোমে প্রবেশ করে। প্রতিবেশী অসভ্য জাতিদের সঙ্গে যুদ্ধ করেই এরা জীবন সংগ্রামে যোগ্যতা লাভ করেছিল এবং দেশ দেশান্তরে বহুবিভীর্ণ সাম্রাজ্য স্থাপন-করতে অসমর্থ হয়েছিল। এই সাম্রাজ্য সংস্থাপন প্রচেষ্টার মধ্যেও দেখা যায় সেই প্রাকৃতিক নির্বাচন। যুদ্ধ বিগ্রহেই রোম-সাম্রাজ্যের ভিত্তি, যুদ্ধ বিগ্রহেই এর পৃষ্টি ও সমৃদ্ধি। রোম-নাগরিকের উচ্চতম আকাঙ্ক্ষা যোদ্ধারূপে সাম্রাজ্যের বৃদ্ধি ও উন্নতি সাধন করা। রাষ্ট্রীয় শাসনপ্রণালীও সেই ব্যবস্থা করত যাতে নাগরিকের এই আকাঙ্ক্ষা পূর্ণ হয়। তার পর যখন প্রত্যন্ত দেশের অধিবাসীরা প্রবল হয়ে উঠল তখন সাম্রাজ্য বৃদ্ধি আর তত সহজ থাকল না, জীবন সংগ্রাম কঠিন হল। যে প্রকৃতি

(১) Principles of Evolution. page 201

এত দিন রোমানদেরকে শ্রেষ্ঠে নির্বাচন করে আসছিলেন তিনি এখন সেই প্রত্যন্তবাসী অসভ্যদেরকে নির্বাচন করে রোমানদেরকে বিবর্তন করতে লাগলেন। রোমানরা বহুকাল বিজ্ঞতার স্মৃতি ও বিলাস ভোগ করে ছর্কল হয়ে পড়েছিল। এখন অসভ্য জাতির প্রতিদ্বন্দ্বিতায় ও প্রতিযোগিতায় তারা বিজিত হল, ক্রমে বিনষ্ট হল। এও সেই বিবর্তনের অন্তর্ভুক্তি। আর সেই বিবর্তনের অন্তর্ভুক্তি হয়েই বিজিত অসভ্য জাতি রোমের ধ্বংশের উপর নূতন সভ্যতার ভিত্তি স্থাপন করলে। আংলো স্যাকসন (Anglo Saxon) জাতিদের তাদের স্বদেশের সীমা অতিক্রম করে বিদেশ যাত্রা আরম্ভ করলে। ক্রমে আমেরিকা, অস্ট্রেলিয়া নিউ জীলাণ্ড, দক্ষিণ আফ্রিকা প্রভৃতি নূতন নূতন দেশে স্বজাতির প্রতিষ্ঠা করতে লাগলেন। অসভ্য দেশে সভ্য জাতির প্রতিষ্ঠার অর্থ অসভ্য দেশবাসীর বিনাশ। আমেরিকা, অস্ট্রেলিয়া, নিউ জীলাণ্ড, দক্ষিণ আফ্রিকা তখন অসভ্য। কায়েই এই সকল দেশের অধিবাসীরা সভ্যতার আংলো স্যাকসন জাতির সংঘর্ষে ক্রমে ক্রমে জাতীয় অস্তিত্বই বিসর্জন দিতে বাধ্য হল। অস্ট্রেলিয়াতে নবাগত সভ্যরা অসভ্য আদিম অধিবাসী থেকে বনবাসী করে তাদের দেশ অধিকৃত করে নিয়ে পশুপালনক্ষেত্র ও কৃষিক্ষেত্রে পরিণত করলেন। নিউ জীলাণ্ড দেশের আদিম অধিবাসীরা সংখ্যায় ক্রমেই হ্রাস প্রাপ্ত হচ্ছে—১৮২০ খৃষ্টাব্দে তাদের সংখ্যা ছিল ১,০০,০০০ এক লক্ষ, ১৮৪০ খৃষ্টাব্দে হয় ৮০,০০০ আশী হাজার, ১৮৮৯ খৃষ্টাব্দে হয় ৪০,০০০ চল্লিশ হাজার (১)। যুদ্ধ বিগ্রহ করে যে এদেরকে নিহত করে নির্বংশ করা হচ্ছে, তা নয়। Mr. F. W. Pennefather, Jouprinal of the Anthropological Institute—পত্র বলেন যে এই লোকসংখ্যা হ্রাসের কারণ পানদোষ ব্যাধি, ইউরোপীয় পরিচ্ছদ, শান্তি ও ধন-সম্পত্তি (drink disease, European clothing, peace and wealth). ঐ পত্রেই J. Bonwick অস্ট্রেলিয়ার আদিম নিবাসীদের সম্বন্ধে বলেন “Only a few remnants of the powerful tribes linger on * * * All the Tasmanians are gone, and the Maoris will soon be following. The Pacific Islanders are departing childless. The Australian natives as surely are descending to the grave, Old races everywhere give place to the new”, অর্থাৎ আদিম নিবাসীদের শক্তিশালী জাতির মধ্যে অতি অল্পই আর অবশিষ্ট আছে। তাসমানিয়ানরা

গিয়েছে, মেগুরিরাও তাদের অনুগামী হচ্ছে। প্রশান্ত মহাসাগরের দ্বীপ নিবাসীরাও নিবংশ হচ্ছে। অষ্ট্রেলিয়ার দেশীয় লোকেরা কবরস্থানে চলেছে। সর্বত্র পুরাতন জাতি নূতনকে স্থান দিয়ে অপহৃত হচ্ছে। F. Galton বলেন এখন পৃথিবীতে অতি অল্প স্থান আছে যা সম্পূর্ণ বিদেশী বিভিন্ন জাতি কর্তৃক অধ্যুষিত নয়।

উত্তর আমেরিকাতেও এই ব্যাপার। ছ শ-বৎসরব্যাপী সংঘর্ষের ফলে সেখানকার আদিম নিবাসী সর্বত্র সর্ববিষয়ে পরাভূত হয়ে ধ্বংসের পথে অগ্রসর হচ্ছে। এ পরাভব যুদ্ধে নয়, অস্ত্র শস্ত্রে নিহত হওয়া নয়। এতে সভ্যতার নিরস্ত্র প্রভাব তার পক্ষে যুদ্ধের সশস্ত্র প্রভাবের সঙ্গে সমান ফলদায়ক হয়েছে। এইরূপে দেশ লোকশূন্য হওয়াতে ইউরোপীয়দের কৃষিবাণিজ্যের ক্ষত্র আফ্রিকা থেকে নিগ্রো ধরে এনে পশুর মত ব্যবহার করা হল। ১৮৬৫ খৃষ্টাব্দে যখন এই নিগ্রো দাসত্বমুক্ত হল তখন প্রবলের সঙ্গে ছর্কলের—যোগ্যতরের সঙ্গে অযোগ্যের প্রতিদ্বন্দ্বিতা আর এক নূতন ভাবে দেখা গেল। দাসত্বমুক্ত কৃষ্ণাঙ্গ নিগ্রো আইনের চক্ষে খেতাজ ইউরোপীয়ের সঙ্গে সমান হল, রাষ্ট্রীয় কার্যে সমান অধিকার পেল। এর পরে নিগ্রো শিক্ষিত হয়েছে, ধনীও হয়েছে কিন্তু খেতাজের কাছে এখনও সে সকল বিষয়ে হীন হয়ে আছে। M. Laird Clowes বলেন দাসত্বের দিনে খেতাজ কৃষ্ণাঙ্গের উপর যেমন প্রভুত্ব করত, এখনও তেমন প্রভুত্ব করছে। রাষ্ট্রীয় বিধি তাকে যে রাষ্ট্রীয় অধিকার দিয়েছে খেতাজ তাও তাকে পরিচালন করতে দেয় না। কোন রাষ্ট্রীয় বিষয় আলোচনার জন্য উপস্থিত হলে খেতাজ তাকে কোন কথাই বলতে দেয় না। যে সকল ষ্টেটে কৃষ্ণাঙ্গই সংখ্যায় অধিক সেখানকারও এই অবস্থা। কৃষ্ণাঙ্গকে এক পাশে সরিয়ে রেখে দেওয়া হয়, বলা হয় এসকল বিষয় খেতাজসম্বন্ধীয় কৃষ্ণাঙ্গের এতে বলবার কিছু নাই। ফলে কৃষ্ণাঙ্গ ভয়ে মরে যায়। (১) যে দেশের শাসন-প্রণালী প্রজাতান্ত্রিক, যে দেশে সভ্যতা ও স্বাধীনতা পূর্ণ লাভ করেছে বলে

(১) He (any impartial observer) finds, on the contrary, that the white man rules as supremely as he did in the days of slavery. The black man is permitted to have little or nothing to say upon the point, he is simply thrust on one side. At every political crisis the cry of the minority is "this is a white man's question", and the cry is generally uttered in such a tone as to effectually warn off the black man from meddling with the matter—Black America by Laird Clowes, page 8

দেশবাসীরা গর্ক করে, সেইদেশে খেতাজে কৃষ্ণাঙ্গে এখনও এই বিরোধ। কৃষ্ণাঙ্গ বলতে যে প্রকৃতই তাকে কৃষ্ণবর্ণ হতে হবে তার কোন অর্থ নাই। শরীরে রক্তে চার আনা, ছ আনা কি এক আনাও যদি নিগ্রো-রক্ত থাকে, তা হলেই খেতাজ সমাজে তার আর স্থান নাই। এই এক রক্ত-দোষেই খেতাজ সমাজ তার উপর খড়্গহস্ত। খেতাজ মূর্খ, পাপাঙ্গা, দরিদ্র হলেও সমাজে তার প্রবেশাধিকার অব্যাহত, কিন্তু কৃষ্ণাঙ্গ সর্বশূণ্যসম্পন্ন হলেও তার প্রবেশ নিষিদ্ধ। এই দুই সমাজের মধ্যে একটা সীমা নির্দিষ্ট করে দেওয়া হয়েছে, যে সেই সীমা অতিক্রম করবে, সেই দণ্ডনীয়, নিগ্রো এ অপরাধ করলে তার দণ্ড নানাপ্রকার নির্ভর অত্যাচার যার শেষ প্রাণবধ পর্যন্ত হতে পারে। খেতাজ এ অপরাধ করলে সমাজচ্যুতিই তার প্রধান দণ্ড (১)।

শতকরা ৯৯ জন খেতাজের রাজনীতিক ধর্ম এই যে ষা হয় হক ষা ঘটে ঘটুক খেতাজ অবশ্যই কর্তৃত্ব করবে। খেতাজের কর্তৃত্বে আন্তর্জাতিক বাণিজ্য স্তব্ধ, স্বদেশী শিল্পের রক্ষা, অবাধ বাণিজ্য প্রভৃতি সমস্তই শাসিত হয়।

(১) To incur this condemnation, he (the black man) need not be by any means black. A quarter, an eith, nay, a sixteenth of African blood is sufficient to deprive him of all chances of Social equality with the white man. For the being with the hated taint there is positively no social mercy. A white man may be ignorant, vicious and poor. For him, inspite of all the door is even kept open. But the black or colored man, no matter what his personal merits may be, is ruthlessly shut out. The white absolutely declines to associate with him on equal terms. A line has been drawn, and he who from either side dares to cross, cruelty and violence chase him back again or kill him for his temerity. If he be the white, ostracism is the recognised penalty—Back America by Laird Clowes. page 87.

(১) Report of the Registrar General of New Zealand on the condition of the country in 1889 Quoted in Nature 24 October 1889.

যে খেতাব এই নীতিতে অশ্রদ্ধাবান্ নন তিনি বিশ্বাসঘাতক, স্বজাতিবহির্ভূত। যিনি এতে অশ্রদ্ধাবান্ তিনি আদরণীয়, যিনি অশ্রদ্ধাবান্—তিনি হেয়, অস্পৃশ্য উন্নাদগ্রস্ত (১)

Benjamin Kidd তাঁর Social Evolution গ্রন্থে বলেন এই যে জাতিবিরোধ, দুর্বলের পরাভব, হীনতরের পরাধীনতা ও ধ্বংস, এ কেবল যে প্রাচীন ইতিহাসের বৃত্তান্ত, তা নয় এ আজও আমাদের চোখের সামনে পৃথিবীর সর্বত্র ঘটছে—বিশেষতঃ আংগ্লো-স্যাক্সন সভ্যতার সীমার মধ্যে যে সভ্যতার আদর্শ স্বাধীনতা, ধর্ম ও শাসনপ্রণালী নিয়ে সেই সভ্য জাতিরা এত গর্ব করেন (১)।

দক্ষিণ ও পূর্ব আফ্রিকায় এই ইতিহাসের পুনরাবৃত্তি হচ্ছে। যে সকল ভারতবাসী ও অন্ত্র অন্ত্র জাতি সেখানকার কৃষিক্ষেত্রে ও খনিতে পরিশ্রম করে সে দেশের সমৃদ্ধি সম্পাদন করেছে, তারা এখন দেশে স্থান পাবার অযোগ্য বলে বিবেচিত হচ্ছে। খেতাব সেখানে সর্বময় কর্তা হয়ে অপ্রতিহত প্রভাবে কর্তৃত্ব

(১) The cardinal principle of the political creed of 99 percent of the Southern whites is that the white man must rule at all costs and at all hazards. In comparison with the principle every other article of political faith dwindles into ridiculous insignificance. White domination dwarfs tariff reforms, protection, free trade and the very pales of party. The white, who does not believe in it above all else, is regarded as a traitor and an out-caste. The race-question is, in the south, the sole question of burning interest. If you are sound on that question you are one of the elect, if you are unsound, you take your rank as a pariah or as a lunatic.—Black America. p. 15.

(১) All this, the conflict of races before referred to, the worsting of the weaker, nontheless effective ever when it is silent and painless, the subordination or else the slow extinction of the inferior, is not a page from the past or the distant, it is taking place today beneath our eyes in different parts of the world, and more particularly and characteristically within the pale of that vigorous Anglo-Saxon civilization of which we are so proud, and which to many of us is associated with all the most worthy ideals of liberty, religion and government that the race has evolved.—Social Evolution, page 53.

করবেন, অন্ত্র কেউ তার প্রতিদ্বন্দ্বিতা করতে পারবে না, এই উদ্দেশ্যে তিনি বিধিব্যবস্থা করেছেন যে কৃষ্ণাঙ্গ সেখানে নাগরিকের অধিকার (right of citizenship) পাবে না। আইনের চক্ষে কৃষ্ণাঙ্গ সেখানে অনধিকার-প্রবেশী। একই ব্রিটিশ সাম্রাজ্যের অধিবাসী হয়ে ভারতবর্ষবাসী সেখানে স্থান পাচ্ছে না। অথচ সাম্রাজ্যের অন্ত্র সকল দেশের লোক অবাধে ভারতবর্ষে এসে ভারতবর্ষের ধন আহরণ করে স্বদেশে ফিরে যাচ্ছেন। এ প্রতিদ্বন্দ্বিতায় ধর্মার্থন্ব নাই, আছে কেবল যোগ্যতমের উত্তরন।

এই ত গেল অন্ত্র দেশের বিবর্তনের ইতিহাস। ভারতবর্ষেও এর অন্ত্রথা হয়নি। আর্ধ্যবিজয়ের ইতিহাসও এইরূপ। আর্ধ্যেরা খেতাব, কোন স্বদূর উত্তর পশ্চিম থেকে ভারতবর্ষে আসেন এবং সুজলা নদীসেবিত উর্বর ভূমিতে বাস করেন। এ দেশের যারা আদিম নিবাসী তাঁদের সঙ্গে অনেক যুদ্ধ বিগ্রহ হয়। তাঁদেকে আর্ধ্যেরা বললেন দস্যু এবং ক্রমে ক্রমে তাঁদেকে যুদ্ধে পরাজিত করে, বশীভূত করে কতকগুলিকে করলেন দাস আর কতকগুলি দেশ ত্যাগ করে বনে গিয়ে বাস করতে লাগলেন। সমস্ত দেশ আর্ধ্যদের অধিকারে এল। তার পর আর্ধ্যেরা “বর্ণ”ভেদ করলেন, আদিমনিবাসী কৃষ্ণাঙ্গ হলেন শূদ্র। দেশশাসনের জন্ত যথারীতি বিধি ব্যবস্থা হল। অধ্যয়ন, অধ্যাপনা, যজন যাজন, প্রজারক্ষণ, যজ্ঞ, পশুপালন, কৃষি, বাণিজ্য প্রভৃতি ভাল কাষগুলি থাকল খেতাব দ্বিজাতীয়ের জন্ত আর কৃষ্ণাঙ্গ শূদ্রের জন্ত ব্যবস্থা হল—

এতেযামেব বর্ণানাং শুশ্রূষা মনস্বয়য়া।

(মনু ১।১১)

অর্থাৎ রাগদেষ না করে উচ্চ বর্ণের সেবা করা। বাসস্থান সম্বন্ধে ও বিচারটা এইরূপই হয়েছিল। ব্রহ্মাবর্ত, ব্রহ্মর্ষি দেশ, মধ্যদেশ ও আর্ধ্যাবর্ত—এই সকল দেশে দ্বিজাতীয়েরা প্রযত্ন করে সংশ্রয় করবেন, অর্থাৎ দেশবাসীদেরকে উচ্ছেদ করে আধিপত্য করবেন। আর

শূদ্রস্ত যস্মিন্ কস্মিন্ বা নিবসেৎ বৃত্তিকর্ষিতঃ।

শূদ্র যেখানে সেখানে বৃত্তিকর্ষিত হয়ে অর্থাৎ দাসত্ব করতে গিয়ে বাস করবে। দাসত্বের জন্তই যে তার সৃষ্টি সে কথাও স্পষ্ট করেই বলা হয়েছে—

শূদ্রস্ত কারয়েদাস্যং ক্রীতমেব বা।

দাস্যায়ৈব হি সৃষ্টোহসৌ ব্রাহ্মণস্য স্বয়ভূবা ॥

(মনু ৮।৪১৩)

শুদ্ধ ক্রীত হ'ক আর অক্রীত হ'ক তাদ্বারা দাস্য করিয়ে নেবে, কারণ দাস্যের অস্ত্রই ব্রহ্মা তাকে সৃষ্টি করেছেন। প্রভু যদি তাকে ত্যাগ করেন তথাপি তার মুক্তি নাই—

ন স্বামিনা নিসৃষ্টোহপি শূদ্রো দাস্যাদ্ বিমুচ্যতে ।
নিসর্গজং হি তৎতস্য ক স্তম্মাৎ তদপোহতি ॥

মহু ৮।৪।১৪

দাসের নিজস্ব কিছু থাকতে পারে না, স্তত্রাং ব্রাহ্মণ স্বচ্ছন্দে দাসের ধন আত্মসাৎ করতে পারেন।

—বিশ্বকঃ ব্রাহ্মণঃ শূদ্রাদ্ দ্রব্যোপাদন মাচরেৎ ।

নহি তস্যাত্তি কিঞ্চিৎস্বং ভর্তৃহাৰ্য্যধনো হি সঃ ॥

(মহু ৮।৪।১৭)

আজকাল দক্ষিণ ও পূর্ব আফ্রিকায় খেতাজ কৃষ্ণাঙ্গের প্রতি যে ব্যবহার করছেন, একে তারই বৈদিক অবস্থা বললে বোধ হয় অত্যাক্তি হবে না।

এইরূপে আর্যেরা সকল বিষয়ে সুবিধা করে নিয়ে সুপ্রতিষ্ঠিত হয়ে দেশে আধিপত্য করতে লাগলেন। আর্যেরা তখন নানা দলে, অনেক গোষ্ঠীতে বিভক্ত ছিলেন। এক এক গোষ্ঠী এক এক প্রদেশ অধিকার করে রাজত্ব করতে লাগলেন। গোষ্ঠীপতিরাই রাজা হলেন। আদিম নিবাসীরা সকল প্রদেশেই কতক বিভাঙিত হয়ে বনবাসী হল, কতক বিজিত হয়ে বশতা স্বীকার করে দাস হল। এই রূপে আদিম নিবাসীদের সঙ্গে আর কোন প্রতিদ্বন্দ্বিতা থাকল না। প্রকৃতি এইরূপে তাঁদেকে নির্বাচিত করে নিয়ে, নিজের ধনসম্পদের অধিকারী করে দিয়ে তাঁদেকে সকল বিষয়ে সমৃদ্ধিশালী করলেন। তাঁরা কৃষি, শিল্পে, বাণিজ্য, কলাবিদ্যা প্রভৃতিতে যথেষ্ট উন্নতি লাভ করলেন। এই অল্পকুল অবস্থার স্বাভাবিক নিয়মে তাঁদের বংশবৃদ্ধিও যথেষ্ট হল। বংশবিস্তার হলেই রাজ্যবিস্তারের আবশ্যক হয়। ক্ষুদ্র রাজ্যের সংকীর্ণ সীমার মধ্যে আর বিস্তারশীল লোকসংখ্যার সমাবেশ হয় না। এইরূপে রাজ্যবিস্তারের চেষ্টায় রাজাদের মধ্যে যুদ্ধবিগ্রহ আরম্ভ হয় এবং এই নূতন প্রতিদ্বন্দ্বিতা ও প্রতিযোগিতায় প্রকৃতি আবার যোগ্যতমকে নির্বাচন করেন। এইরূপে সূর্য্যবংশীয় ও চন্দ্রবংশীয় রাজাদের প্রাভুর্ভাব হয়। আর আর্যদের কাছে প্রতিদ্বন্দ্বিতায় পরাভূত হয়ে যারা বনে পর্বতে প্রস্থান করেছিল তাদের আর বিবর্তন হল না। সহস্র সহস্র বৎসর অতীত হয়ে গেল

তারা কোল, ভিল, সাঁওতাল উরাও রূপে সেই অবস্থায়ই আছে। শান্তিময় বিবর্তন (peaceful evolution) এদেকে বনবাস ত্যাগ করে, গ্রাম-নগরের জীবন-সংগ্রামে আত্ম-প্রকাশ আরম্ভ করলে। আর্যেরা বহুযুগ একই পারিপার্শ্বিক আবেষ্টনীর মধ্যে বাস করে ক্রমে ক্রমে পৌরাণিক যুগ থেকে ঐতিহাসিক যুগে উপস্থিত হ'য়ে প্রতিদ্বন্দ্বিতায়-প্রতিযোগিতা-হীন হয়ে পড়লেন। কিন্তু তার পূর্বেই ভারতবর্ষের প্রাকৃতিক ধনসম্পদ ও অধিবাসীদের জ্ঞান-বিজ্ঞান, কৃষি-শিল্প-বাণিজ্য বিদেশে আপনাদের খ্যাতি বিস্তার করেছিল। বৈদেশিক বিদ্যার্থী, বৈদেশিক পরিব্রাজক, বৈদেশিক বণিক যেমন ভারতীয় সভ্যতার ফল সংগ্রহ করতে এদেশে এলেন তেমন বৈদেশিক প্রবল দলপতিরও সদল-বলে রাজ্য স্থাপন করতে ভারতবর্ষে এলেন। এঁদের মধ্যে মুসলমানেরাই প্রধান।

অতীত কীর্তি জাতীয় চরিত্রের সহায়ক। সেই জন্ত বিজেতা জাতি বিজিত দেশে নিজ শ্রেষ্ঠত্ব প্রতিষ্ঠিত করবার জন্ত সেই দেশের অতীত কীর্তি লোপ করবার চেষ্টা করে। মুসলমানবিজয়ের পর এদেশে সে চেষ্টার ক্রটি হয় নি। প্রাচীন মন্দিরাদি অনেক নষ্ট করে দেওয়া হয়েছে। সে কালের মন্দিরগুলিই পুরাণ, ইতিহাস, সাহিত্যের ভাণ্ডার ছিল। সেই জন্ত মন্দিরের সঙ্গে সঙ্গে অনেক বহুমূল্য গ্রন্থাদিও নষ্ট হয়ে গেল। দর্শন, চিকিৎসা, গণিত, জ্যোতিষ প্রভৃতি শাস্ত্রের কত গ্রন্থ যে এইরূপে নষ্ট হল তার গণনা নাই। মুসলমান বিজয়ের আর একটি বিশেষত্ব এই ছিল বিজিত জাতির মধ্যে অতি উৎসাহের সহিত তাঁরা তাঁদের ধর্ম প্রচার করতেন। আবশ্যক হলে তার জন্ত বলপ্রয়োগ করতেও তারা কুণ্ঠিত হতেন না। আচারে, বিচারে, প্রজার সহিত ব্যবহারে, বিধি ব্যবস্থার প্রণয়নে সর্বত্রই এই উদ্দেশ্যে প্রাধান্য দেখতে পাওয়া যায়। ভারতীয় আৰ্য্য-সভ্যতার পক্ষে এর ফল বিষময় হল। মুসমানদের ধর্মনীতি, সমাজনীতি সমস্তই আৰ্য্য-নীতির বিপরীতগামী। কায়েই এইরূপ পারিপার্শ্বিক অবস্থার মধ্যে আৰ্য্য-সভ্যতার বিবর্তনজনিত উন্নতি না হয়ে অবনতি হল। মুসলমানেরা তখন নূতন তেজে তেজস্বী, নূতন বলে বলীয়ান। তারা প্রবল প্রতাপে রাজ্যশাসন করতে লাগলেন। লোকে বলতে লাগল “দিল্লীধরো বা জগদীধরো বা” কিন্তু এই প্রবল প্রতাপ সত্ত্বেও তাঁদের শাসন কার্যে আৰ্য্যদের প্রতি জাতিগত বিদ্বেষ দেখতে পাওয়া যায় না। খেতাজ আর্যেরা যেমন কৃষ্ণাঙ্গ আদিম নিবাসীর প্রতি বর্ণ ভেদের জন্ত ঘৃণা প্রদর্শন করতেন, মুসলমানেরা তা করতেন না। কৃষ্ণাঙ্গের প্রতি ঘৃণা খেতাজেরই স্বভাবজ, মুসলমানেরা খেতাজ নয় বলেই বোধ হয়

তাদের স্বভাবে এটার অভাব ছিল। মুসলমান ধর্ম অবলম্বন করলেই সকল বিষয়ে হিন্দু মুসলমানের সমকক্ষ হতেন। মুরশিদ কুলী খাঁ, “কালী পাহাড়” প্রভৃতি হিন্দুরা মুসলমান ধর্ম অবলম্বন করেই উচ্চপদস্থ রাজকর্মচারী হয়েছিলেন; হিন্দুদের মধ্যে আবার শূদ্রেরা, বিশেষতঃ “অস্পৃশ্যেরা” অনেকে এই জন্য মুসলমান ধর্ম অবলম্বন করে রাজার জাতির সঙ্গে সমতা লাভ করলে।

তার পর ষত সময় যেতে লাগল মুসলমানেরা ক্রমে এদের পারিপার্শ্বিক অবস্থার উপযোগী হয়ে উঠতে লাগলেন। বাহ উত্তেজনার নূতন কারণের অভাবে আভ্যন্তর শক্তিরও হ্রাস হতে লাগল। জীবন সংগ্রামে জয়লাভের চন্ড যে সতর্ক কশিষ্ঠতার আবশ্যক, ভোগবিলাসপরায়ণতা তাকে তিরোহিত করে দিল। দক্ষিণে মহারাষ্ট্রীয় শক্তি, উত্তরে শিখশক্তি জাগরিত হয়ে উঠল। ইউরোপ থেকে ইংরেজ, ফরাসী, পর্তুগীজ, ওলন্দাজ ও এই সময়ে ভাগ্য পরীক্ষা করতে এদেশে আবির্ভূত হলেন। প্রকৃতি আবার নির্বাচন কার্য আরম্ভ করলেন। অনেক যুদ্ধ বিগ্রহ হল, অনেক জয় পরাজয় হল। এর মধ্যে যোগ্য তম বলে ইংরেজের উদ্বর্তন হল। ইংরেজ মুসলমানের হাত থেকে রাজ্যভার নিলেন। তাঁরা মুসলমান আচার বিচার ও শাসন-পদ্ধতিই দেখলেন। ভারত-বর্ষের আদিম আচার বিচার ও শাসন-পদ্ধতি আর্থোরাই বিনষ্ট করেছিলেন, আর্থোদের আচার ব্যবহার মুসলমান প্রভাবে বিধ্বস্ত হয়েছিল, যা কিছু অবশিষ্ট ছিল, ইংরেজ শাসন তার মূলে মারাত্মক আঘাত করলে। সকল দেশেই রাজা ও রাজ্য-স্থাপনের আগে সামাজিক আচার বিচার থাকে। সেই আচার বিচারই রাজার অনুমোদন ও সমর্থন পেয়ে বিধিব্যবস্থায় পরিণত হয় এবং ক্রমশঃ অবস্থা অনুসারে বিবর্তিত হয়। ভারতীয় আর্থো আচারের মধ্যে প্রথমেই দেখতে পাওয়া যায় যে বিধি ব্যবস্থা সকল রাজকর্তৃক প্রবর্তিত নয়। রাজার শাসন পরিষৎ ছিল, বিচার সভা ছিল কিন্তু ব্যবস্থাপক সভা ছিল না (১)। ব্যবস্থা

(১) শাসন সভা—

অন্যত্রিংশতঃ যোহন্তে বেদবেদাঙ্গ-পারগাঃ ।
পঞ্চত্রয়ো বা ধর্মজ্ঞাঃ পরিষৎ সা প্রকীর্তিতা ॥ পরাশর ৮।১৯
... .. তেষামিধৈব ভ্রমস্তবে ।

স্বস্তি পরিভূষ্টা যে পরিষৎ সা প্রকীর্তিতা ॥ পরাশর ৮।২১

বিচার সভা—

যস্মিন্ দেশে নিবোধন্তি বিপ্রাঃ বেদবিদগ্নয়ঃ ।
রাজশচাধিকৃতো বিদ্বান্ রক্ষণস্তাং সভাং বিচঃ ॥ মনু ৮।১১
কর্মক বর্গিক পশুপাল কুশীদিকারবঃ বে স্বে বর্গে ।

গোতমীয় গৃহসূত্রম্ ১।১২১

প্রণীত হত ধর্মজ্ঞ ব্রাহ্মণের দ্বারা। তার মধ্যে সজাতীয়ের স্বার্থরক্ষার চেষ্টা যতই থাক, সে ব্যবস্থা রাজা প্রজা উভয়ের প্রতিই সমান প্রযুক্ত্য। যেখানে রাজা বা রাজনিযুক্ত ব্যবস্থাপক ব্যবস্থার প্রণেতা সেখানে রাজার বা রাজনিযুক্ত ব্যবস্থাপকের আদেশেই ব্যবস্থার খণ্ডন এবং পরিবর্তন হয়। মনু, যাজ্ঞবল্ক্য প্রভৃতি সংহিতাকারেরা রাজাদেশে সংহিতা প্রণয়ন করেন নি। তাঁরা নিজের তপোবনে সংহিতা প্রণয়ন করেছিলেন। দেশের অবস্থা অনুসারে যখন পরিবর্তন আশ্যক হল তখন পরবর্তী সংহিতাকারেরাও তাই করলেন। কুল্লক ভট্ট, জাম্বুতবাহন, রঘুনন্দন প্রভৃতি আধুনিক ভাষ্যকারেরাও তাই করেছেন। তার পর এই সকল সংহিতা ও ভাষ্য পণ্ডিত সমাজে আলোচিত হত। বাদ প্রতিবাদ, তর্ক বিতর্ক এসম্বন্ধে অনেক হত। তার পর অধিকাংশ পণ্ডিত সমাজ যাকে গ্রহণ করতেন তাই দেশে সকল সমাজে চলত। রাজাও তাই গ্রহণ করতেন। এইরূপে যে বিধিব্যবস্থা প্রণীত ও গৃহীত হত ব্যবহারে তার প্রয়োগ হত পঞ্চ সমিতির (পঞ্চায়ৎ) দ্বারা। এই পঞ্চায়তের দ্বারা বিচার আর্থ্যসভ্যতার একটি প্রধান বৈশিষ্ট্য। কৃষকের ভূম্যাধিকারিত্ব আর একটি বৈশিষ্ট্য। “স্বাগৃহ্ছেদন্য কেদার মাছঃ শল্যবতো মুগম্” (মনু ৯।৪৪) যে ব্যক্তি বন কেটে পতিত জমি উদ্ধার করেছে, জমি তারই। ইংরেজ শাসনের আরম্ভেই এই সকল উঠে গেল। ইংরেজ বণিক রূপে এদেশে এসেছিলেন। বাণিজ্যেই তাঁদের দক্ষতা, রাজকার্যে তাঁরা অনভিজ্ঞ, অথচ অবস্থাচক্রে রাজকার্যে তাঁদের করতে হল। স্মতরাং রাজ কার্যের মধ্যে তাঁদের বণিক সুলভ ব্যবসায়বুদ্ধিরই প্রাধান্য হল। তাঁরা প্রজার হিতের চেয়ে নিজের লাভের দিকেই দৃষ্টি রাখলেন বেশী। হিন্দুদের আচার ব্যবহার দেখলেন না, বিচার-প্রণালীর সংবাদই নিলেন না, পঞ্চায়তি প্রথার অস্তিত্ব তাঁদের কাছে অজ্ঞাতই থেকে গেল, ভূমি সংক্রান্ত বিধি ব্যবস্থার কোন অনুসন্ধানই করলেন না। অথচ এই সকলই সমাজের স্থিতি ও উন্নতির মূল। ইংরেজ বিধি ব্যবস্থার প্রণয়নের ভার নিজের হাতে নিলেন, রেগুলেশন চালালেন, বিচার কার্য নিজেই করতে লাগলেন, পঞ্চায়তি প্রথা উঠিয়ে দিলেন, জমির খাজনা—আদায়ের ঠিকা দিলেন, কৃষককে সেই ঠিকাদারের (revenue farmer) হাতে বিনা সর্ত্তে (unconditionally) সমর্পণ করে দিলেন। আর্থ্য-সভ্যতার মূল ছিন্ন হয়ে গেল। বিলিভী শিল্প বাণিজ্যের আমদানী হল, দেশী শিল্প বাণিজ্য প্রতিযোগিতায় পরাভূত হতে লাগল। কোম্পানীর স্বার্থসিদ্ধির

আর কোন বিঘ্ন থাকল না। দেশের ধন বাণিজ্যের স্রোতে বিদেশে যেতে লাগল, দেশ দরিদ্র থেকে দরিদ্রতর হতে লাগল।

সম্পূর্ণ ব্যবসায় বৃদ্ধিতে রাজ্য চলে না, রাজত্বও চলে না! কোম্পানীর রাজত্ব নানা বিশৃঙ্খলতা ঘটতে লাগল। ইংলণ্ডেশ্বরী কোম্পানীর হাত থেকে ভারতের রাজ্যভার গ্রহণ করলেন। এইরূপে ভারত-শাসন-যন্ত্রের চালকের পরিবর্তন হল, কিন্তু যন্ত্রের পরিবর্তন হল না। এক সম্প্রদায় ইংরেজ ভারত-নাট্যালা থেকে নিষ্ক্রান্ত হলেন, আর এক সম্প্রদায় ইংরেজ তাতে প্রবেশ করলেন। ভারতবাসীর প্রতিদ্বন্দ্বিতায় ও প্রতিযোগিতায় অপর পক্ষ সেই ইংরেজই থাকলেন। অধিকন্তু তাঁদের রাজ্যের ভিত্তি এখন দৃঢ়তর, বলবীৰ্য প্রভূত-তর হল। ইংলণ্ডেশ্বরী ঘোষণা করলেন যে তাঁর ভারতরাজ্যে বর্ণবৈষম্য থাকবে না, জাতিবৈষম্য থাকবে না, তাঁর যোগ্যতার মাপ-কাঠীতে ইংরেজ ও ভারতবাসী সমান হলেই রাষ্ট্রীয় সকল কায়েই ভারতবাসীর প্রবেশ অব্যাহত হবে। কিন্তু কৃষ্ণাঙ্গের প্রতি খেতাবের যে জাতীয় চরিত্রগত বিদ্বেষ আছে রাজকীয় ঘোষণা তাকে বিদূরিত করতে পারে না। সুতরাং কৃষ্ণাঙ্গ ভারতবাসীর হীনতা সামাজিকতায় এবং রাষ্ট্রীয় বিধি ব্যবস্থায় থেকে গেল। যে সকল হিন্দু আচারবিধিব্যবস্থা প্রণয়নপ্রণালী, পঞ্চায়তি বিচার প্রথা, কৃষকের ভূম্যধিকারিত্ব প্রভৃতি উচ্ছিন্ন করে ছিগেন, তার আর পুনঃপ্রবর্তন হল না। বিলিতি শিল্প বানিজ্যের সঙ্গে বিলিতি শিক্ষার আমদানী হল, অবাধ-বাণিজ্য নীতি বৈদেশিক ব্যবসায়কে শোষণ করতে লাগল, সৈনিক বলবৃদ্ধি করা হল, দেশের দারিদ্র্য মোচনের কোন ব্যবস্থা হল না।

ইংরেজ শাসনের দোষগুণ বিচার করা এ ক্ষুদ্র প্রবন্ধের উদ্দেশ্য নয়। সুতরাং এই রাজত্বের প্রধান গৌরবের বিষয় যে প্রজার জীবন ও সম্পত্তি রক্ষা, প্রজার শিক্ষা বিধান করা সে সম্বন্ধে আলোচনা অনাবশ্যিক। ধন প্রাণ রক্ষা শাসন প্রণালীর চৌকাদারী ধর্মমাত্র, কিন্তু এর চেয়েও শাসন কার্যের গুরুতর ও উচ্চতর ধর্ম আছে এবং সেই ধর্ম সাধনের উপর শাসনের সফলতা বা বিফলতা নির্ভর করে। সেই ধর্মই রাজধর্ম যা প্রজার পূর্ণ মনুষ্যত্ব লাভের উপায় বিধান করে। সেই উপায় সম্বন্ধে দে দিন বন্ধুধর বলেছেন—যে তা ছ রকমের—এক রকম শান্তিময় বিবর্তন (peaceful evolution) আর এক রকম বিপজ্জনক আবর্তন (dangerous revolution) বিষয়টা তিনি যে ভাবে বলেছেন তাতে বোধ হয় যে তিনি ই

শব্দটা বৈজ্ঞানিক ভাবে ব্যবহার করেন নি বিবর্তন-বৈজ্ঞানের মতে (Science of evolution) প্রথমেই বিবর্তনের একটা বিষয় থাকে। তাই, তারপর পারিপার্শ্বিক অবস্থা, যার অনুলুপতা বা প্রতিকূলতার উপর বিবর্তনের গতি বৃদ্ধি এবং ক্ষয় নির্ভর করে। বিবর্তন-বিজ্ঞান বলে যে বিবর্তনের নিয়ম কেবল এই নয় যে কোন বিষয় অনবচ্ছেদে অবিরামগতিতে উচ্চ থেকে উচ্চতর স্তরে উঠবে বিবর্তনের নিয়মে যেমন গতি ও বৃদ্ধি আছে তেমনি সমানাবস্থায় অবস্থিতি, ক্ষয় ও বিনাশও আছে। সেই জন্যই সমস্ত বিশ্বটা বিবর্তনের নিয়মাধীন হলেও জড় জগতে ও প্রাণিজগতে নিয়তম থেকে উচ্চতম পর্যন্ত সকল-অবস্থা-গত পদার্থ বিদ্যমান আছে। সকলেই উচ্চতম স্তরে উঠতে পারে নি। আণ্ডামান দ্বীপের অভ্যন্তর অসভ্য আদিমনিবাসী থেকে আমেরিকার সভ্যতম মানুষ পর্যন্ত এখনও পৃথিবীতে বাস করছে। আবার প্রাণিজগতের কত উচ্চতর জীবের সঙ্গে কত উচ্চতর মানুষও নির্কংশ হয়ে গিয়েছে। আর অসংখ্য ইতর প্রাণীও মানুষ আবহমান একই অবস্থায় জীবিত আছে। Joseph Mc. Cabe তাঁর Principles of Evolution গ্রন্থে বলেন "I have already said that evolution is not a law of 'progress' in the moral sense of the word, and also that the general fact of evolution is consistent with prolonged stagnation and even degeneration, in particular cases."

It must, therefore, not be imagined that because there is a 'law of evolution' civilization is bound to advance from height to height. (১),

তার পর দেখতে হবে বিবর্তনটা হবে কিসের? ভারতের প্রধান সম্পদ কৃষি। প্রাচীন আৰ্য্য বিধান অনুসারে জমি ছিল কৃষকের, নব্য ইংরেজা বিধান অনুসারে কৃষক জমির স্বত্বাধিকার থেকে বঞ্চিত হয়েছে। শান্তিময় বিবর্তন (peaceful evolution) কি তাকে আবার তার জমিতে স্বত্বাধিকারবানু করে দেবে? সে কালে বিবাদ-মায়াংসা, বিচার, স্থানীয় পূর্তকার্য্য পঞ্চায়তের দ্বারা হত। এই পঞ্চায়তের দ্বারা স্থানীয় আত্মশাসন সকল পার্লামেন্টের বাজ স্বরূপ আর ভারতবর্ষের এইটি প্রধান বৈশিষ্ট্য। তা সমূলে উৎসন্ন হয়ে গিয়েছে। তাঁর স্থানে সেই নামায় যে পদার্থটাকে স্থাপন করা হয়েছে সেটা দেশজ নয়।

(১) Principles of Evolution, page 229.

বিলিতি county council এর কলম অথবা তার তৃতীয় শ্রেণীর অনুকরণ। সরকারী যন্ত্রবাহুল্যে জীবিত আছে কিন্তু দেশের মাটির রস পায় নি; লোকে আপন করে নিতে পারেনি। তার উপর তার শোচনীয় দারিদ্র্য সকল কণ্ঠেই তাকে পঙ্কু করে রেখেছে। বিবর্তনেরদ্বারা উন্নতি হবে কবে? সেই খাটি ভারতবর্ষীয় পঞ্চ সমিতির না এই নকল আত্মশাসনের? ভারতের শিল্পবাণিজ্য অসম প্রতিযোগিতায় পরাভূত হয়ে বৈদেশিক শিল্প বাণিজ্যের দাস হয়েছে। শান্তিময় বিবর্তন ত ভারতায় আদি শিল্পবাণিজ্যের এই পরিণতি ঘটিয়েছে!

ভারতীয় শিক্ষার বিকাশের ক্রমভঙ্গ হয় প্রথম মুসলমান দ্বারা, তার পর ইংরেজ দ্বারা। এই ক্রমভঙ্গের জন্ত সে শিক্ষা আর বিকাশত হতে পেলেন না। তার পরিবর্তে যে শিক্ষার প্রবর্তন হয়েছে, তার উচ্চতা যতই হক, বিস্তৃতি অতি সামান্য। উচ্চতাও বিলিতি শিক্ষার পাদদেশ পর্যন্ত। এখনও দেশের একশ জন লোকের মধ্যে সাত জনের বেশী লেখাপড়া জানেন না। তার পর যারা তথাকথিত উচ্চশিক্ষা পেয়েছে তারা ইংরেজী সাহিত্যের প্রভাবে দেশীয় সাহিত্যে সঞ্চিত ভাব থেকে বিচ্ছিন্ন হয়ে বিজাতীয় ভাবে চিন্তায় ও কার্যে একটা নূতন আভিজাত্যের সৃষ্টি করে জনসাধারণ থেকে পৃথক হয়ে পড়েছে। দেড় শ বছরের উপর অপেক্ষা করে শিক্ষা এই সিকি লাভ করেছে। শান্তিময় বিবর্তন আর কত দিন অপেক্ষা করতে বলে?

রাষ্ট্রনীতি সম্বন্ধে যত অল্প বলা যায় ততই ভাল। দেশের আধবাসীদের রাষ্ট্রও নাই তার নীতিও নাই। তত্ত্বঃ বা কার্যঃ তার শিক্ষাও দেওয়া হয় না। অব্যবহারে দেশের লোকের সে মনোবৃত্তি লুপ্ত হয়ে গিয়েছে। শান্তিময় বিবর্তন কি তাকে পুনর্জীবিত করতে পারবে?

স্বদেশরক্ষার জন্য ক্ষাত্র ধর্মের অনুশাসন সকল দেশেরই প্রথম স্থানায় বলে গণ্য। ইংরেজ ড্রোনচাৰ্চা শুদ্ধ ভারতবাসীকে সে শিক্ষার অনধিকারী মনে করেন। বিনষ্ট প্রাচীন সামরিক বাণ্ড ও বিবর্তনের কারণে পুনর্জন্ম লাভ করবে?

যদি তর্কের অনুরোধে স্বীকারই করা যায় যে বিবর্তন আমাদের এই সকল অভাব-পূরণ করে দেবে তা হলেও জিজ্ঞাসা করতে হয় তার জন্ত আমাদের আর কত দিন অপেক্ষা করতে হবে? বিবর্তন-বিজ্ঞানের (Science of evolution) পণ্ডিতেরা ভূ-তত্ত্ব এবং প্রাণতত্ত্বের প্রমাণ দিয়ে আমাদেরকে

বুঝিয়ে দিচ্ছেন যে লক্ষ লক্ষ বৎসর বিবর্তনের পথে ভ্রমণ করে এই পরিদৃশ্যমান বিশ্ব তার বর্তমান অবস্থায় উপস্থিত হয়েছে। মানুষেরও এই বর্তমান অবস্থায় উপস্থিত হতে কত সহস্র বৎসর লেগেছে। তাই জিজ্ঞাসা করতে ইচ্ছা হয় শান্তিময় বিবর্তনের ফলে সর্বদীন উন্নতি হতে আমাদের কত দিন লাগবে? এর উত্তরের জন্ত উদাহরণ স্বরূপ দুটি দেশের কথা বিবেচনা করা যাক। একটি আমেরিকার যুক্তরাজ্য, আর একটি আয়ারল্যান্ড। আমেরিকার যুক্তরাজ্য এখন সভ্যতার উচ্চ শিখরে আরুঢ়। এই বিরাট সভ্যতার ভিত্তি স্থাপিত হয় ১৭৭৬ খৃষ্টাব্দে স্বাধীনতার যুদ্ধে। আর ভারতের মুসলমান-রাজত্বের পতন ও ইংরেজ রাজত্বের অভ্যুত্থানের আরম্ভ হয় ঈশ্ট ইণ্ডিয়া কোম্পানীর বাঙলা বিহার-ওড়িয়ার দেওয়ানী লাভে ১৭৬৫ খৃষ্টাব্দে। এই দুই ঘটনায়, কবির ভাষায়, মনে হয়—

তেজোদয়স্য যুগপৎ ব্যসনোদয়াভ্যাম্

লোকো নিয়ম্যত ইবৈষ দশান্তরেণু।

দুটি ঘটনাই প্রায় সমকালীন, কিন্তু কালের গতি দুই দেশে দুই বিপরীত ফল প্রসব করেছে। ব্রিটিশ-সাম্রাজ্য-নাট্যালা থেকে আমেরিকার নিষ্ক্রমণ, ভারতের বন্দীভাবে তাতে প্রবেশ ও আজ পর্যন্ত সেই খানে সেই ভাবেই অবস্থিতি। সময় তার বিবর্তন ঘটাতে পারে নি।

আয়ারল্যান্ড সাত শ বৎসর পরাধীন থেকে আজ বোধ হয় মুক্তি লাভ করবে। কিন্তু এই সুদীর্ঘ সাত শত বৎসর ব্যাপী স্বাধীনতার অভিনয়ে আয়ারল্যান্ড কি কেবল নিশ্চেষ্ট মর্শকের মত পটপরিবর্তনের অপেক্ষায় বসে ছিল? আয়ারল্যান্ড বৈধ আন্দোলন করেছে আর কর্তৃপক্ষীয়েরা যাকে অবৈধ আন্দোলন বলেন, তাও করেছে। স্বদেশের স্বাভাবিক ঘোষণা করেছে, আইরিশ সাধারণ তান্ত্রিক সৈন্যদল গঠিত করেছে, রাজ সৈন্য এবং পুলিশের সঙ্গে যুদ্ধ করেছে। রাজা তার স্বাধীনতার শক্তি সাধনায় সন্তুষ্ট হয়ে তাকে তার অতীষ্ট বর দিচ্ছেন। ভারত এ বিষয়ে অতুলনীয়, ভারতীয় আন্দোলন রক্তপাত বিহীন, উপদ্রবশূন্য, অহিংস এই বৈধস্বী সাধনায় কি রাজা প্রসন্ন হবেন না? অপর পক্ষ বলবেন এই দুটি দেশে—আমেরিকায় ও আয়ারল্যান্ডে—যা ঘটেছে তা বিবর্তন নয়, আবর্তন, Evolution নয়, Revolution; যদি তাই হয় তার ফলটা যে হয়েছে অন্য দেশের পক্ষে লোচনীয়। তাতে যে এক রকম স্বীকার করা হচ্ছে যে বিবর্তনের চেয়ে আবর্তন ভাল। কিন্তু বিবর্তন বিজ্ঞান আবর্তনের

যত্ন অস্তিত্ব স্বীকার করে না। অল্প লোক যাকে আবর্তন বলে, বিবর্তনবাদী তাকেও বিবর্তন বলেন। বিবর্তনের সঙ্গে সঙ্গে প্রতি মুহূর্তে আবর্তন চলছে। মানুষ সাধারণতঃ স্থলদৃষ্টি। প্রতি মুহূর্তের আবর্তন লক্ষ্য করে না। কিন্তু সেই আবর্তনের ফল পূঞ্জীভূত হয়ে যখন একটা বৃহৎ পরিবর্তন ঘটায় এবং বলপূর্বক মানুষের দৃষ্টিকে আকর্ষণ করে, মানুষ তখন সেই অলক্ষিত মুহূর্তগুলির সমষ্টিকে সুগোস্তর বলে, আর যে বৃহৎ পরিবর্তনটা ঘটে তাকে বলে আবর্তন (revolution) মানব সভ্যতার সকল বিভাগেই এই আবর্তন হয়। এইরূপে আমরা বলি শিক্ষার আবর্তন (revolution in education) শিল্পের আবর্তন (revolution in arts and manufacture), বাণিজ্যের আবর্তন (revolution in trade and commerce) ইত্যাদি। তখন আবর্তন শব্দটি দোষবাচক না হয়ে ভাববাচক হয়। কিন্তু শাসন প্রণালী সম্বন্ধে 'আবর্তন' শব্দটি ব্যবহার করলে অর্থাৎ revolution in government বললেই আবর্তনের অর্থ হয় বিদ্রোহ, revolution মানে হয় revolt; প্রকৃত পক্ষে কিন্তু তা নয়। বিবর্তন তার স্বভাবিক অতি মন্থর গতি ত্যাগ করে ক্ষিপ্ত গতিতে উপস্থিত হলেই তার নাম হয় আবর্তন।

ডালি

ব্রিটিশ সাম্রাজ্য হইতে বিচ্ছেদ

[টেরেন্স ম্যাক্সউনি]

(১)

ব্রিটিশ সাম্রাজ্য হইতে বিচ্ছেদ আমাদের দেশের পূর্ণ পরিণতি লাভের একমাত্র উপায় এবং কেবল ইহাতেই ইংলণ্ডের সহিত আমাদের শান্তি স্থাপন হইতে পারে—এই বিষয় যখন আমরা আলোচনা করিতে অগ্রসর হই, তখন আমাদের প্রতিপক্ষের মধ্যে নানা ভাবের সমাবেশ লক্ষ্য করি কিন্তু একটি ভাবের সম্পূর্ণ অভাব—এই প্রসঙ্গটি সর্বতোভাবে আলোচনা করিয়া যদি সম্ভব হয় ইহাকে ভ্রান্ত প্রতিপন্ন করা। কেহ হয়ত এই প্রশ্ন উঠিলেই উত্তেজিত হইয়া পড়িবেন, আর কেহ হয়ত ইহাকে ভাসা ভাসা আলোচনা করিয়া ব্যঙ্গের হাসি হাসিয়া দার্শনিকমূলক বিজ্ঞতার সহিত উড়াইয়া দিবেন। পূর্বোক্ত সম্প্রদায় কেবল জনসাধারণের মতে মত দিয়াই চলেন, সুতরাং তাঁহাদের

অল্প নিরাশ হইবার কোনও কারণ নাই। একদিন কোনও মহৎ কর্ণে বা কোনও মহান্ ত্যাগে জাতির প্রাণ উদ্ধৃত হইয়া উঠিবে, এবং জনসাধারণ তাহাদের আলস্ত ও কুসংস্কার হইতে জাগিয়া উঠিয়া প্রকৃত বীরের আয় স্বাধীনতার ধ্বনি তুলিয়া অগ্রসর হইবে। আমরা সেই মুহূর্তকে লক্ষ্য করিয়া কাজ করিয়া যাইব এবং আপনাদিগকে প্রস্তুত করিব। তারপর আমার দার্শনিক প্রতিপক্ষের কথা—আমার আশা আছে যে তিনি আমার যুক্তিগুলি গুনিবেন। আমার যখন বলা শেষ হইবে, তিনি হয়ত তখন আমার সহিত অনেক বিষয়ে একমত না হইতে পারেন, কোনও বিষয়ে হয়ত মতের ঐক্য না হইতে পারে, তথাপি যদি আমার যুক্তিগুলি শ্রবণ করেন, তাহা হইলে তাঁহাকে আমি একটি কথা জোর করিয়া বলিতে পারি যে তিনি তখন স্বীকার করিবেন এ বিষয়টি হাসিয়া উড়াইয়া দিবার মত নহে।

(২)

আমাদের প্রতিপক্ষের মনোগত ভাব কতকটা এইরূপভাবে বুঝান যাইতে পারে এই বিচ্ছেদের দাবী যে ন্যায়সঙ্গত ও বিচারসহ ইহা আমরা দেখাইতে চেষ্টা করি নাই। ইহাকে আমরা আমাদের জন্মগত অধিকার বলিয়াছি, ইহার জন্ম সংগ্রাম করিয়াছি, ইহার সাধনোদ্দেশ্যে জীবন উৎসর্গ করিয়াছি এবং প্রতিজ্ঞা করিয়াছি সর্বস্ব পণ করিয়াও ইহাকে লাভ করিতে হইবে, কিন্তু জীবনের দর্শন শাস্ত্রে ইহার একটা বিশেষ স্থান নির্দেশ করি নাই। আমাদের উহাকে প্রকৃত পক্ষে ও যথার্থরূপে দার্শনিক ভাবে আলোচনা করিতে হইবে। দর্শন ও বিজ্ঞানের ইহা একটা স্বতঃসিদ্ধ নীতি যে এই জগৎ একটি অখণ্ড সত্তা, এবং জ্ঞানবিস্তারের সঙ্গে সঙ্গে এমন নিয়মাবলী আবিষ্কৃত হইবে যাহাতে প্রমাণ হইবে এই বিশ্বের ধারা ও সত্তা অভিন্ন ও অখণ্ড। সুতরাং বিচ্ছেদপন্থীরূপে আমাদের দাবী যথার্থ বলিয়া পরিচয় দিতে হইলে আমাদের দাবীকে দেখাইতে হইবে যে আমাদের জাতীয় জীবন বিকশিত হইয়া একত্রে গ্রথিত হইয়া পূর্ণ পরিণতির দিকে অগ্রসর হইবে, ইহাতে আমাদের দাবীকে বিশ্বের জাতি সমূহের মধ্যে একটা বিশিষ্ট স্থান দিবে, এবং আমাদের জাতীয় ভাগ্যগঠন করিতে সহায়তা করিবে; আমরা বিশ্বাস করি আমাদের সকল সংগ্রামের মাঝে এই জাতীয় ভাগ্য তাহার সমস্ত মহত্ব লইয়া আমাদের জন্ম অপেক্ষা করিতেছে। আমরা যদি এ বিষয়ের সত্য নিরীক্ষণ করিতে চাই, তাহা হইলে একথাটি আমাদের মানিয়া

লইতেই হইবে। যে মহৎ নীতি আমাদের জীবন পরিচালিত করিতেছে, যাহা আমাদের জন্ম একটা বাঁধা ধরা কার্য প্রণালী নির্দেশ করিয়া দিয়াছে, যাহাতে আত্মোৎসর্গ, কঠোর পরিশ্রম, বহুবর্ষ ধরিয়া কষ্টসহিষ্ণুতা এবং হয় ত লক্ষ্যে উপস্থিত হইবার পূর্বে মৃত্যুকেও বরণ করা আবশ্যিক হইবে, সেই মহৎ-নীতির সত্যতা অবশ্যই প্রমাণিত হইবে এমন সব নিয়মের দ্বারা যাহা উহাকে বার্থ বুলিয়া নির্দেশ করিয়া দিয়াছে। তাহা না হইলে ইহার নিকট আমরা বশ্যতা স্বীকার করিব কেন? ইহাকে আমরা পরীক্ষা করিয়া দেখিলে দেখিব সে পরীক্ষা কত আত্মানুভূতি সাধক ও গভীর ভাবগোতক। ইহাতে আমাদের কতকগুলি দৃঢ়বদ্ধ কুসংস্কার বর্জন করিবার জন্ম প্রস্তুত হইতে হইবে; তাহাতে যদি আমরা সম্মত না হই, তাহা হইলে আমরা সত্যকে পরিত্যাগ করিতে বাধ্য হইব। কিন্তু আমরা সম্মুখপথে অগ্রসর হইবার নির্ভীকতা লাভ করিব, এবং অবশেষে জয়ী হইব, কেবল এই কথা আমাদের সর্ব সময়ে মনে রাখিতে হইবে যে স্বাধীনতার প্রকৃত উদ্দেশ্য সমগ্র মানব জাতির মুক্তি ও স্বস্তি উপলব্ধি করা, সমস্ত পৃথিবীকে—ইহার একটু সীমাবদ্ধ স্থানবিশেষকে নয়—মানবের সুন্দরতর আবাসে পরিণত করা।

এই দিক হইতে প্রশ্নটির সমাধান করিতে চেষ্টা করিলে, ইহা সমস্ত চিন্তা-শীল ব্যক্তির নিকট মহৎ ও চিন্তাকর্ষক বুলিয়া গণিত হইবে। আমাদের যে প্রতিপক্ষ পূর্বে এ প্রশ্নটিকে হাসিয়া উড়াইয়া দিয়াছিলেন, তিনি নিশ্চয়ই এখন ইহার আলোচনা করিতে অগ্রসর হইবেন। হয়ত এখনও তিনি ইহার সত্যতা সম্বন্ধে সন্দেহান থাকিতে পারেন, তিনি পতিত ভূমির দিকে অঙ্গুলি নির্দেশ করিয়া প্রতিদ্বন্দ্বীর শক্তির সহিত উহার দৌর্বল্য তুলনা করিয়া বলিতে পারেন—“তোমার দর্শন অতি সুন্দর সন্দেহ নাই, কিন্তু ইহা স্বপ্নমাত্র।” কিন্তু তিনি ইহার প্রয়োজনীয়তা বুঝিয়াছেন, ইহাই একটা মস্ত-লাভ; এইরূপে আমরা তাঁহাকে ক্রমশঃ একটু একটু অগ্রসর হইতে প্রণোদিত করিব এবং অবশেষে আমরা যে নীতির জন্ম সংগ্রাম করিতেছি, তিনি তাহাই গ্রহণ করিবেন।

(৩)

মানুষের কাজ করিবার পক্ষে এখন প্রধান বাধা দেই সাধারণ ভ্রান্তি যে মানুষের দেশের কাজ এই ধারণার দ্বারা পরিচালিত হইবে যেন উহা তাহার

জীবদশায়ই ফলপ্রসূ হইতে পারে। ইহা কিন্তু একেবারেই ভ্রান্ত, কারণ মানুষের জীবন মাত্র কয়েক বর্ষব্যাপী, কিন্তু একটা জাতির জীবন বহু শতাব্দী ধরিয়া, এবং যে হেতু একটা জাতির কার্যপ্রণালী উহাকে ভবিষ্যতে পূর্ণ-বিকশিত করিয়া তুলিবার জন্ম নির্দিষ্ট হইবে, সেই হেতু মানুষকে এমন একটা লক্ষ্য ধারণা কার্য করিতে প্রস্তুত হইতে হইবে, যাহা কেবল ভবিষ্যৎ বংশে সফলতা লাভ করিতে পারে। মানুষ তাহার নিজের জীবনে কি প্রণালী ধরিয়া কার্য করে তাহাই দেখা যাউক। তাহার বাল্যকালও কৈশোর এমন ভাবে ব্যাপিত হয় যাহাতে তাহার পূর্ণ বয়সের কাল ও যৌবন জীবনের শ্রেষ্ঠ অংশে পরিণত হইতে পারে, শরীর দৃঢ় সঞ্চয়, মন সুপ্রতিষ্ঠিত, দৃষ্টি সূক্ষ্ম, উদ্দেশ্য মহান, আশা উচ্চ—এই সমস্তই কোনও বিশেষ কার্যের দ্বারা প্রমাণিত হয়। মানুষের শৈশব ও কৈশোর যেমন সুনিয়োজিত ও সুব্যয়িত হইবে, তাহার যৌবন সেইরূপ মহৎ হইবে। শৈশবে জন্ম প্রস্তুত হয় এবং পূর্ণ পরিণতির সময়ে চমৎকার ফলোৎপাদনের জন্ম বাজ উঠে হয়। জাতির পক্ষেও ঠিক এইরূপ। আমরা জন্ম প্রস্তুত করিয়া ভবিষ্যতে পূর্ণ পরিণত হইয়া ফলপ্রসূ হইবার জন্ম বাজ বপন করিয়া যাইব; মনে রাখিতে হইবে যে একটা জাতির পূর্ণবিকাশ এক পুরুষে হয় না, পুরুষপরম্পরা তাহার জন্ম অপেক্ষা করিতে হয়; এই জ্ঞান লইয়া আমাদের কার্য করিতে প্রস্তুত হইতে হইবে আমরা যে এখন কার্য করিতেছি তাহার ফল ভবিষ্যতে আমাদের অনেক পুরুষ পরের বংশধরেরা উপভোগ করিবে। ইহার এই অর্থ নয় যে আমরা নির্জনে একাকা কার্য করিয়া যাইব, জীপ্সিত লক্ষ্যের চিহ্নও দেখিতে পাইব না; এমন হইতে পারে যে আমরা আমাদের জীবিত কালেই সেই লক্ষ্যে পৌঁছিতেও পারি, হয়ত ইহার যে সমস্ত চমৎকর দৃশ্য ভবিষ্যতে যুগযুগ ধরিয়া আনন্দ প্রদান করিবে সে সমস্তের আবিষ্কার না করিতে পারি। যে জয়গৌরব আমাদের স্বাধীনতা ঘোষণা করিবে, তাহা অভিনন্দিত করিবার জন্ম হয়ত অনেকেই জীবিত থাকিবেন না, কিন্তু তথাপি তাঁহাদের পরিশ্রমের ও পুরস্কার আছে; কারণ ভবিষ্যৎ জয়ের কল্পনা মুক্তি পরিগ্রহ করিয়া তাঁহাদের নিকট দেখা দিবে, সেই উজ্জ্বল ভবিষ্যতের জন্ম যে তাঁহারা কাধ্য করিতেছেন এই জ্ঞানে তাঁহাদের আত্মা সশুদ্ধতর হইয়া উঠিবে এবং একবার তাঁহাদের উদ্দেশ্য সফল হইলে কোনও অত্যাচার যে উহা ধ্বংস করিতে পারিবে না, আমাদের দেশের ভাগ্য যে গাঠিত হইয়া যাইবে, এবং তাহার চিরস্থায়িত্বে আর কোনও সন্দেহই থাকিবে না—এই ধারণায় তাঁহাদের অসীম আত্মতৃপ্তি লাভ হইবে। এই

স্বাধীনতার অগ্রগামী সৈনিকদিগের মধ্যে কাহারও বিরুদ্ধে কোনও কথা উঠিলে তিনি ইহা স্বয়ং উপলব্ধি করিয়া লয়েন, তাহাতে তিনি অজ্ঞেয় হইয়া উঠেন এবং পরিশেষে তিনিই জ্ঞানী বলিয়া বিবেচিত হইয়েন। তিনি অতীতকে ভাল করিয়া বুঝিয়া লয়েন এবং সেই অতীতের কঠিন আবরণের মধ্য দিয়া তিনি বর্তমানের সত্য উপলব্ধি করিয়া জীবনের বিশাল অভিজ্ঞতা অনুসারে কার্যের পন্থা নির্দিষ্ট করেন এবং তাহাতেই তিনি সফলতা লাভ করেন; কারণ পরিণামে তিনি কার্যের প্রকৃত পথ বাহির করিতে পারেন, তখন তাহার কার্য পরিণতি লাভ করিয়া শতশতাংশ ফলপ্রদ হয়। ইহা একদিনে না হইতে পারে, কিন্তু মৃত্যু আসিয়া তাঁহার হস্তকে যখন অসার করিয়া দিবে, তখন তাঁহার গৌরব অতি শীঘ্রই প্রকাশিত হইয়া পড়িবে। কারণ তিনি মহৎ জীবন যাপন করিয়াছেন, কার্য করিবার জন্ত স্তম্ভর ক্ষেত্র রাখিয়া গিয়াছেন, চিরদিন ধরিয়া দেশের সেবা করিবার জন্ত উপযুক্ত সময়ে আত্মবলিদান দিয়াছেন; এবং মরিয়া তিনি মহৎব্যক্তিগণের সান্নিধ্য লাভ করিয়াছেন, সেথায় তিনি শাস্ত্র অমরত্ব লাভ করিবেন। তিনিই প্রকৃতপক্ষে কাজের লোক আর ঐ যে আত্মসত্ত্বী ব্যক্তি যে আপনাকে কাজের লোক স্থির করিয়া এই সকল কার্যকে মূর্থতার পরিচায়ক মনে করে, এবং সময় বুঝিয়া সুযোগের জন্ত চৌক্য কার্যে থাকে, সে কি কখন তাহার মতানুযায়ী কার্য করিবার প্রতিজ্ঞা পূর্ণ করিতে পারিবে? না, কারণ এই পৃথিবীতে সেই সন্ধ্যাপেক্ষা অকল্পনীয়। তাহার নিজেকে উপযুক্ত বিচার করিতে হইলে সকল যুগের সুযোগ-অসুযোগকারীদিগের ব্যর্থ চেষ্টার বিষয় সে চিন্তা করুক এবং ইতিহাসের মরুভূমির মাঝে বিক্ষিপ্ত নিষ্ফল কল্পনার কথা সে স্মরণ করুক।

(৪)

তথাপি হর ত কেহ কঠোর বাস্তবের প্রতি লক্ষ্য করিয়া সাময়িক মোহমুক্ত হইয়া বলিবে—“এই দেখ ব্রিটিশ সাম্রাজ্যের বিশাল শক্তি আর আমাদের পতিত দুর্বল অবস্থা, তোমাদের বুঝা আশা।” তিনি যেন এই স্পষ্ট সত্য মনে রাখেন—জাতি বাঁচিয়া থাকে, সাম্রাজ্য ধ্বংস প্রাপ্ত হয়। অতীতের সেই বিশাল সাম্রাজ্য সমূহ এখন কোথায়? বর্তমানের সাম্রাজ্যগুলির মধ্যেও ধ্বংসের বাজ নিহিত রহিয়াছে। যে সকল জাতি অতীত সাম্রাজ্যের উত্থান ও শাসনশক্তি দেখিয়াছিলেন, এখনও তাঁহাদের বংশধরেরা জীবিত রহিয়াছে, যে আত্যাচার

তাঁহাদের নয়ন সম্মুখে বিস্তীর্ণ আনয়ন করিত, তাহা এক্ষণে বিনষ্ট হইয়া সমাপ্ত হইয়াছে। সে জাতিগুলি এখনও বাঁচিয়া আছে, কিন্তু সে সাম্রাজ্যগুলি লুপ্ত হইয়াছে; এবং বর্তমান কালের পৃথিবীর জাতি সমূহের বংশধরেরা তখনও বাঁচিয়া থাকিবে, যখন এই প্রভূতের জন্ত বিধ্বনমান সাম্রাজ্যগুলি ধূলায় মিশিয়া যাইবে যেমন সব অতীত, যেমন সব অজ্ঞায় ধূলিসাৎ হয়। আমরাও ভবিষ্যতে বাঁচিয়া থাকিব, এবং আমাদের এখনকার এই বিশ্বাসের পরিমাণ আমাদের কার্যের পরিমাণ ও ভবিষ্যতে আমাদের মহত্বের পরিমাণের দ্বারা নির্দিষ্ট হইবে।

নারায়ণের নিকষমণি

কর্ম্ম অন্দিহ্ন—শ্রীযুক্ত দেবেন্দ্রনাথ ঠাকুর প্রণীত উপন্যাস, বৃহৎ পুস্তক স্তম্ভর বাঁধা, মূল্য ২ টাকা। প্রাপ্তি স্থান—বেঙ্গল লাইব্রেরী, ৮ নং গুলুগুস্তাগরের লেন, দরজিপাড়া, কলিকাতা। এই উপন্যাসখানি একটু নতুন ধরণের; এই যে দেশের নতুন ডাবের ঢেউ এসেছে, তাহাতে দেশের নয়নারীর মনে অশিক্ষিত অসম ভিক্ষাজীবী দরিদ্রদের গড়ে তুলবার যে চেষ্টা চলেছে, এ বইখানি তারি একটা চিত্র। বইখানার ভাষায় ও বর্ণনা ভঙ্গীতে কাঁচা হাঁড়ের ছাপ থাকলেও বলতে আমরা বাধ্য গ্রন্থকার উপন্যাসের মধ্যে অনেক নতুন কর্ম্মপন্থার পরিচয় দিয়েছেন, যেগুলি দেশসেবকেরা গ্রহণ করে উপকৃত হতে পারবেন। নায়ক ‘পরেশের’ চরিত্রটা বেশ ফুটেছে এবং মেয়ে চরিত্রের মধ্যে ‘মৃগালিনার’ পরিচয়টা বেশ উপভোগ্য, প্রকৃত শিক্ষিতা মেয়ের চালচলন, ব্যবহার কেমন হয় তা দেখে মুগ্ধ হতে হয়। পাঠকেরা বইখানি পড়ে কৃত্তি পাবেন।

উনপঞ্চাশী—শ্রীযুক্ত উপেন্দ্রনাথ বন্দ্যোপাধ্যায় প্রণীত, ১২ নং রামরতন বস্তুর লেন, শ্রামবাজার থেকে প্রকাশিত; মূল্য এক টাকা। ‘যুগান্তর’ সারণি উপেন্দ্রনাথের উনপঞ্চাশীর নতুন করে পরিচয় দেওয়া অনাবশ্যক। যখন এই বইখানায় প্রকাশিত প্রবন্ধগুলি এক এক করে “বিজলী”তে বের হত, তখন লোকের সপ্রীতির পর সপ্তাহ সেগুলি পড়বার জন্ত উৎসুক হয়ে বসে থাকত। এমন সময়ভঙ্গীতে গুরুপন্থীর বিষয়গুলির পরিচয় দেওয়া বোধহয়

এক উল্লেখ্যবাবুরই পক্ষে সম্ভব। কিন্তু এই সঙ্গে এখানে একটু দুঃখের সঙ্গে স্বীকার করতেই হবে যে অনেক স্থলে ব্যক্তিবিশেষকে তিনি অযথা ছল ফুটিয়েছেন। তা ছাড়া বইখানি চমৎকার উপভোগ্য।

বন্দীর ডায়েরী—শ্রীযুক্ত হেমন্তকুমার সরকার প্রণীত, ইণ্ডিয়ান বুকস্ট্রাব, কলেজ স্ট্রীট মার্কেট হইতে প্রকাশিত মূল্য ১২ টাকা। অসহযোগ আন্দোলনে ছ'মাস জেলে থেকে হেমন্ত বাবু যে অভিজ্ঞতা লাভ করেছেন, তাই এই বইখানিতে লিপিবদ্ধ করেছেন। তাঁর সরস লিখন ভঙ্গীতে বইখানি বেশ চিত্তাকর্ষক হয়েছে।

আঁশ্রি লক প্রতীষ্টি উপস্থাসিক শ্রীযুক্ত সৌরীন্দ্রমোহন মুখোপাধ্যায় প্রণীত, কলেজস্ট্রীট মার্কেট, রায় এণ্ড রায় চৌধুরী কর্তৃক প্রকাশিত; মূল্য ২১০ টাকা। এই উপস্থাস খানিতে সৌরীণ বাবুর পূর্বের যশ অক্ষুণ্ণ ত রয়েছেই আমাদের বোধ হয় এই বইখানিতে বরং সে যশ অনেকটা বেড়েছে। এতে শিশুর মনস্তত্ত্ব বিশ্লেষণের যে অদ্ভুত ক্ষমতা প্রকাশ পেয়েছে, তা বাংলার উপস্থাস সাহিত্যে বিরল। “নিখিলের” মধ্যে প্রকৃতির যে লীলা তাকে ভিতরের অতিশ্বেহের কারা থেকে বাহিরের মুক্ত বাতাসে বের করতে বাবুবার চেষ্টা পেয়েছে, “সুখমার” মধ্যে মাতৃ শ্বেহের যে রসধারা উচ্ছল হয়ে উঠেছে, “অভয়শঙ্করের” মধ্যে যে অতি শ্বেহের কাঠিন্য ফুটে উঠেছে, এ সবের পরিচয় বাংলা সাহিত্যে অভিনব ও অতুলনীয়। এই বইয়ের শিশু চরিত্রের বিশ্লেষণ পড়বার সময় Marie. Corelli, The Mighty Atom গ্রন্থখানির অন্তর্গত মুক্তির আনন্দের লজ্জা ব্যাকুল শিশুর কথা মনে পড়ে। এ বইয়ের মধ্যে কিন্তু একটা অসামঞ্জস্য আমাদের চোখে পড়ে—সেটা হচ্ছে “সুখমার” সন্তান হওয়া ও সেই সন্তানের অস্বাভাবিক মৃত্যু। অভয়শঙ্করের সঙ্গে সুখমার যে সম্পর্ক ও সম্বন্ধ তাতে সুখমার সন্তান হওয়াটা অস্বাভাবিক এবং অভয়শঙ্করের মনের সংস্কারের উপর অস্ত্রায় করা হয়েছে বলে আমাদের মনে হয়। যা হ'ক এই উপস্থাসখানি বাংলা সাহিত্যে অভিনব ও নূতন ধরণের হয়েছে। পাঠকেরা এই বইখানি পড়ে নিশ্চয়ই খুব তৃপ্তি পাবেন।